

Hitesranjan Sanyal Memorial Collection
Centre for Studies in Social Sciences, Calcutta

Record No.	CSS 2000/107	Place of Publication:	Dhaka
		Year:	1877
		Language	Bangla
Collection:	Indranath Majumder	Publisher:	Girishchandra; printed by Munshi Maolabox Printer.
Author/ Editor:	Nabinchandra Sen	Size:	12.5x19.5cms.
		Condition:	Brittle
Title:	Palashir Juddha	Remarks:	Ballad

পলাশির যুদ্ধ ।

[কাব্য]

শ্রীনবীনচন্দ্র সেন প্রণীত ।

ঢাকা-গিরিশম্ভে

শ্রীমুন্সি মওলাবক্স প্রিন্টার কর্তৃক

মুদ্রিত ।

ইং ১৮৭৭। ১৫ই জানুয়ারি ।

মূল্য ১।০ একটাকা চারিআনা মাত্র ।

৫
৩
৪
৫
৬
৭
৮
৯
১০
১১
১২
১৩
১৪
১৫
১৬
১৭
১৮
১৯
২০
২১
২২
২৩
২৪
২৫
২৬
২৭
২৮
২৯
৩০
৩১
৩২
৩৩
৩৪
৩৫
৩৬
৩৭
৩৮
৩৯
৪০
৪১
৪২
৪৩
৪৪
৪৫
৪৬
৪৭
৪৮
৪৯
৫০
৫১
৫২
৫৩
৫৪
৫৫
৫৬
৫৭
৫৮
৫৯
৬০
৬১
৬২
৬৩
৬৪
৬৫
৬৬
৬৭
৬৮
৬৯
৭০
৭১
৭২
৭৩
৭৪
৭৫
৭৬
৭৭
৭৮
৭৯
৮০
৮১
৮২
৮৩
৮৪
৮৫
৮৬
৮৭
৮৮
৮৯
৯০
৯১
৯২
৯৩
৯৪
৯৫
৯৬
৯৭
৯৮
৯৯
১০০

পূজ্যতম পণ্ডিতবর শ্রীযুক্ত ঈশ্বরচন্দ্র বিদ্যাসাগর।

দেব !

যে যুবক হৃৎকেন্দ্রের সময়ে অশ্রুজলে একদিন আপনার চরণ অভিষিক্ত করিয়াছিল, আজি সেই যুবক আবার আপনার শ্রীচরণে উপস্থিত হইল ; কিন্তু আপনার আশীর্বাদে, ততোধিক আপনার অনুগ্রহে, আজি তাহার বদন প্রসন্ন, হৃদয় আনন্দে পরিপূর্ণ ! আপনার দয়াসাগরের বিন্দুমাত্র সিঞ্চে দরিদ্রতাদাবানল হইতে যেই মানস-কানন রক্ষা পাইয়াছিল, আজি সেই কাননপ্রস্থত একটি ক্ষুদ্র কুমুম আপনার চরণে উৎসর্গীকৃত হইল ;—এই কারণ তাহার এত আনন্দ ! বঙ্গকবিরত্নগণ স্বীয় মানস-উদ্যান-জাত যে চিরসুবাসিত কুমুমরাশির দ্বারা আপনার ভারতপূজ্য পবিত্র নাম পূজা করিয়াছেন, আমি তজপ পবিত্র, পরিমলবিশিষ্ট কুমুম কোথায় পাইব ? আমার হৃদয়—কানন ; আমার উপহার—বনফুল । কিন্তু মহর্ষিগণ পারিজাত কুমুমে যেই দেবপদ অর্চনা করেন, দরিদ্র ভক্তের ক্ষুদ্র অপরাজিতাও সেই পদে সমাদরে গৃহীত হইয়া থাকে, আমার এই মাত্র সাহস,—এই মাত্র ভরসা ।

সন ১২৮২,
১লা মাঘ ।

আপনার চিরানুগত ।
শ্রীনবীনচন্দ্র সেন ।

ভ্রমসংশোধন ।

পৃষ্ঠা	পংক্তি	অশুদ্ধ	শুদ্ধ
৯	৪	বাহার	বাহার
১১	২	শাদ্দুল	শাদ্দুল
"	৬	হদরে	হদরে
"	১১	নাহি কায	" নাহি কায
২৮	৪	বঞ্জা	বঞ্জা
"	"	সিকুচ্ছাস	সিকুচ্ছাস
৪০	৭	নুঠিতেছে	নুঠিতেছে
৪৭	২	সন্ধিসত্র	সন্ধিপত্র
৫০	১৬	তাড়িত	তাড়িত
৫৬	৮	পূর্ণমধুরিমা	পূর্ণমধুরিমা
৫৬	১১	তুষাররত	তুষাররত
৫৮	"	শতকের	শতক
৬২	২	আরোহিল ;	আরোহিল,
৬৫	৭	স্বাধীনতাধনে ;	স্বাধীনতা-ধন,
৭১	১	পুনঃ বনৎকার	পুনঃ বনৎকার
৭১	৬	তবে	তাই
৭৫	৭	আত্মবনে	আত্মবনে
৭৬	১৬	অত্যাচার	অত্যাচার,
৭৭	৮	আমার	আমার,

পৃষ্ঠা	পংক্তি	অশুদ্ধ	শুদ্ধ
৭৯	১৫	দুঃখীনির	দুঃখীর
৮০	৪	উপবিষ্ট	উপদিষ্ট
৮৫	১	অক্ষুটম্বরে	অক্ষুটম্বরে
৮৯	৪	নিমিলিত	নিমীলিত
৯২	৯	আমারা	আমরা
১২০	১৫	স্বর্গবাস	স্বর্গবাস
"	২০	মুহূর্তেক	মুহূর্তেক।
১২২	৬	ভায়নক	ভয়ানক
১২৭	১৪	কম্পনে	কম্পনে
১৪৬	৯	রাজরাণা	রাজরাণী
১৪৫	৬	প্রকৃত-প্রণ-পথে	প্রকৃত-প্রণয়-পথে
১৫২	৮	পাপা	পাপী

পলাশির যুদ্ধ।

প্রথম সর্গ।

মুরসিদাবাদ—জগৎসেতের মন্ত্র ভবন।

১

দ্বিতীয়-প্রহর নিশি, নীরব অবনী,
 নিবিড়-জলদারিত গগন-মণ্ডল ;
 বিদারি আকাশতল,—যেন ভূফ ফণী—
 খেলিতেছে থেকে থেকে বিজলী চঞ্চল ;
 দেখিতে বজ্রের দশা সুর-বালাগণ,
 গগন-গবাঙ্ক যেন চকিতে-খুলিয়া,
 অমনি সিরাজ-ভয়ে করিতে বন্ধন,
 চমকিছে রূপজ্যোতিঃ নয়ন ধাঁধিয়া ;
 মুহূর্তেক হাসাইয়া গগন-প্রাঙ্গণ,
 সত্যে চপলা মেঘে পশিছে তখন।

২

যবনের অত্যাচার করি দরশন,
বিমল হৃদয় পাছে হয় কলুষিত ;
ভয়েতে নক্ষত্র-মালা লুকায়ে বদন,
নীরবে ভাবিছে মেঘে হয়ে আচ্ছাদিত ।
প্রজার রোদন, রাজ-আমোদের ধ্বনি,
করিয়াছে যামিনীর বধির শ্রবণ ;
গগন পরশে পাছে ভাসায়ের ধরনী,
এই ভয়ে ঘনঘটা গর্জে ঘন ঘন ।
গম্ভীর ঘর্ষর শব্দে কাঁপিছে অবনী,
দ্বিগুণ ভীষণতরা হতেছে যামিনী ।

৩

নীরদ-নির্ধিত-নীল-চন্দ্রাতপ-তলে
দাঁড়াইয়া তরুরাজি,—স্থির অবিচল,
প্রস্তরে নির্ধিত যেন ! জাহ্নবীর জলে
একটি হিলোল নাহি করে টল মল ;
নাবহে সমর-স্রোত, জাহ্নবীর জল ;
প্রকৃতি অচল ভাবে আছে দাঁড়াইয়া ;
অস্পন্দ অন্তরে যেন সুর ধরাতল,
শুনিছে কি মেঘমল্লৈ ঘন গরজিয়া
বিজ্ঞাপিছে বিধাতার ক্রোধ ভয়ঙ্কর,
কাঁপাইয়া অত্যাচারী পাপীর অন্তর ।

৪

ভয়ানক অন্ধকারে ব্যাপ্ত দিগন্তর
তিমিরে অনন্যকায় শূন্য ধরাতল,
বিনাশিয়া একেবারে বিশ্বচরাচর ;
অবিষাদে অন্ধকার বিরাজে কেবল ;
কত বিভীষিকা সৃষ্টি হয় দরশন ;
সমাধি করিয়া যেন বদন ব্যাদন
নির্গত করেছে শব বিকট-দর্শন,
বারেক খুলিলে নেত্র ভয়ে কাঁপে প্রাণ,
ধরা যেন বোধ হয় প্রকাণ্ড শ্মশান,
নাচিছে ডাকিনী করে উলঙ্গ রূপাণ ।

৫

ধরিয়া বঙ্গের গলা কাল-নিশীথিনী,
নীরবে নবাব-ভয়ে করিছে রোদন ;
নীরবে কাঁদিছে আহা ! বঙ্গ বিধাদিনী,
নীহার নয়নজলে তিতিছে বসন ।
নীরব ঝিল্লির রব ; সুর সঘীরণ ;
মাতৃবুকে শিশুগণ, দম্পতী শয্যাগ,
পতি প্রাণভয়ে, সতী সতীত্বকারণ,
ভাবিছে অনন্যমনে কি হবে উপায় ;
বিরামদায়িনী নিদ্রা ছাড়ি বঙ্গালয়
কোথায় গিয়াছে, ডরি নবাব নিদয় ।

৬

যেই মুরসিদাবাদ সমস্ত শর্করী,
শোভিত আলোকে, যথা শারদ গগন ।
খচিত নক্ষত্র-হারে, রঞ্জনী সুন্দরী
হাসিত কুমুদনামে রঞ্জিয়া নয়ন ;
উৎখলিত অনিবার আমোদ-সহরী,
ভাসিত নগরবাসী, অমর-সমান,
শান্তির সাগরে স্রুখে ; সে মহানগরী,
ভাবনা-সাগরে কেন আজি ভাসমান ?
যাহার সঙ্গীত-স্বরে জাহ্নবী-জীবন
নাচিত উল্লাসে, আজি সে কেন এমন ?

৭

পাঠক !

ঢকল ঢপলালোকে চল একবার,
যাই সুরপুরী-সম সেঠের ভবনে,
ভারতে বিখ্যাত যেন কুবের-ভাণ্ডার ;
অচলা কমলা যথা হীরক-আঁসনে ;
যথায় সঙ্গীত-স্রোত বহে অনিবার
কামিনী-কোমলকণ্ঠে, জিনিয়া স্বস্বরে
কোকিল-কাকলী, কিম্বা সুরতার সেতার,
বরষি অমৃতধারা শ্রবণ-বিবরে ।
অন্ধকারে সাবদানে শঙ্কিত অন্তরে,
চল যাই কি আমোদ দেখি সেই ঘরে ।

৮

একি ! !
নীরব সেতার, বীণা, মধুর বাঁশরী,
পাখোয়াজ, মেঘনাদে গর্জে না গভীর ;
নৈশ-নীরদের মালা আবাহন করি,
কেহ নাহি গায় মেঘমল্লার গভীর ;
নিষ্কোষিত-অসি করে দ্বৌবারিকদল ;
অন্ধকারে দ্বারে দ্বারে করিছে ভ্রমণ ;
একটি কপাট কোথা নাহি অনর্গল ;
একটি প্রদীপ কোথা জ্বলে না এখন ;
তিমিরে অদৃশ্য গৃহ, প্রাচীর, প্রাসঙ্গণ ;
বোধ হয় ঠিক যেন বিরল বিজন ।

৯

কেবল কতটি রশ্মি গবাঙ্ক বিদারি,
একটি মন্দির হ'তে হইয়া নির্গত,
তমোরাশি মাঝে ক্ষীণ আলোক বিস্তারি
শোভিছে, আকাশ-চ্যুত নক্ষত্রের মত ;
যেই ক্ষুদ্র পথে রশ্মি হইয়াছে নিঃসৃত, -
কল্পনে ! সে পথে পশি নিভৃত আলয়ে,
কহ, সর্কপুরী যবে তিমিরে আনৃত,
এই কক্ষে আলো কেন জ্বলে এ সময়ে ?
গভীর নিশীথে কিণো বসি কোন জন,
অভীক্ষিত মহামন্ত্র করিছে সাধন ?

কি আশ্চর্য্য !
বজ্রের অদৃষ্ট ন্যস্ত যাহাদের করে,
উজ্জ্বল বজ্রের মুখ যাদের গৌরবে,
তারা কেন আজি এত বিষন্ন অন্তরে,
নিশীথে নিভৃত স্থানে বসিয়া নীরবে ?
সহস্রে বেষ্টিত হয়ে স্বর্ণ সিংহাসনে
বসেন সতত ঝাঁরা, তাঁরা কেন, হায়,
নির্জনে মলিন মুখে বিষাদিত মনে
বসিয়া গস্তীর ভাবে মজিয়া চিন্তায় ?
প্রাচীরে চিত্রিত পটে কুমুদমালিনী,
লোল-জিহবা অটহাসি ভৈরব-ভামিনী ।

রাখিয়া দক্ষিণ করে দক্ষিণ কপোল,
বসি অবনত মুখে বীর পঞ্চজন ;
বহে কি না বহে শ্বাস, চিন্তায় বিহ্বল,
কুটিল ভাবনাবেশে কুঞ্চিত নয়ন ।
অনিমেষ-নেত্রে, কণ্ঠে, যেন এক মনে
পড়িছে বজ্রের ভাগ্য অঙ্কিত পাশাণে
বিধির অস্পৃষ্টাঙ্করে ; কিম্বা চিতমনে
প্রাণ যেন আরোহিয়া কপ্পনা-বিমানেন,
সময়ের যবনিকা করি উদঘাটন,
বঙ্গ ভবিষ্যৎ-সিন্ধু করে সন্তরণ ।

একটী রমণীমুষ্টি বসিয়া নীরবে,
গৌরাঙ্গিনী, লঘু-শ্রীবা, আকর্ণ-নয়ন,
(সুখ-তারা শোভে যেন আকাশের পটে !)
শোভিছে উজ্জ্বলি জ্ঞান-গর্ভিত বদন ।
আবার পলকে সেই নয়নযুগল,
স্নেহের সলিলে হয় কোমলতা-ময় ;
এই বর্ষিতেছে ক্রোধ-গরিমা-গরল,
অমনি দরাতে পুনঃ দ্রবীভূত হয় ।
বিশ্বব্যাপী সেই দয়া, জাহ্নবী যেমন
সমস্ত বজ্রতে করে স্রধা বরিষণ ।

স্বস্বপ্ননয়নে ঐ গস্তীর বদনে,
করতলে বামগণ্ড করিয়া স্থাপন,
ভাবিছে, জানকী যেন অশোক কাননে,
আপন উদ্ধার-চিন্তা, বিষাদিত মন ।
আবার এদিগে দেখ, স্তত্র আসনে
নীরবে বসিয়া এক তেজস্বী যবন,
ভ্রূহ ভাবনা যেন ভাবিতেছে মনে,
শ্বেত শশক-রাশি তার চুষ্টিছে চরণ ।
ক্ষণে চাহে, শূন্য পানে, ক্ষণে ধরাতল
স্বদীর্ঘ নিশ্বাসে শশক করে দলমল ।

দেশদেশান্তর হ'তে ইহারা সকল,
সমবেত কেন এই নিভৃত মন্দিরে ?
বজ্রের যে কোটী তারা নিখল, উজ্জ্বল,
কি ভাবনা মেঘে সব ঢেকেছে অচিরে ?
সৈরিক্রীড়ারূপা বজ্র, পাপ-কামনার
করেছে কি অপমান কীচক-ববন,
কেমনে উচিত দণ্ড দিবেন তাহার,
তাই কি মন্ত্রণা করে ভ্রাতা পঞ্চজন ;
অথবা রাজ্যের তরে বিষাদিত মনে,
ভাবিছে কি ক্রমা সহ বসি তপোবনে ?

কোন ব্রতে ব্রতী আজি কে বলিবে হার ?
কি বর মাগিছে সবে শ্যামার চরণে,
সামান্য লোকের মন বলা নাহি যায়,
রাজাদের কি কামনা বলিব কেমনে ?
ওই দেখ—
সুদীর্ঘ নিশ্বাস ছাড়ি, তুলিয়া বদন,
কণ্ঠের স্বপন যেন, হলো অপসৃত,
সঙ্গীদের মুখপানে করি নিরীক্ষণ,
কহিতে লাগিল মন্ত্রী নিজ মনোনীত ।
পর্তুত নির্ঝর হ'তে অবরুদ্ধ নীর,
বহিতে লাগিল যেন, গরজি গভীর ।

“ মহারাজ কৃষ্ণচন্দ্র !
অনেক চিন্তার পর করিলাম স্থির,
আমা হ'তে এই কর্ম হবে না সাধন ;
আজন্ম বাহার অগ্নে বর্জিত শরীর,
কৃতঘতা অসি, ধর্ম্যে দিয়া বিসর্জন,
কেমনে ধরিব আঁহা ! বিপক্ষে তাহার ?
যেই তক-ছায়াতলে যুড়াই জীবন,
কেমনে সে তরুমূল কাটিব আবার ?
অথবা নির্ভুর মনে ভুজঙ্গ যেমন,
কোন প্রাণে, যে গাভীর করি স্তম্ভপান,
হৃৎক বিনিময়ে তারে করি বিষ দান ? ”

“ কৃতঘতা মহাপাপ ; বলনা আমায়,
যেই করে করে মুখে আহার প্রদান,
কোন জনে সেই করে কাটিবারে চায় ?
কৃতঘনহৃদয় আঁহা নরক সমান !
সামান্য যে উপকারী, তার অপকার
করিলে, পাপেতে আঁহা হয় কলুষিত ;
একে রাজদ্রোহী, তাহে, মন্ত্রী হয়ে তার,
কেমনে ক্রমস্ত্রে তার করি বিপরীত ?
একে রাজ-বিশ্রোহিতা ! তাহে, অনিশ্চিত
এই পাপ পরিণাম—হিতে বিপরীত ? ”

১৮

“ সিংহাসন-চ্যুত করি অভাণা নবাবে,
কোন অভিসন্ধি বল হইবে সাধন ?
লইবে যে রাজদণ্ড আপন প্রভাবে,
যম দণ্ড করিলে কে করিবে বারণ ?
নাঁদের সাঁহার মত যদি কোন জন,
দিগ্গী বিনাশিয়া আসে বঙ্গে বীরভরে,
কেমনে রাখিবে ধন, বাঁচাবে জীবন,
কে বল বাঁধিয়া বুক দাঁড়াবে সমরে ?
হরিয়া সর্বশ যদি প্রাণানে কেবল,
বিনিময়ে ভিক্ষা পাত্র, দাসত্ব-শৃঙ্খল ? ”

১৯

“ মহজে দুর্বল মোরা চির-পরাধীন ;
পঞ্চশত বৎসরের দাসত্ব-জীবন,
করিয়াছে বঙ্গদেশ শৌর্য্য-বীর্য্য-হীন,
রক্ষিতে আপন দেশ অশক্ত এখন ;
শাসিতে বাঙ্গালা-রাজ্য আপনার বলে,
পার যদি, নবাবেরে করিতে দমন,
সাজহ সমরসাজে ; কি কায কৌশলে ?
নতুবা অধীন থাক এখন যেমন ।
রাজপদে, মন্ত্রিপদে, আছি বিরাজিত,
অদৃষ্টকে ধন্যবাদ দাও সমুচিত । ”

২০

“ সিরাজ হৃদ্যন্ত অতি, নিষ্ঠুর পামর,
মানি আমি, কিন্তু বল বনের শাদ্দুল
পোষে নাকি, পোষে নাকি কালবিষধর
বুদ্ধির কৌশলে, তবে কেন হেন তুল ?
ধর্ম্মনীতি, রাজনীতি, পাপ-পুণ্য-ভয়,
সবে মিলি কর যদি হ্রদয়ে সঞ্চার,
এই যে অনমনীয় হুস্তরত্টিচয়,
হইবে কোমল যেন কুম্বের হার ;
শীতল সৌরভরূপে শান্তির বিধান,
হইবে সমস্ত বঙ্গে স্বর্গের নমান ।

২১

নাহি কায অতএব পাপ-মন্ত্রণার,
কি কায পাপেতে আত্মা করি কলুষিত ?
মজিয়া মোহের ছলে, মাতি হুরাশার,
কি জানি ঘটাব পাছে হিতে বিপরীত ! ”
এইরূপে ভবিষ্যত কহি মন্ত্রীবর
নীরবিল; মুকুর্ভেক দীরব সকল ;
নিরাশ ভাবিয়া মনে যখন পামর,
প্রত্যেকের মুখপানে দেখিছে কেবল ।
অমনি জগৎসেষ্ঠ তুলিয়া বদন,
বলিতে লাগিল দর্পে সজীব বচন ।

২২

“ মন্ত্রীবর !
 নাথৈ কি বাঙ্গালি মৌরা চির-পরাধীন ?
 নাথৈ কি বিদেশী আসি দলি পদভরে,
 কেড়ে লর সিংহাসন ? করে প্রতিদিন
 অপমান শত শত চক্ষের উপরে ?
 স্বর্গ মর্ত্য করে যদি স্থান-বিনিময়,
 তথাপি বাঙ্গালি নাহি হবে এক-মত ;
 প্রতিজ্ঞায় কপ্তক, সাহস দুজ্জয় !
 কার্যকালে খোঁজে সবে নিজ নিজ পথ ;
 যে দিন মামুদ ঘোরি আসে সিন্ধুপার,
 সেই দিন হ'তে দেখ দৃষ্টিস্ত অপার ।”

২৩

“ কি আশ্চর্য্য ! মন্ত্রীর যে এই অভিপ্রায়
 হবে আজি, এই তার হবে অকস্মাৎ !
 একটী কণ্টক কভু ফুটেনি যে পায়,
 সে কেন না হাসিবেক দেখি শেলাঘাত ?
 বিদরে হৃদয় যার সে করে রোদন ;
 বেথানে অস্ত্রের লেখা ব্যাধিও তথায় ;
 ফলতঃ মন্ত্রীর এই বঙ্গ-সিংহাসন,
 এই সব মন্ত্রণার তাঁহার কি দায় ?
 যাঁহার হৃদয়ে শেল, সে জানে কেমন,
 পয়ের কেবল মাত্র লৌকিক রোদন ।”

২৪

“ কি বলিব মন্ত্রীবর ? বিদরে হৃদয়
 বলিতে সে সব কথা ; তপ্তলোহী-সম,
 ধমনীতে রক্ত-স্রোত প্রবাহিত হয় ;
 প্রতি কেশরক্লে অগ্নি-স্ফুলিঙ্গ-নির্গম—
 হয় বিহ্বাতের বেগে ; কি বলিব আর,
 বেগমের বেশে পাপী পশি অন্তঃপুরে,
 নিরমল কুল মম—প্রতিভা যাহার
 মধ্যাহ্ন-ভাঙ্কর-সম, ভূভারত যুড়ে
 প্রজ্বলিত,—সেই কুলে হুট হুরাচার
 করিয়াছে কলঙ্কের কালিমা-সঞ্চারণ ।”

২৫

“ সেঠের বংশের হায় ! ঐশ্বর্যের কথা
 সমস্ত ভারতে রাষ্ট্র প্রবাদের মত ;
 জগৎসেঠের নাম বদে যথা তথা
 লক্ষ্মীসমকক্ষ ; জাহ্নবীর মত
 শত মুখে বাণিজ্যের স্রোতে অনিবার
 ঢালিছে সম্পদ-রাশি সমুদ্র-ভাণ্ডারে ;
 আপনি নবাব বিনি, (অন্য কোন্ ছাঁর !)
 ঋণপাশে বাঁধা সদা যাহার হুরারে ;
 কিন্তু অপমানে হায় ফেটে যায় বুক,
 সে জগৎসেঠ আজি অবনত-মুখ ।”

২৬

“ কিন্তু এ প্রতিজ্ঞা মম,—সমস্ত পৃথিবী
সিরাজদ্দৌলার যদি হয় অনুকূল,
অথবা মানুষ ছার, তুচ্ছ ক্ষীণজীবী,
করেন অভয়দান যদি দেবকুল,
তথাপি—তথাপি এই কলঙ্কের কালি
সিরাজদ্দৌলার রক্তে ধুইব নিশ্চয় ;
যা থাকে কপালে, আর যা করেন কালী
কঠিন পাষাণে দেখ বেঁধেছি হৃদয় ;
সম্ভব, হইবে লুপ্ত শারদ চন্দ্রমা,
অসম্ভব, হ'বে লুপ্ত সেচের গরিমা । ”

২৭

“ যেই প্রতিহিংসা-অগ্নি—ভীম দাবানল,
জ্বলিছে হৃদয়ে মম ; প্রতিজ্ঞা আমার,
সিরাজদ্দৌলার তপ্ত শোণিত তরল,
নিভাইবে সে অনল ; কি বলিব আর ?
সাধিতে প্রতিজ্ঞা যদি হয় প্রয়োজন,
উপাড়িব একা নভো-নক্ষত্রমণ্ডল,
স্বমেষ সিন্ধুর জলে দিব বিসর্জন,
লইব ইন্দ্রের বজ্র পাতি বক্ষঃস্থল ;
যদি পাপিষ্ঠের থাকে সহস্র পরাণ,
সহস্র হলেও তবু নাহি পরিত্রাণ । ”

২৮

“ বঙ্গমাতা-উদ্ধারের পথ সুবিস্তার,
রয়েছে সম্মুখে ছায়াপথের মতন ;
হও অগ্রসর, নহে করি পরিহার,
জঘন্য দামত্ব-পথে কর বিচরণ ;
আমি এ কলঙ্ক-ডালি লইয়া মাথায়,
দেখাব না মুখ পুনঃ স্বজাতি-সমাজে ;
সঁপেছি জীবন মম এই প্রতিজ্ঞায়,
কথায় যা বলিলাম দেখাইব কায়ে ;
প্রতিহিংসা—প্রতিহিংসা—প্রতিহিংসা সার,
প্রতিহিংসা বিনে মম কিছু নাই আর । ”

২৯

নীরবিল সেচ-শেষ্ট,—অকণ-লোচনে,
হতেছিল যেন অগ্নি-ক্ষু লিঙ্গ নির্গত ;
অধর রক্তাক্ত-প্রায় দশন-দংশনে ;
মুক্তি-বন্ধ করত্বর । “ স্বপনের মত ”
বলিলেন রাজা রাজবল্লভ তখন,
“ বোধ হয় পাপিষ্ঠের অত্যাচার যত ;
নর-প্রকৃতিতে নাহি সম্ভবে কখন,
মনুষ্য-হৃদয় নহে পাপাশক্ত এত ;
এই অগ্নি দিনে, দেহ হয় রোমাঞ্চিত,
কি পাপে না বঙ্গভূমি হ'লো কলুষিত । ”

৩০

“ক্রমে পাপলিপ্সা-শ্রোত হতেছে বিস্তার,
এই দুর্নিবার নদী, কে বলিতে পারে,
কোথা হবে পরিণত ? কিছু দিন আর,
সতীত্ব-রতন এই বজ্রের ভাণ্ডারে,
থাকিবে না, থাকিবে না কুল শীল মান—
বজ্রবাসিদের হায় ! এখনো সবার
অনিশ্চিত ভয়ে, ত্রাসে, কঠাগত প্রাণ ;
সীমা হ’তে সীমান্তরে, এই বাঙ্গালার
উঠিতেছে হাহাকার ; ভাবে প্রজাগণ
কেমনে রাখিবে ধন, রাখিবে জীবন ।”

৩১

“যে যজ্ঞগাভ্রাচার দিতেছে আমার,
জানেন সকলে, আমি কি বলিব আর ?
যে অবধি সিংহাসনে বসিয়াছে, হায় !
সে অবধি বিষদৃষ্টি উপরে আমার ;
প্রিয়পুত্র কৃষ্ণদাস সহ পত্নিবীর—
হইয়াছে দেশান্তর ; ইংরেজ বণিক
আশ্রয় না দিত যদি, কি দশা আমার
হ’তো এত দিনে ; মম প্রাণের অধিক
পত্নীপুত্র বিরহেতে হয়েছি এখন,
নিদাঘে পল্লব-শূন্য তরুর মতন ।”

৩২

“কলিকাতা-জয়কালে,—কাঁপে কলেবর
অন্ধকূপ-অত্যাচার করিলে স্বরণ,
কেশরাশি কটকিত হয় শিরোপরে,
শঙ্কিত-শজাক-পৃষ্ঠ-কটক যেমন ;—
কলিকাতা-জয়-কালে, যদিও পামর
পেয়ে এ্রাসে ছাড়িয়াছে পুত্র কৃষ্ণদাস ;
যে দিন হইবে পাপী নির্ভয় অন্তর,
সে দিন আমার হবে সবংশে বিনাশ ;
বিপদে বেষ্টিত ব’লে মনে বড় ভয়,
আপাততঃ তাই প্রাণ রেখেছে নির্দয় ।”

৩৩

“এই ত কলির সন্ধ্যা ; প্রগাঢ় তিমিরে
এখনো বজ্রের মুখ হয় নি আরত ;
এখনো রয়েছে আলো আশার মন্দিরে,
নয়ন না পলকিতে হবে অন্তর্হত ।
এই রজনীতে যথা ঘন জলধরে,
অবিচ্ছিন্ন ব্যাপিয়াছে গগন-মণ্ডল ;
এইরূপে চিন্তা মেঘে, ভীম বেশ ধরে,
ঢাকিবে সমস্ত রাজ্য ; দৌরাণ্ডা কেবল
গভীর জলদ-নাদে করিবে গর্জন,
কার সাধ্য সেই ঝড় করিবে বারণ ?”

৩৪

“এই কালে এত বিঘ ; পূর্ণ কলেবর
হবে যবে এ ভূজঙ্গ, না জানি তখন
হবে কিবা ভয়ঙ্কর তীত্র বিষধর ;
নাশিবে নিশ্বাসে কত মানব-জীবন ;
সকালে সকালে যদি না হয় বিনাশ,
কিহা বিবদন্ত নাহি হয় উৎপাটন,
কিছু পরে কার সাধ্য সহিবে নিশ্বাস ?
বঙ্গসিংহাসন হ’তে মুচাবে বেটন ।
নিমীলিত নেত্রে থাকি আর শেষ নম,
সিংহাসন-চ্যুত হবে কিসে হুরাশয়

৩৫

“চিন্ত সূপার, মদ এই অভিপ্রাণ—
সহদয় ইংরেজের লইয়া আশ্রয়,
রাজ্যহত করি এই ছরত যুবায় ;
—কত দিনে বিধি বদে হইবে সদয় !—
সৈন্যাপ্যক সাধু মিরজাফরের করে
সমর্পিলে রাজ্যভার, তা হ’লে নিশ্চয়
নিদ্রা যাবে বঙ্গবাসী নিভয় অন্তরে ;
হইবে সমস্ত রাজ্য শান্তি-স্বধাময় ।”
নীরবিলা মৃগমণি, উঠিল কাঁপিয়া
হুক হুক করি মিরজাফরের হিয়া ।

৩৬

আরস্তিলা কৃষ্ণচন্দ্র “ধরনী-ঈশ্বর ।”
সমোদিয়া ধীরে রাজনগর-ঈশ্বরে
সমস্ত্রমে “যা কহিলা সত্য হৃপবর,
কার সাধ্য অগুমাত্র অশ্বীকার করে ?
যে করে সে মুঢ় ; ভেবে দেখ মনে
শাদ্দুল-কবল-গত, কিহা নাগপাশে
বদ্ধ যেই জন ছায় ! ভীষণ বেটনে,
নিরাপদ, বসি যেন আপনার বাসে,
ভাবে সে যদ্যপি মনে, তবে এ সংসারে
ততোধিক মুখ আর বলিব কাহারে ?”

৩৭

“একেত অদূরদর্শী, হৃশংস যুবক
আজন্ম বর্জিত পাপে, হিংসা অহঙ্কার
অলঙ্কার তার ; তাহে পথপ্রদর্শক—
হয়েছে ইতর-মনা যত কুলাঙ্গার,
নীচাশয় ; ইহাদের পরামর্শে ছায় !
ফলিছে বদে ভাগ্যে যে বিঘম ফল,
বলিতে বিদরে বুক ; যথায় তথায়
ছাহাকার ধনি রাজ্যে উঠিছে কেবল ;
নাচে অভ্যাচার, করে উলঙ্গ রূপাণ,
সুন্দর বাঙ্গালা-রাজ্য হয়েছ শূন্যন ।”

৩৮

“ সেই দিন মহারাষ্ট্র-বিপ্লবে বিশেষ,
এদেশ উপর্যুপরি হয়েছে প্লাবিত ;
যথা এই দস্যুদল করেছে প্রবেশ
ভীম রোষে, দাবানল রূপে আচম্বিত ;
অগ্নিতে, অসিতে, অপহরণে, সে দেশ
হইয়াছে মকভূমি ; সত্রাসে রুষক
বিষাদে বিজন বনে, করেছে প্রবেশ
নাড়রি শার্দূলে, সিংহে ; কুরঙ্গ-শাবক
অদূরে শনিয়া ব্যাধ-বন-নিপীড়ন,
সভয়ে যেমতি পশে নিবিড় কানন । ”

৩৯

“ ইহাদের দুঃখবস্থা করিতে মোচন
কি যত্ন না করিয়াছে স্বর্গীয় নবাব
বীরশ্রেষ্ঠ আলিবর্দী ? সমরে শমন,
শিবিরে অপক্ষপাতী, অমায়িক ভাব,
জীবনের অবসানে, তথাপি উজ্জ্বল
ছিল ভ্রম-আচ্ছাদিত বন্ধুর মতন ;
প্রভায় সমস্ত বঙ্গ ছিল সমুজ্জ্বল,
ছিল যেই সিংহাসনে,—ইন্দ্রের মতন
পরাক্রমে পরস্তম্ভ,—এতাদৃশ শূর,
এখন বসেছে এক কামুক কুকুর । ”

৪০

“ বিরাজিত বজেশ্বর, বিচিত্র সভায় ;—
কামিনী-কোমল-কোল রত্ন-সিংহাসন,
রাজদণ্ড সুরাপাত্র, যাহার প্রভায়
নবাব-নয়নে নিত্য যোরে ত্রিভুবন ;
সুরগোল মৃগালভূজ উত্তরীয় স্থলে
শোভিতেছে অংসোপরে ; শুনিছে শ্রবণ
বামাকণ্ঠ-প্রেমালাপ মন্ত্রণার ছলে,
রমণীর স্মৃতিতল রূপের কিরণ
আলোকিছে সভাস্থল ; হৃপতি-সদন
সঙ্গীতে গাইছে অর্থী মনের বেদন । ”

৪১

“ কিন্তু কি করিবে সখে ! বিধাতা বিমুখ
অভাগিনী বঙ্গ প্রতি ; বলিতে না পারি
লিখেছেন বিধি হায় ! কত যে কি দুঃখ
কপালে তাহার—চির-অভাগিনী নারী !
সেনকুল-কুলাঙ্গার, ঘোড়-অধিপতি,
সপ্তদশ অশ্বারোহী তুর্কিদের ডরে,
কি কুলমে কাপুরুষ বৃদ্ধ নরপতি
তেরাগিল সিংহাসন সত্রাস অন্তরে ;
সেই দিন হতে যেই দাসত্ব-শৃঙ্খল,
পড়েছে বজের গলে, আর্ষ্য-স্মৃত-বল

৪২

আর কি পারিবে তারে করিতে খণ্ডন ?
জানেন ভবিতব্যতা ! কিম্বা এ শৃঙ্খল
জেতুভেদে কতবার হইবে হুতন,
কে বলিবে ? কে বলিতে পারে রণস্থল
পানিপথে কতবার হবে পরীক্ষিত
ভারত-অদৃষ্ট হায় ! গিয়াছে পাঠান ;
গতপ্রায় মোগলেরা ; কিন্তু শৃঙ্খলিত
আছে এক ভাবে যত ভারত-সন্তান
সাদ্ধ-পঞ্চ-শত-বর্ষ ; না জানি কখন
ভারত-দামহ বিধি করিবে মোচন । ”

৪৩

“ কিন্তু কি করিবে হায় ! জিজ্ঞাসি আবার
কি করিবে ? সেই দিন করিয়া মন্ত্রণা,
বরিলাম পূর্নিয়ার পাপী ছরাচার,
বুঝিতে না পারি পাপ আশার ছলনা ;
কিন্তু পরিণামে হায় লভিনু কি ফল ?
সুরামত্ত, কামাসক্ত, পড়িল সংগ্রামে,
যেমতি পড়িল ক্রৌঞ্চমিথুন দুর্বল,
ব্যাপকবি বাল্মীকির ব্যাধ-বিদ্ধবাণে ।
নবাবের ঘোর কোপে পড়িয়া সকলে
না জানি পাইলু রক্ষা কোন্ পুণ্য-ফলে । ”

৪৪

“ কিন্তু তাহা ভাবি মনে এ শর-শযায়
কেমনে থাকিব বল ? দিবস যামিনী
থাকি সশস্ত্রিত, ধন-প্রাণ-আশঙ্কায় ;
হুংখে দিবা, অনিদ্ৰায় কাটি নিশীথিনী ।
ভূত-ভয়ে ভীত জন ঘোর অন্ধকারে,
স্বীয়-পদ-শব্দে যথা হয় সত্রাসিত,
আমরা তেমন মূহ পবনসঞ্চরে,
ভাবি শমনের ডাক হই রোমাঞ্চিত ;
অগ্নিতে নির্ভয় কতু সম্ভবে কি তার,
জতুগৃহে জ্ঞাতসারে বসতি যাহার ? ”

৪৫

“ অতএব ইংরেজেরে করিয়া সহায়,
রাজ্য-চ্যুত করি এই ছরস্ত পামরে—
যবন-কুলের গ্লানি ! মম অভিপ্রায়,
বসাইতে সৈন্যাধ্যক্ষে সিংহাসনোপরে ।
অন্ধকূপ-অত্যাচার প্রতিবিধানিতে
এসেছে ব্রিটিস্-সিংহ—বীর-গবতার ;
উদ্ধারিয়া কলিকাতা পশিল হুগ্লীতে
দ্রুত-ইরম্মদ-বেগে, সৈন্য-পারাবার
নবাবের, বিনাশিয়া, ভাতিল অশ্বরে
শিশির ভেদিয়া সূর্য্য ছয়ীর সমরে । ”

৪৬

“ অসম সাহসে পশি, অভয় হৃদয়ে
বিলোড়িয়া নবাবের সৈন্যের সাগর,
তুলে ছিল যেই ঝড়, দাঁতে তৃণ লয়ে
সভয়ে সিরাজদ্দৌলা তাজিল সমর ।
দেখিতে দেখিতে পুনঃ ফরাসি ইংরাজ
মিলিল আহবে ঘোর ; গঙ্গা তীরে, নীরে
জ্বলিল সমরানল ধরি ভীম সাজ ;
ভয়ে ভীতা ভাগিরথী বহিলেক ধীরে ;
নবম দিবস পরে নভঃ আলো ক’রে,
উঠিল ব্রিটিস-ধ্বজা চন্দন-নগরে । ”

৪৭

“ ফেঞ্চুজাতি-সম-যোদ্ধা নাহি ভূ-ভারতে,
বঙ্গদেশে একবাক্যে বলিত সকলে ;
সেই ফেঞ্চু যশো রবি সেই দিন হতে,
ক্রাইবের কটাক্ষতে গেছে অস্তাচলে ।
বিশেষ তাহার মনে বঙ্গ-সেনাপতি,
স্বীয় সৈন্য যদি যুদ্ধে করেন মিলন,
প্রভঞ্জন সহ সিন্ধু হুরিবার-গতি,
পাবক সহায় হবে প্রবল পবন ;
মুহূর্তে ক্রাইব যুদ্ধে হলে সম্মুখীন ।
উড়াইবে তৃণবৎ যুবা অর্ধাটীন । ”

৪৮

এযুক্তিতে সমবেত সভা ষত জন
কিছু তর্ক পরে সবে হলেন সম্মত,
বলিলেন কৃষ্ণচন্দ্র ফিরিয়ে নয়ন,
“ জানিতে বাসনা করি রানীর কি মত । ”
যানিকা-অন্তরালে চিত্রোপিতা প্রায়,
বসিয়া রমণীমুর্তি ; অস্পন্দ-শরীর ;
নাহি বহিতেছে যেন ধমনীশাখায়
রক্তশ্রোত ; শূন্য দৃষ্টি, হ্রস্বন শির ;
এইরূপে বঙ্গমাতা বসি শূন্যমনে,
“ রানীর কি মত ? ” প্রশ্ন শুনিলা স্বপনে ।

৪৯

“ রানীর কি মত ? ” শূনি স্মৃষ্টোপিতা প্রায়,
বলিতে লাগিলা রাণী ভবানী তখন :—
“ আমার কি মত, রাজা কৃষ্ণচন্দ্র রায় !
শুনিতে বাসনা যদি, বলিব এখন,
যেই কাল রঙে সবে চিত্রিলে নবাবে,
জানি আমি এই চিত্র অতি ভয়ঙ্কর,
যতই বিরূত কেন নিকৃষ্ট স্বভাবে
কর চিত্র, ততোধিক পাপাত্মা পামর ;
রে বিধাতঃ ! কোন্ জন্মে করেছি কি পাপ ?
কোন্ দোষে মহে বঙ্গ এত মনস্তাপ ? ”

৫০

“ সহজে অবলা আমি দুর্বল-হৃদয়,
 চূপবর ! কি বলিব ? কিন্তু,—এচক্রান্ত
 রুক্মনগরাদিপের উপযুক্ত নয় ;
 কেন মহারাজ ! এত হইলেন ত্রাস্ত ?
 কাপুরুষ-যোগ্য এই হীন মন্ত্রণায়
 কেমনে দিলেন সাগ, এক বাক্যে সব
 বুঝিতে না পারি আমি ; না বুঝিই হয় !
 ভবাদৃশ বীরগণ,—বীরবংশোদ্ভব—
 কেমনে এ হীন মস্ত্রে হলে উত্তেজিত,
 আমি যে অবলা নারী আমার ঘণিত । ”

৫১

“ লক্ষ্মণসেনের সেই কাপুরুষতার
 সহি এত ক্রেশ ; তবে জানিলে কেমনে
 তোমাদের ঘণাম্পদ এই মন্ত্রণায়
 ফলিবে কি ফল পরে ? ভেবে দেখ মনে
 সেনাপতি সিংহাসনে বসিবেন যবে,
 তিনি যদি এতোধিক হন অত্যাচারী—
 ইংরাজ সহায় তাঁর—কি করিবে তবে ?
 এ পাণ্ডিত্য আমি নারী বুঝিতে না পারি ।
 বঙ্গভাগ্যে এ বীরত্বে ফলিবে তখন,
 দাসত্বের পরিবর্তে দাসত্বস্থাপন । ”

৫২

“ মহারাজ ! একবার মানস-নয়নে
 ভারতের চারিদিকে কর দরশন ;
 মোগল-গৌরব-রবি আরজ্জিব সনে,
 অন্তমিত ; নছে দূর দিল্লীর পতন ;
 শুনিয়াছি দাক্ষিণাত্যে ফরাসি-বিক্রম
 হতবল, মহাবল ক্রাইবের করে ;
 বঙ্গদেশে এই দশা—ব্রিটিস-কেতন
 উড়িছে গৌরবে ফেঞ্চ হুর্গের উপরে ;
 ক্ষুরসিংহ প্রতিদ্বন্দ্বী যুথপতি-বরে
 আক্রমিবে কোন মতে, বসিয়া বিবরে ”

৫৩

“ চিন্তে মনে মনে যথা ; ক্রাইব তেমতি
 আক্রমিতে বঙ্গেশ্বরে ভাবিছে স্রযোগ,
 তাহাতে তোমরা যদি সহ সেনাপতি,
 বর তাঁরে, তবে তাঁর প্রতাপ অমোঘ
 হইবে অপ্রতিহত ; যে ভীম অনল
 জ্বলিবে সমস্ত বঙ্গে, পতঙ্গের মত
 পোড়াবে নবাবে—মিরজাফরের বল
 কি সাধ্য নিবাবে তারে ? হবে পরিণত
 দাবানলে ; না পারিবে এই ভীমানল,
 সমস্ত জাহবীজল করিতে শীতল । ”

৫৪

“ বঙ্গদেশ তুচ্ছকথা—সমস্ত ভারতে
ব্রিটিশের তেজোরাশি বল অতঃপর
কে পারিবে নিবারণিতে ? কে পারে জগতে
নিবারণিতে সিন্ধু চ্ছাস, ঝঞ্জা ভয়ঙ্কর ?
আছে মহারাষ্ট্রায়েরা, বিক্রমে যাহার
মোগল-সাম্রাজ্য কেন্দ্র পর্য্যন্ত কম্পিত,
দম্ভ্যব্যবসায়ী তারা ; হবে ছারখার
ব্রিটিশের রণদক্ষ সৈনিক সহিত
সম্মুখ সমরে ; যেই শশী, তারাগণে
জিনি শোভে, হতভেজ ভানুর কিরণে । ”

৫৫

“ যেইরূপে যবনেরা ক্রমে হতবল
হইতেছে দিন দিন ; অদৃশ্যে বসিয়া
যে রূপে বিধাতা ক্রমে ঘুরাতেছে কল
ভারত-অদৃষ্ট-যন্ত্রে ; দেখিয়া শুনিয়া
কার চিত্ত হয় নাই আশায় পূরিত ?
দাক্ষিণাত্যে যেইরূপ মহারাষ্ট্র-পতি
হতেছে বিক্রমশালী, কিছুদিন আর
মহারাষ্ট্র-পতি হবে ভারত-ভূপতি ;
অচিরে হইবে পুনঃ ভারত উদ্ধার ;
সার্বপঞ্চশত দীর্ঘ বৎসরের পরে,
আসিবে ভারত নিজ সত্ত্বানের করে । ”

৫৬

“ বিষম বিকল্প স্থানে আছি দাঁড়াইয়া
আমরা, অদূরে রাজবিপ্লব দুর্বার ;
নাহি কায অদৃষ্টের সিন্ধু সাতারিয়া,
ভাসি শ্রোতোদীন, দেখি বিধি বিধাতার ।
কেন মিছে খাল কেটে আনিবে কুমীরে ?
প্রদানিবে স্বীয় হস্তে স্বর্গহে অনল ?
বরিয়া ক্লাইবে, খড়্গ নবাবের শিরে
প্রহারি চক্রান্তবলে, লভিবে কি ফল ?
যুচিবে কি অত্যাচার বল হৃৎপবর !
অধীনতা, অত্যাচার নিত্য সহচর । ”

৫৭

“ জ্ঞানহীনা নারী আমি, তবু মহারাজ !
দেখিতেছি দিব্য চক্ষু, সিরাজদৌলার
করি রাজ্যচ্যুত, শান্ত হবেনা ইংরাজ ;
বরঞ্চ হইবে মত্ত রাজ্য-পিপাসায় ।
যেই শক্তি টলাইবে বঙ্গ-সিংহাসন,
খামিবে না এইখানে ; হয়ে উগ্রতর,
শোণিতের স্বাদে মত্ত শার্দূল যেমন,
প্রবেশিবে মহারাষ্ট্র সৈন্যের ভিতর ।
হবে রণ ভারতের অদৃষ্টের তরে,
পরিণাম ভেবে মম শরীর সিহরে । ”

৫৮

“জানি আমি যবনেরা ইংরাজের মত
ভিন্নজাতি; তবু ভেদ আকাশ পাতাল।
যবন ভারতবর্ষে আছে অবিরত
সার্বপঞ্চশত বর্ষ; এই দীর্ঘকাল
একত্রে বসতি হেতু হয়ে বিদূরিত
জেতা জিত বিষভাব, আর্ষায়ুত সনে
হইয়াছে পরিণয় প্রণয় স্থাপিত।
নাহি রুখা হৃদয় জাতি ধর্মের কারণে।
অশ্বখ-পাদপ-জাত উপরক্ষ মত,
হইয়াছে যবনেরা প্রায় পরিণত।”

৫৯

“বিশেষ তাদের এই পতন সময়;—
কি পাতনাহ, কি নবাব, আমাদের করে
পতনের মত, খুঁজে খোঁজ নাহি হয়,
কে কোথায় ভাসিতেছে আমোদ-সাগরে।
আমাদের করে রাজ্য শাসনের ভার।
কিবা সৈন্য, রাজকোষ, রাজ-মন্ত্রণায়,
কোথায় না হিন্দুদের আছে অধিকার?
সমরে, শিবিরে, হিন্দু প্রধান সহায়।
অচিরে যবন-রাজ্য টলিবে নিশ্চয়,
উপস্থিত ভারতের উদ্ধার সময়।”

৬০

“অন্যতরে—ইংরাজেরা নব্য পরিচিত।
ইহাদের রীতি নীতি আচার বিচার
অগুণ্য নাহি জানি; নাজানি নিশ্চিত
কোথায় বসতি দূর—সমুদ্রের পার।
বানর-ওরসে জন্ম রাক্ষসী-উদরে,
এই মাত্র কিষদন্তী; আকারে, আচারে,
ভয়ানক অসাদৃশ্য; বাণিজ্যের তরে,
আসিয়ে ভারতে, এবে রাজ্যের বিস্তার
করিতেছে চারিদিকে; হৃদ্যন্ত প্রভাবে,
কাঁপায়েছে বীরশ্রেষ্ঠ স্বর্গীয় নবাবে।”

৬১

“রুদ্ধ আলিবর্দীর সে ভবিষ্যৎ বণী
ভুলেছ কি মহারাজ? যদি কোন জন—
ইংরাজের তেজোরশি করিবারে গ্লানি
যোগ্যত মন্ত্রণা, রুদ্ধ বলিত তখন;—
‘স্থলে জ্বলিয়াছে যেই সমর-অনল
নারি নিভাইতে আমি; তাহাতে আবার
প্রজ্বলিত হয় যদি সমুদ্রের জল,
কে বল এ বঙ্গদেশ করিবে নিস্তার?
এই সংস্কার তাঁর ছিল চিরদিন
অচিরে ভারত হবে ব্রিটিস-অধীন’।”

৬২

“ বাণিজ্যের ব্যবসায়, নবাব-ছায়ায়,
এতই প্রভাব যার ; ভেবে দেখ মনে
নবাব অবর্তমানে, এই বাঙ্গালায়
কে আটবে তার সনে বীর-পরাক্রমে ?
মেঘান্ত রবি যদি এত তপ্ত হার !
মেঘমুক্ত হবে কিবা তেজস্বী বিপুল !
স্বাধীনতা-আশালতা মুকুলিত প্রায়,
ভারত-হৃদয়ে যাহা, হইবে নিখূল
প্রভাব তাহার ; নাহি জানি অতঃপর
কি আছে ভারত-ভাগ্যে,—একি ভয়ঙ্কর !”

৬৩

কড় কড় মহাশব্দে বিদারি গগন ;
জিনি শত সিংহনাদ সহস্র কামান ;
অদূরে পড়িল বজ্র ধাঁধিয়া নরন ;
গরজিল ঘন, ধরা হৈল কম্পবান ।
সেই ভীম মন্ত্র, রাণী ভবানীর কানে
প্রবেশিল ; বলিলেন—“ একি ভয়ঙ্কর !
ওই শুন মহারাজ ! বসিয়া বিমানে
কহিছেন স্বরীশ্বর দেব পুরন্দর—
‘ দুঃখিনী ভারত ভাগ্যে’—অজান্ত ভাষায়—
‘ লিখেছেন বজ্রাঘাত ভবিতব্যতার’ । ”

৬৪

“ অতএব মহারাজ ! এই মন্ত্রণায়
নাহি কাজ ; বড়বস্ত্রে নাহি প্রয়োজন :
শিতলিতে নিদাঘের আতপ-জ্বালায়,
অনল শিখায় পশে কোন্ মুঢ় জন ?
‘ রাণীর কি মত ? ’ শুন আমার কি মত—
ইন্দিয়-লালমা-মন্ত্র সিরাজদৌলার
রাজ্যচ্যুত করা নহে আমার জমত,
(আছা ! কিন্তু অতাণার কি হবে উপায় !)
নিশ্চয় প্রকৃত রোগ হয়েছে নির্ণয়,
কিন্তু এ ব্যবস্থা মম মনোমত নয় ।

৬৫

“ আমার কি মত ? তবে শুন মহারাজ !—
অসহ্য দাসত্ব যদি ; নিকোবিয়া অসি,
সাজিয়া সমর-সাজে হৃপতি-সমাজ
প্রবেশ সমুখরণে ; যেন পূর্ণ শশী
বঙ্গ-স্বাধীনতা-ধ্বজা বজ্রের আকাশে,
শত বৎসরের ঘোর অমাবস্যা পরে,
হাসুক উজলি বঙ্গ ;—এই অভিলାষে
কোন বঙ্গবাসী-রক্ত ধমনী-ভিতরে
নাহি হয় উষ্ণতর ? আমি যে রমণী
বহিছে বিদ্বাং-বেগে আমার ধমনী ।

৬৬

“ ইচ্ছা করে এই দণ্ডে ভীমা অসি করে;
নাচিতে চামুণ্ডারূপে সমর ভিতরে ।
পরদুঃখে সদা মম হৃদয় বিদরে ;
সহি কিসে মাতৃদুঃখ ? সত্য নেঠবর !
‘ বঙ্গমাতা উদ্ধারের পশু স্রবিস্তার
রয়েছে সম্মুখে ছায়াপথের মতন,
হুণ্ড অগ্রসর, নহে করি পরিহার,
জঘন্য দাসত্ব-পশু কর বিচরণ ।
প্রগল্ভতা মহারাজ ! ক্ষম অবলার,
ভয়ে ভীত যদি, আমি দেখাব—আবার !!”

৬৭

আবার ভীষণ নামে অশনি-পতন !
আবার জীমুতরন্দ গর্জিল ঘর্ঘরে ।
বহিল ভীষণ-বেগে ভীম প্রভঞ্জন !
দূর হৈতে লক্ষ্যরিয়া—মহা-ক্রোধ-ভরে—
বারিধারা রণক্ষেত্রে করিল প্রবেশ ।
উঠিল তুমুল ঝড় ; ঝটকায় ঝটকায়
কাঁপাইয়া অটালিকা তরু-নির্মিশেষে ;
রণাহত মহীকহ উপাড়ি ধরায় ।
ছুটিল বিদ্রোহ বেগে বলসি নয়ন,
আলোকিয়া মুহুমূহঃ প্রকৃতি ভীষণ ।
প্রথম সর্গ সমাপ্ত ।

দ্বিতীয় সর্গ ।

কাটোয়া—ব্রিটিশ-শিবির ।

দিবা অবসান প্রায় ; নিদাঘ-ভাস্কর
বরষি অনলরাশি, সহস্র কিরণ,
পাতিয়াছে বিশ্রামিতে ক্লান্ত কলেবর,
দূর তরুরাজি শিরে স্বর্ণ-সিংহাসন ।
খচিত স্রবণ মেঘে সুনীল গগন
হাসিছে উপরে ; নীচে নাচিছে রঞ্জিনী,
চুষ্টি মূহু কলকলে, মন্দ সমীরণ,—
তরল স্রবণময়ী গঙ্গা তরঙ্গিনী ।
শোভিছে একটি রবি পশ্চিম গগনে,
ভাসিছে সহস্র রবি জাহ্নবী-জীবনে ।

২

অদূরে কাটোয়া দুর্গে ব্রিটিস-কেন্দ্র,
উড়িছে ঘোরবে উপহাসিয়া ভাস্করে।
উঠিতেছে ধুমপুঞ্জ আধারি গগন,
ভস্মিয়া যবন-বীর্ষ্য কাটোয়া-সররে।
সহস্র ব্রিটিস সৈন্য তরী আরোহিয়া
হইতেছে গঙ্গাপার, অস্ত্র ঝলঝলে ;
দূরহতে বোধ হয়, বাইছে ভাসিয়া
জবা-কুম্বের মাল্য জাহুবীর জলে ;
রক্তবস্ত্রে, রণ-অস্ত্রে, রবির কিরণ
বিকাশিছে প্রতিবিশ্ব, ধ্বংসিয়া নয়ন।

৩

ব্রিটিসের রণবাদ্য বাজে ঝন্ ঝন্,
হইতেছে পদাতিক-পদ সঞ্চলন
তালে তালে, বাজে অস্ত্র ঝন্ ঝন্ ;
হ্রৈবিছে তুরঙ্গ রঙ্গে, গর্জিছে বারণ।
থেকে থেকে বীরকণ্ঠ সৈনিকের স্বরে,
ঘুরিছে ফিরিছে সৈন্য, ভূজঙ্গ যেমতি
সাপুড়িয়া মন্ত্ৰবলে ;—কতু অস্ত্র করে,
কতু স্কন্ধে ; যীরপদ : কতু দ্রুতগতি।
'ডুমের' ঝন্ ঝন্ রব 'বিপুল' ঝন্ ঝন্
বিজ্ঞাপিছে ব্রিটিসের বীর অহঙ্কার।

৩৭

৪

নীরবে—সৈন্যের স্রোত বহিছে নীরবে,—
অতিক্রমি ভাগীরথী ; বিরাজে বদনে
গম্ভীরতা প্রতিমূর্তি। আসন্ন আহবে
বিমল চিন্তার স্রোত উচ্ছ্বাসিছে মনে
হতভাগাদের আঁহা ! প্রতিবিশ্ব তার
ভাসিছে নয়নে, ওই ভাসিছে বদনে।
পারিতাম যদি আমি চিত্রিতে সবার
বদনমণ্ডল, তবে মানবের মনে
যত স্মকুমার ভাব হয় উদ্দীপিত,
এই চিত্রে মূর্তিমান্ হতো বিরাজিত।

৫

কোন হতভাগা আঁহা ! বসিয়া বিরলে,
প্রেমের প্রতিমা পত্নী স্মরিয়া অন্তরে,
নীরবে, ভাসিছে হুই নয়নের জলে ;
ভাসে ভারাক্রান্তচিত্ত বিষাদ-মাগরে
ভুলেছে সমরসজ্জা, না দেখে নয়নে
শিবির,—সৈনিক,—সেনা,—মদী ভাগীরথী ;
রণবাদ্য ঘনরোল না পশে অবগে ;
প্রেমমন্ত্র-মুক্তচিত্ত, প্রেম-মুক্ত-মতি।
কেবল দেখিছে প্রিয়া-বদন-চন্দ্রিমা,
কেবল শুনিছে প্রেম-ভাষা-মধুরিমা।

কোথায় বা বিদায়ের হৃদয়বেদনা,
স্মরিত মরমে আঁহা ! চিত্রি স্মৃতিবলে—
অশ্রুসিক্ত প্রণয়িনী-বদনচন্দ্রমা,
বিকচ গোলাপ যথা শিশিরের জলে ;
নেত্রনীলোৎপল হতে প্রেমে উচ্ছ্বসিয়া,
ঝরেছিল যেইরূপে অশ্রুমুক্তাবলী ;
(বিকচ পঙ্কজ যথা প্রভাতে ফুটিয়া
টলায় শিশিরবিন্দু সমীরণে টলে)
বেণীমুক্ত কেশরাশি ; অলক্ত অধর
(সতত সরস,—পূর্ণ অমৃতশিকর) — ।

৭

কাঁদে কোন হতভাগা, ভাবি নিরন্তর
আর কি সে চাক্ষুস দেখিবে নয়নে ?
আবার কি প্রেমময়ী-কোমল-অধর
চুম্বিবে প্রণয়-উষ্ণ স্রবীর্ষ চুম্বনে ?
আসন্ন নমরক্ষেত্রে, নশ্বর সমরে,
প্রহারিবে যবে অরি অসি উগ্রতর,
দেখিবে সে মুখচন্দ্র । মধ্যাহ্ন ভাস্করে
জিনি তোপ বিনিঃসৃত গোলা ভয়ঙ্কর
আমিবে হুক্কারি যবে, দেখিয়া তখন,
সেমুখ সজলশশী তাজিবে জীবন ।

আবার কোথায় কাঁদে বিকল অন্তরে
অভাগা জনক, স্মরি অপত্য-মমতা ;
আর কি লইবে কোলে চুম্বিবে আদরে,
সুবর্ণকুম্ব পুত্র, কন্যা স্বর্ণলতা ?
কেহ বা ভাবিয়া বৃদ্ধ জনক জননী
কাঁদিছে নীরবে হুঃখে, আনায়ে মাঝারে
কুরঙ্গশাবক কাঁদে, নীরবে যেমনি,
ভাবি অবিলম্বে যাবে ব্যাধের আঁহারে ।
এইরূপে মনোভাব কুম্ব কোমল,
গাঙ্গাতীরে, নীরে, ফুটে ঝরে অবিরল ।

৯

শ্বেতদ্বীপ-স্মৃত কেহ ভাবিয়া স্বদেশ—
বীরত্বের রঙ্গভূমি, ঐশ্বর্য্য-ভাণ্ডার,
স্বাধীনতা-চিরবাস, গৌরবে দিনেশ,
সভাতার, সুরশিফার, উন্নতি-আধার ;
(হায় রে পূর্ব্বের রবি গিয়াছে পশ্চিমে!)—
অধীর স্মৃতির অস্ত্রে ; ভাবে মনে মনে
দেখিবে সে জয়ভূমি আর কত দিনে ?
দেখিবে কি পুনঃ আঁহা ! এ মর জীবনে ?
শ্বেতান্দ পুরুষ ভাবি শ্বেতান্দিনী প্রিয়া,
অধীর বিচ্ছেদ-বাণে, ফাটে বীরহিয়া ।

১০

কেহ বা ভাবিছে এই আসন্ন সমরে
কীর্তির কিরীট-রত্ন লভিবে অচিরে ;
কেহ ভাবে পদোন্নতি ; কেহ অর্থতরে,
আকাশ করিছে পূর্ণ সুর্য মন্দিরে ।
কেহ বা কপ্পনা-বলে বধিয়া নবাবে,
বিজয়-পতাকা তুলি পশি কোষাগারে,
লুটিতেছে ধনজাল ; কপ্পনা-প্রভাবে
লুঠন করিয়া শেষ, ষোড়শোপচারে
পূজিতেছে প্রণয়িনী কোন বীরবর,
সুবর্ণে স্বজিয়া হুর্থা অতি মনোহর ।

১১

ধন্য আশা কুহকিনী ! তোমার মায়ার
মুগ্ধ মানবের মন, মুগ্ধ জিভূন !
হুর্কল-মানব মনোমন্দিরে তোমার
যদি না স্বজিত বিধি ; হায় ! অশুফল
নাহি বিরাজিতে তুমি যদি সে মন্দিরে ;
শোক, দুঃখ, ভয়, ত্রাস নিরাশ, প্রণয়,
চিত্তার অচিন্ত্য অস্ত্র, নাশিত অচিরে
সে মনোমন্দির শোভা ; পলাত নিশ্চয়
অধিষ্ঠাত্রী জ্ঞান-দেবী ছাড়িয়া আবাস ;
উন্মাদ শাঙ্গুল তাহে করিত নিবাস ।

১২

শত্রু, আশা কুহকিনী ! তোমার মায়ার
আমার সংসারচক্র ঘোরে নিরবধি,—
দাঁড়াইত স্থিরভাবে, চলিত না হায় !
মন্ত্রবলে তুমি চক্র না ঘুরাতে যদি !
ভবিষ্যত-অন্ধ যুগ মানব সকল
ঘুরিতেছে কর্মক্ষেত্রে বর্তুল আকার,—
তব ইন্দ্রজালে মুগ্ধ—পেয়ে তব বল
যুকিছে জীবন-যুদ্ধ হায় অনিবার ;
নাচায় পুতুল যথা, দক্ষ বাজিকরে,
নাচাও তেমতি তুমি অর্বাচীন নরে ।

১৩

ওই যে কাঞ্চাল বসি রাজপথ ধারে,
দীনতার প্রতিমূর্তি !—কঙ্কাল-শরীর ;
জীর্ণ পরিধেয় বস্ত্র, দুর্গন্ধ আধার ;
হনয়নে অভাগার বহিতেছে নীর ;
ভিক্ষা করি দ্বারে দ্বারে এ তিন গ্রহর
পাইয়াছে যাহা, তাহে জঠর-অনল
নাহি হবে নির্বাপণ ; কণ্ঠ কলেবর ;
না চলে চরণ, চক্ষে ঘোরে ধরাতল ;
কি মন্ত্র কহিলে তুমি অভাগার কাণে,
চলিল অভাগা পুনঃ ভিক্ষার সন্ধানে ।

১৪

ধর্ম্মাধিকরণে বসি নিম্ন কর্ণচারী,—
উদরে জঠর-জ্বালা, গুণ কার্য্যভারে
অবনত মুখ,— ওই হংসপুচ্ছধারী
বীরবর,— যুক্তিতেছে অনন্ত প্রহারে
মসীপাত্র সহ, স্নেচ্ছ-পদাঘাত ভয়ে ;
যথা শালরক্ষ করে, গিরি-শিরোপারে,
যুক্তিল ত্রেতায বীর অঙ্কনাতনয়,
নীল সিন্ধু সহ, ডরি স্মৃত্তৌব বানরে ;
ধর্ম্ম সহ অশ্রুবিন্দু বহে দর দর,
ভাবিতেছে এই পদ তাজ্জিবে সত্বর ।

১৫

না জানি কি ভবিষ্যত, আশা মায়াবিনি !
চিত্রিলে নয়নে তার ; মুছি ধর্ম্মজল,
মুছি অশ্রুজল, পুনঃ লইয়া লেখনী,
আরস্তিল মসীযুদ্ধ হইয়া স বল ।
নবীন প্রেমিক ওই বসিয়া বিরলে,
না পেয়ে প্রিয়র পত্রে তব দরশন,
নিরাশ প্রণয়ে ভাসে নয়নের জলে,
ভঙ্গ প্রায় অভাগার প্রণয়-স্বপন ;—
শুনিয়া তোমার মৃদু স্রমধুর ভাষা,
বলিল নিশ্বাস ছাড়ি—‘না ছাড়িব আশা ।’

১৬

যথা যবে বছে বেগে ভীম প্রভঞ্জন,
সামান্য সরসীনির হয় হিমোলিত ;
আসন্ন আহবে ক্ষুদ্র পদাতিক মন
করেছে তেমতি ছায় আজি উল্লাসিত ।
কিছা সৌরকর যথা মুকুটরতন
রচি ইন্দ্রচাপে, রঞ্জে নীল কাদম্বিনী ;
তেমতি সৈন্যের স্নান বিবাদিত মন
ছিলে হুরাকাঙ্ক্ষা চিত্রে, আশা মায়াবিনি ।
হয় যদি ইহাদের হুরাশা পুরণ,
কত পর্ণ গৃহ হবে রাজার ভবন ।

১৭

অথবা স্রদূরে কেন করি অবেষণ,
হুরাশার মস্ত্রে মুগ্ধ আমি মুচুমতি ;
নতুবা যে পথে কোন কবি বিচরণ
করেনি, সে পথে কেন হবে মম গতি ?
বঙ্গ ইতিহাস, ছায় মণিপূর্ণ খনি ।
কবির কল্পনালোকে কিন্তু অলোকিত
নহে যা, কেমনে আমি বল, কুহকিনি !
মম ক্ষুদ্র কল্পনায় করি প্রকাশিত ?
না আলোকে যদি শশী তিমিরা রজনী,
নক্ষত্রের নহে সাধ্য উজলে ধরণী ।

১৮

কোন পুণ্যবলে সেই খনির ভিতরে
প্রবেশি, গাথিয়া মালা অবিদ্ধ রতনে,
দোলাইব মাতৃভাষা কম কলেবরে,—
সুকবি সুরকরে গাঁথা মহাকাব্য ধনে
সজ্জিত যে বরবপুঃ ? কিম্বা অসম্ভব
নহে কিছু হে হুরাশে ! তোমার মায়ায় ;
কত ক্ষুদ্র নর ধরি পদছায়া তব
লভিয়াছে অমরতা এ মর ধরায় ;
অতএব দয়া করি কহ, দয়াবতি !
কি চিত্রে রঞ্জিছ আজি শ্বেত সেনাপতি ?

১৯

শিবির অনতিদূরে, বসি তকতলে
নীরবে ক্লাইব, মগ্ন গভীর চিন্তায়,
গভীর মুখতী, কিন্তু বদনমণ্ডলে
নাহি সুরূপের চিহ্ন ; মনোহারিতায়
নাহি রঞ্জে শ্বেত কান্তি ; অথচ যুবায়
সর্বদা সৌভবময় ; প্রশস্ত ললাট
বীরভের রঙ্গভূমি, জ্ঞানের আধার ;
বক্ষঃস্থল যেন যমপুরীর কপাট,—
প্রশস্ত সুরদূত ; স্বহে তাহার ভিতর
হুরাকাঙ্ক্ষা, হুঃসাহস, শ্রোত ভয়ঙ্কর ।

২০

যুগল নয়ন জিনি উজ্জ্বল হীরক
আভাময় ; অন্তর্ভেদি তীব্র দৃষ্টি তার,
স্থির, অপলক, দৃঢ়-প্রতিজ্ঞা-বাঞ্ছক ।
যে অসম সাহসায়ি হৃদয়ে উঃহার
জ্বলে, যথা অগ্নিগিরি অন্তঃস্থ অনল ;
প্রদীপ্ত নয়নে সদা প্রতিভা তাহার—
ভুবনবিজয়ি জ্যোতিঃ,—বরষি গরল
শত্রুর হৃদয়ে ; কিন্তু কখন আবার,
সে নেত্রনীলিমা নীল নরকাগ্নি মত,
দেখায় চিত্তের স্রুস্ত হুঃস্রুস্তি মত ।

২১

নীরবে, নির্জনে, বীর বসি তকতলে ;
অর্থহীন উজ্জ্বল দৃষ্টি ; বোধ হয় মনে
ভেদিয়া গগন দৃষ্টি কপ্পনার বলে
ভবিতব্যতার ঘোর তিমির ভবনে
প্রবেশিয়া, চেকিতেছে দূর ভবিষ্যত
নিরশ্বিতে ; নিরশ্বিতে,—যেই দুরাচার
দুরন্ত যুবক ছিল হুঃস্রুস্তি-রত,
নির্ভয়হৃদয় সদা, পিতা মাতা যার
পাঠাল ভারতবর্ষে সৌভাগ্যের তরে,
অথবা মরিতে দূরে মাস্ত্রাজের জুরে ;—

২২

নিরশিতে অদৃষ্টে সে অভাঙ্গা যুবর
 আর কি লিখেছে বিধি ; করিবে দর্শন
 অদৃষ্টচক্রে কত আবর্তন আর ?
 মধ্যাহ্ন-রবি জ্যোতিঃ করিয়া হরণ,
 জ্বলিতেছে দুন্নয়ন ; তাহে রূপান্তর
 হইতেছে মুহূর্ত্তঃ—আরক্ত এখন
 ব্রিটিস-স্বলভ-রাগে ; মুহূর্ত্তেক পর,
 করিল বিবাদে যেন ঘন আচ্ছাদন ।
 কভু ক্রোধে বিক্ষারিত ; চিন্তায় কুঞ্চিত ;
 কখন ককণ রমে হতেছে আর্দ্রিত ।

২৩

নীরবে ভাবিছে বীর,—“হায় উপেক্ষিয়া
 সমগ্র সময়-সভা, নিবেধ সবার,
 অণুমাত্র ভবিষ্যত মনে না ভাবিয়া,
 দিলাম একাকী রণসমুদ্রে সাতার ।
 যদি ডুবি, একা নাহি, ডুবিবে সকল,
 কি পদাতি, অশ্বারোহী, আমার সহিত ;
 ডুবিবে ব্রিটিস রাজ্য, যাবে রসাতল ;
 ব্রিটিস-গৌর-রবি হবে অন্তর্হিত ।
 যদি ভীম ভুকম্পনে ভাঙে শৃঙ্গবর,
 পড়ে তরুণ্য-হর্ম্য সহিত শিখর ।

২৪

“একই ভরসা মিরজাফর যবন ।
 যবনেরা যেইরূপ ভীক প্রবঞ্চক,
 ইহাদের সন্ধিপত্রে বিশ্বাস স্থাপন
 করি কোন মতে ? যেন ভীষণ তক্ষক
 আছে পাপী উমিচাঁদ, ফণা আশ্ফালিয়া ।
 যেই মহামন্ত্রে মুঞ্চ করিয়াছি তারে
 যদি সে জানিতে পারে, ক্রোধে গরজিয়া
 একই নিঃশ্বাসে পাপী নাশিবে সবারে ।
 নর-রক্তে সন্ধিসত্র হবে প্রক্ষালিত,
 অন্ধকূপহত্যা পুনঃ হবে অভিনীত ।

২৫

“যদি প্রতারণা মিরজাফরের মনে
 থাকে, এখনও নাহি চিহ্ন মাত্র তার ;
 যদি এই সন্ধি মিরজাফরের মনে
 হয় দুষ্ক নবাবের ষড়যন্ত্র সার ;
 সসৈন্য সমরক্ষেত্রে না মিশিয়া যদি,
 পশে সেনাপতি নিজে সম্মুখ সমরে ;
 তবেই ত বিপদের না হবে অবধি,
 পড়িব পতঙ্গ যেন অনল ভিতরে ।
 এই স্বপ্ন সেনা লয়ে কি হইবে তবে,
 তেলার ভরসা করি ভাসিয়া অর্গবে ?

২৬

“নধু পরাজয় নহে; তাহার কারণ
নাহি ভাবি, নাহি ডরি কালের কবল;
লভিয়াছি যবে এই মানব জীবন,
মৃত্যু ত আমার পক্ষে নিয়তি কেবল।
কিন্তু যদি আমাদের হয় পরাজয়,
বাজালার স্বর্ণগ্রন্থ বাণিজ্যের আশা,
ডুবিলে অতল জলে; যুটিবে নিশ্চয়
ইংলণ্ডের আন্তরিক রাজ্যের পিপাসা।
শক্রশ্রেষ্ঠ ধরাতলে পতিত দেখিয়া,
দক্ষিণে ফরাসি-সিংহ উঠিবে গজ্জিয়া।

২৭

“কিন্তু হস্তচ্যুত পাশা হয়েছে যখন
কি হবে ভাবিয়া এবে? কে কবে ভাবিয়া
আজি জানিয়াছে, কালি কি হবে ঘটন?
যা আছে অদৃষ্টে আর দেখি পরীক্ষিয়া।
দুইবার যমদণ্ড ছানি শিরোপরে
নিজ হস্তে না মরিনু; না মরিনু হায়!
অব্যর্থসন্ধানী সেই সৈনিকের করে;
মরিতে কি অবশেষে,—বুক ফেটে যায়!—
নরগণম কাপুরুষ যবনের করে?
মরিলেও এই দুঃখ থাকিবে অন্তরে।

২৮

“সেই দিন প্রভঞ্জন পৃষ্ঠে আরোহিয়া,
পশিনু সাহসে যবে আর্কট নগরে;
বজ্রাঘাত, বঞ্জাবাত, ঝড়ে উপেক্ষিয়া
পশিনু বিদ্রাত বেগে দুর্গের ভিতরে;
বীরত্ব দেখিয়া তয়ে দুর্গবাসিগণ
পলাইল বিনা যুদ্ধে;—কুরঙ্গ যেমতি
যুথমধ্যে ক্ষুর সিংহ করি দরশন;—
মুহূর্ত্তেকে হইলাম দুর্গ-অধিপতি।
সেই দিন বজ্র নাহি পড়িল মাথায়,
শক্রর রূপাণ নাহি পশিল গলায়।

২৯

“কিন্তু পঞ্চাশত দিন আক্রমণ পরে,
—মরিলে সে কথা রক্তে বিদ্রাত খেলায়—
‘হোসনের’ মৃত্যুদিন উপলক্ষ করে;
উন্নত যবন সৈন্য করিয়া সহায়
পশিল কর্ণাটরাজ নিশীথ সমরে।
পঞ্চাশত সৈন্যে, দশ সহস্র সেনায়
বিমুখিনু সেই দিনে; তুলিনু বিমানে
ব্রিটিশের সিংহনাদ কাপারে ‘রাজার’
মরিতে কি এই ভীক নবাবের করে?
না—তা নয়—আছে মম এই হস্তোপরে

২৬

“ মধু পরাজয় নহে ; তাহার কারণ
নাহি ভাবি, নাহি ডরি কালের কবল ;
লভিয়াছি যবে এই মানব জীবন,
মৃত্যু ত আমার পক্ষে নিয়তি কেবল ।
কিন্তু যদি আমাদের হয় পরাজয়,
বাঙ্গালার স্বর্ণপ্রসূ বাণিজ্যের আশা,
ডুবাবে অতল জলে ; স্মৃতিবে নিশ্চয়
ইংলণ্ডের আন্তরিক রাজ্যের পিপাসা ।
শত্রুশ্রেষ্ঠ ধরাতলে পতিত দেখিয়া,
দক্ষিণে ফরাসি-সিংহ উঠিবে গর্জিয়া ।

২৭

“ কিন্তু হস্তচ্যুত পাশা হয়েছে যখন
কি হবে ভাবিয়া এবে ? কে কবে ভাবিয়া
আজি জানিয়াছে, কালি কি হবে ঘটন ?
যা আছে অদৃষ্টে আর দেখি পরীক্ষিয়া ।
দুইবার যমদণ্ড হানি শিরোপরে
নিজ হস্তে না মরিবু ; না মরিবু হায় !
অব্যর্থসন্ধানী সেই সৈনিকের করে ;
মরিতে কি অবশেষে,—বুক ফেটে যায় !—
নরাধম কাপুরুষ যবনের করে ?
মরিলেও এই দুঃখ থাকিবে অন্তরে ।

২৮

“ সেই দিন প্রভঞ্জন পৃষ্ঠে আরোহিয়া,
পশিনু সাহসে যবে আর্কট নগরে ;
বজ্রাঘাত, ঝঞ্ঝাবাত, বড়ে উপেক্ষিয়া
পশিনু বিদ্র্যত বেগে দুর্গের ভিতরে ;
বীরত্ব দেখিয়া তরে দুর্গবাসিগণ
পলাইল বিনা যুদ্ধে ;—কুরঙ্গ যেমতি
যুগ্মমধ্যে ক্ষুদ্র সিংহ করি দরশন ;—
মুহূর্ত্তেকে হইলাম দুর্গ-অধিপতি ।
সেই দিন বজ্র নাহি পড়িল মাথায়,
শত্রুর রূপাণ নাহি পশিল গলায় ।

২৯

“ কিম্বা পঞ্চাশত দিন আক্রমণ পরে,
—মরিলে সে কথা রক্তে বিদ্র্যত খেলায়—
‘ হোসানের ’ মৃত্যুদিন উপলক্ষ করে ;
উন্নত যবন সৈন্য করিয়া সহায়
পশিল কর্ণাটরাজ নিশীথ সমরে ।
পঞ্চাশত সৈন্যে, দশ সহস্র সেনায়
বিমুখিনু সেই দিনে ; তুলিনু বিমানে
ব্রিটিসের সিংহনাদ কাপারে ‘ রাজায় ’
মরিতে কি এই ভীক নবাবের করে ?
না—তা নয়—আছে মম এই হস্তোপরে

৩০

“ অন্ধকূপহত্যা প্রতিবিধানের ভার ;
রক্ষিতে ভারতবর্ষে ব্রিটিস-গৌরব
দণ্ডিয়া নবাবে ; হেন উদ্দেশ্য যাহার,
তার কাছে কি অসাধ্য কিবা অসম্ভব ?
অবশ্য পশিব রণে, জিনিব সমর ;
অবশ্য নিরাজ্জন্দীলা পাবে প্রতিফল ;
' হও অগ্রসর, রণে হও অগ্রসর '—
আমার অন্তর আত্মা কহিছে কেবল ।
না জানি কি মহাশক্তি অন্তরে আমার
আবিভূত আজি, আমি ইচ্ছিতে তাহার

৩১

“ চলিতেছি ইচ্ছাহীন পুতুলের প্রায় ”—
বলিতে বলিতে বীর তাজিয়া আসন
ভ্রমিতে লাগিল দ্রুত নিরশি ধরায় ।
ভূতল ভেদিয়া যেন যুগল নয়ন
গির্যাছে কোথায়, ধরা দেখা নাহি যায় ।
কম্পনা তাড়িত পক্ষে মানস চঞ্চল,
অতিক্রমি নীল সিন্ধু লহরীমালায়,
বিরাজে ইংলণ্ডে কতু ; ভাবি রণস্থল
চিত্রে কতু ; সেই চিত্রে হৃদয়ে তাঁহার,
কত আশা, কত ভয়, হতেছে সঞ্চার ।

৩১

৩২

চিন্তা-অবসন্ন মনে কিছুক্ষণ পরে,
নির্মীলিত নেত্রে পুনঃ বসিলা আসনে ;
অকস্মাৎ চারিদিকে ভাসিল সত্বরে
স্বর্গীয় সৌরভরাশি ; বাজিল গগনে
কোমল-কুম্ব-বাদ্য ;—সঙ্গীত তরল ;
সহস্র তাকুর তেজে গগন প্রাঙ্গণ
ভাতিল উপরে ; নিম্নে ছাসিল ভূতল ;
নামিল আলোকরাশি ছাড়িয়া গগন,
সবিশ্বয়ে সেনাপতি দেখিলা তখনি,
জ্যোতির্বিমণ্ডিতা এক অপূর্ব রমণী ।

৩৩

যুবতীর শুভ্র কান্তি, নয়ন নীলিমা,
রঞ্জিত ত্রিদিব রাগে অলঙ্কৃত অধর,
রাজরাজেশ্বরীরূপ, অঙ্গের মহিমা,
কি সাধ্য চিত্রিবে কোন মর চিত্রকর !
শ্বেতাঙ্গ সজ্জিত শ্বেত উজ্জ্বল বসনে,
খেলিছে বিজলী, বস্ত্র অমল ধবলে ;
তুচ্ছ করি মণিমুক্তা পার্থিব রতনে,
ঝলিছে নক্ষত্ররাজি বসন-অঞ্চলে ।
বেশ ভূষা ইংলণ্ডীয় ললনার মত,
স্বর্গীয় শোভায় কিন্তু উজ্জ্বল সতত ।

৩৪

অর্ধ-অনারত পীন পূর্ণ পরোধর ;
 তুষার উরস, স্বচ্ছ স্ফটিক আকার,
 দেখাইছে রমণীর অমল অন্তর—
 চিরপ্রসন্নতাময়, প্রীতিপারাবার ।
 নহে উপমেয় সেই বদনচন্দ্রমা,
 —কিহা যদি দেখিতাম লিখিতাম তবে—
 স্বর্গীয়-শারদ-শশী সে মুখ-স্বষমা ;
 বিশ্ববিমোহিনী আছা ! অতুলিত ভবে !
 বসন্তরূপিণী ধনী ; নিশ্বাস মলয় ;
 কোকিল কোমল কণ্ঠ ; নেত্র কুবলয় ।

৩৫

কোটি কহিনুর কান্তি করিয়া প্রকাশ,
 শোভিছে ললাট-রত্ন, সেই বরাননে ;
 গৌরবের রঙ্গভূমি, দয়ার নিবাস,
 প্রভুত্ব ও প্রগল্ভতা বসে একাসনে ।
 শোভে বিমণ্ডিত যেন বালার্ক-কিরণে,
 কনক-অলকাবলী—বিমুক্ত কুঞ্চিত,
 অপূর্ব খচিত চাক কুসুম রতনে,—
 চির-বিকসিত পুষ্প, চির-স্ববাসিত
 বামার সুরভি শ্বাস, কুসুম সৌরভ,
 স্রাণে মর অমরতা করে অনুভব ।

৩৬

ঝলসিছে শীর্ষোপরি কিরীট উজ্জ্বল,
 নির্মিত জ্যোতিতে, জ্যোতির্মালায় খচিত,
 জ্যোতিরত্রে অলঙ্কৃত, জ্যোতিই সকল ;
 জ্বলিছে হাসিছে জ্যোতিঃ চির-প্রজ্বলিত ।
 উজ্জ্বল সে জ্যোতিঃ জিনি মধ্যাহ্ন তপন,
 অথচ শীতল যেন শারদ চন্দ্রমা,
 যেমন প্রখরতেজে ঝলসে নয়ন,
 তেমতি অমৃত মাখা পূর্ণমধুরিমা ।
 ক্লাইব মুদিত নেত্রে জাগ্রত স্বপনে,
 ভুবন-ঈশ্বরী মূর্তি দেখিলা নয়নে ।

৩৭

বিস্মিত ক্লাইবে চাহি সন্মিত বদনে,
 আরঞ্জিলা সুরবালা—‘ কিভয় বাছনি’—
 রমণীর কলকণ্ঠ সাংগাহ পবনে
 বহিল উল্লাসে মাতি, সেই কণ্ঠ ধনি
 শুনিতে জাহ্নবীজল বহিল উজ্জান ;
 অচল হইল রবি অন্তাচল শিরে,
 মুহূর্ত্ত করিতে সেই স্বরস্বধাপান ;
 সঞ্জীবনী সুরধারাশি সমস্ত শরীরে
 প্রবেশিল ক্লাইবের ; বহিল সে ধনি
 আনন্দে ধমনী-স্রোতে ; বাজিল অমনি

৩৮

শ্রুত হৃদয়ের যন্ত্রে,—‘ কি ভয় বাছনি !’
 “ ইংলণ্ডের রাজকুমারী আমি সুভাগিনী
 লক্ষ্মীকুললক্ষ্মী আমি, শুন বীরমণি !
 রাজকুমারী মধ্যে আমি শ্রেষ্ঠ আদরিণী
 বিধাতার ; পরাক্রমী পুত্রের গৌরবে
 আমি চিরগৌরবিনী ; ত্রিদিবে বসিয়া
 কটাক্ষে জানিতে আমি পারি এই ভবে
 কখন কি ঘটে ; দেখি অদৃশ্যে থাকিয়া
 পাখির ষটনাশ্রোত ; চিত্তি অনিবার
 ইংলণ্ডের রাজ্যস্থিতি, উন্নতি, বিস্তার ।

৩৯

“ তোমার চিন্তায় আজি টলিল আসন ;
 আমিহু পৃথিবীতলে, তোমায়ে, বাছনি !
 শুনাইতে ভবিষ্যত বিধির লিখন ;—
 শুনিলে উল্লাসে তুমি নাচিবে এখনি ।
 এই হতে ইংলণ্ডের উন্নতি নিয়তি ;
 এই সমুদিত মাত্র সৌভাগ্য-ভাস্কর ;
 মধ্যাহ্ন গৌরবে যবে ব্রিটন ভূপতি
 উজলিবে দশদিগ, দেশ দেশান্তর ;
 তাঁর ছত্র ছায়াতলে, জানিবে নিশ্চিত,
 অর্দ্ধ সমাগরা ধরা হবে আস্থাদিত । ”

৪০

“ সোণার ভারতবর্ষে, বহু দিন আর,
 মহারাষ্ট্রী মোগল বা ফরাসী হুজুয়
 করিবে না রক্তপাত ; দ্বিতীয় ‘বাবার’
 ভারতের রক্তভূমে হইয়া উদয়
 অভিনব রাজ্য নাহি করিবে স্থাপন ;
 কিস্তি অতিক্রমি দূর হিমাদ্রি-কান্তার,
 দিল্লীর ভাণ্ডাররাশি করিতে লুণ্ঠন
 ভীম বেগে দগ্ন্যশ্রোত আসিবে না আর,
 ভারতের ইতিহাসে উপস্থিত প্রায়,
 অচিন্ত্য, অশ্রুত, এক অপূর্ব অধ্যায় ।

৪১

“ অজ্ঞাতে ভারতক্ষেত্রে কিছু দিন পরে
 যেই মহাশক্তি বাছা করিবে প্রবেশ,
 মেঘবৎ শৃঙ্খলিবে দিল্লীর ঈশ্বরে ;
 তেরাগিয়া রক্তভূমি, ছাড়ি রণবেশ
 ভয়ে মহারাষ্ট্র সিংহ পশিবে বিবরে ।
 যেমতি প্রভাতরবি ভেদিয়া তুষার
 যতই উঠিতে থাকে গগন উপরে,
 ততই পাদপছায়া হয় খর্কাকার ;
 তেমতি এশক্তি যত হইবে প্রবল,
 ভারতে ফরাসী তত হবে হতবল ; ”

৪২

“ তুমি সে শক্তির মূল, আদি অবতার ;
 হইওনা চমৎকৃত, ভেবোনা বিস্ময় ;
 ভারত অদৃষ্টচক্র, রূপাণে তোমার
 সমর্পিত ; যেই দিকে তব ইচ্ছা হয়,
 ঘুরিবে ফিরিবে চক্র তব ইচ্ছামত ।
 বস্তু যেই ভিত্তি তুমি করিবে স্থাপন,
 সময়েতে তহুপরি, ব্যাপিয়া ভারত
 অটল অচল রাজ্য হইবে স্থাপন ।
 বিধির মন্দির হতে আনিয়াছি আমি,
 ভারতবর্ষের ভাবি মানচিত্রখানি ।

৪৩

“ অনন্ত তুষাররত হিমাদ্রি উত্তরে
 ওই দেখ উল্ল শিরে পরশে গগন ;
 অর্দ্র উপরে অর্দ্র অর্দ্র তহুপরে,
 কটিতে জীমূতবন্দ করিছে ভ্রমণ ;
 দক্ষিণে অনন্ত নীল ফেণিল সাগর,
 —উর্ধ্ব উপরে উর্ধ্ব উর্ধ্ব তহুপরে—
 হিমাদ্রি র অভিমানে উন্নত অন্তর
 তুলিছে মস্তক দেখ ভেদি নীলাশরে ;
 অচল পর্বত শ্রেণী শোভিছে উত্তরে
 চঞ্চল অচলরাশি ভাসে সিন্ধোপরে ।

৪৪

“ বেগবতী প্রবতী পূর্ব সীমানায় ;
 পঞ্চভুজে সিন্ধুনদ বিরাজে পশ্চিমে ;
 মধ্যদেশে, ওই দেশ, প্রমারিমা কার
 শোভে যে বিস্তৃত রাজ্য রঞ্জিত রক্তমে,
 বিংশতি ব্রিটন নাহি হবে সমতুল ;
 তথাপি হইবে—আর নাহি বহু দিন ;
 অভাগিনী প্রতি বিধি চির প্রতিকূল—
 বিপুল ভারত, ক্ষুদ্র ব্রিটন অধীন ।
 বিধির নিবন্ধ বাছা খণ্ডন না যায়,
 কিবা ছিল রোমরাজ্য এখন কোথায় ?

৪৫

“ ওই শোভে শতমুখী ভাগীরথী তীরে
 কলিকাতা, ভারতের ভাবী রাজধানী ;
 আরত এখন যাহা দরিদ্র-কুটীরে,
 শোভিবে অমরাবতী রূপে করি গ্লানি
 রাজ হর্ম্যে দৃঢ় দুর্গে গ্যাসের মালায় ।
 ওই যে উড়িছে উচ্চ অটালিকা শিরে
 ব্রিটিস পতাকা ; যেন গৌরবে হেলান
 খেলিছে পবন মনে অতি দীরে দীরে ;
 তুমিই তুলিয়া সেই জাতীয় কেতন,
 ভারতে ব্রিটিস রাজ্য করিবে স্থাপন ।

৪৬

“ নব রাজ্যে অভিষিক্ত করিয়া তোমায়,
আমি বসাইব ওই রত্নসিংহাসনে ;
আমি পরাইব রাজমুকুট মাথায় ;
সমস্ত ভারতবর্ষ আনত বদনে
পালিবে তোমার আজ্ঞা, অদৃষ্টির মত,
তোমার নিশ্বাসে এই ভারত ভিতরে
কত রাজ্য রাজা, হবে আনত উন্নত ;
ভাসিবে যবনলক্ষ্মী শোণিতে সমরে ;
প্রণমিবে হিমাচল সহিত সাগর,—
ইংলণ্ডের প্রতিনিধি—ভারতঈশ্বর ।

৪৭

“ শতকের বৎসর রাজ্যবিপ্লবের পরে
ইংলণ্ডের সিংহাসন হইবে অচল ;
উদিবে যে তীর রবি ভারত-অঙ্গরে
ভাতিবে ধবলগিরি, সমুদ্রের তল ;
কঙ্কালবিশিষ্ট পূর্ব হৃপতি সকল,
ঘুরিবে বেষ্টিয়া সৌর উপগ্রহ মত ;
আশু রাক্ষস হুয়ে দুর্দান্ত মোগল,
ছায়া কিম্বা স্বপ্নে শেষে হবে পরিণত ;
বিক্রমে শাদ্দুল, মেঘ, অহিংস অন্তরে ;
নির্ভয়ে করিবে পান, একই নিঝরে ।

৪৮

“ দর, বৎস ! এই ন্যায়পরতা-দর্পণ
বিধিকৃত ; ব্রিটিসের রাজ্য নিদর্শন ;
যত দিন পূর্ব রাজ্যে ব্রিটিস শাসন
থাকিবে অপক্ষপাতী বিশদ এমন,
তত দিন এই রাজা হইবে অক্ষয় ;
এই মহারাজনীতি মোহান্ন যবন
তুলিয়াছে, এই পাপে ঘটিছে নিরয় ;
এই পাপে কতরাজ্য হয়েছে পতন ।
ভীষণ সংহার অসি, রাজ্যের উপরে
ঝোলে ক্ষম ন্যায়-স্বত্রে বিধাতার করে ।

৪৯

“ যবনের অত্যাচার সহিতে না পারি
হতভাগ্য বঙ্গবাসী—চিরপরাধীন—
লয়েছে আশ্রয় তব ; দমি অত্যাচারী,—
যেই ধূমকেতু বঙ্গ আকাশে আসীন,
স্বর্গচ্যুত করি তারে নিজ বাহুবলে,—
শান্তির শারদ শশী করিতে স্থাপন ;
ভাবে নাই এই ক্ষুদ্র নক্ষত্রের স্থলে,
উদিবে নিদাঘতেজে ব্রিটিস তপন ।
এই আশ্রিতের প্রতি হইলে নির্দয়,
ডুবিবে ব্রিটিস রাজ্য, ডুবিবে নিশ্চয় ।

৫০

“রাজার উপরে রাজা, রাজরাজেশ্বর ;
জেতার উপরে জেতা জিতের সহায়,
আছেন উপরে বৎস ! অতি ভয়ঙ্কর !
দয়ালু, অপক্ষপাতী, মূর্তিমান্ স্থায়,
তাঁর রবি শশী তারা নক্ষত্রমণ্ডলে,
সম ভাবে দেয় দীপ্তি ধনী ও নিধনে ;
সমভাবে সর্বদেশে শ্বেতে ও শ্যামলে
বরষে তাঁহার মেঘ, বাঁচায় পবনে ।
পার্থিব উন্নতি নহে, পরীক্ষা কেবল
সম্মুখে ভীষণ, বৎস ! গণনার স্থল ।”

৫১

অদৃশ্য হইলা বামা ; পড়িল অর্গল
ত্রিদিব কপাটে যেন, অন্তর-নয়নে
ক্রাইবের ; গেল স্বর্গ, এল ধরাতল ।
হায় ! যথা হতভাগ্য জলমগ্ন জনে,
সৌরকর ক্রীড়াশ্বেলে, সলিল তিতরে,
শত শত ইন্দ্রচাপ, আলোক তরল
রাশি রাশি নিরখিয়া, মুহূর্তেক পরে
মৃত্যুমুখে দেখে বিশ্ব আধার কেবল ;
অন্তর নয়নে বীর ব্রিটননন্দন
স্বপ্নান্তে আধার বিশ্ব দেখিল তেমন ।

৫২

ভাঙ্গিল সুরথের স্বপ্ন, মেলিল নয়ন,
নাহি সে আলোক রাশি, নাহি বিদ্যমান
আলোক-মণ্ডিত সেই রমণীরতন ;
মধ্যাহ্ন-কিরণ মাঝে, রবি অধিষ্ঠান !
স্বর্গীয় সৌরভ আর না বহে পবনে,
স্বর্গীয় সঙ্গীত সুধা না হয় বর্ষণ,
আর সেই মানচিত্র নাদেখে নয়নে,
মুষ্টিবদ্ধ করে আর নাহি সে দর্পণ ;
অথবা থাকিবে কেন, থাকিলে কি আর,
ভারতে উঠিত আজি এই হাহাকার ?

৫৩

“সেনাপতি ! ভাগীরথী-তীর অতিক্রমি,
আজ্ঞা অপেক্ষায় সৈন্য আছে দাঁড়াইয়া,
বেলা অবসানপ্রায়, অন্ত দিনমণি—”
বলিল জনৈক সৈন্য ; চমকি উঠিয়া
ছুটিল ক্রাইব বেগে, নাহি বাহ্যজ্ঞান
কোথায় পড়িছে পদ, শূন্যে কি ধরায় ;
মানসিক শক্তিচয় যেন তিরোধান
হয়েছে রমণী সনে ; দৈববাণীপ্রায়
এখনো গম্ভীরে কর্ণে বাজিছে কেবল, —
“সম্মুখে ভীষণ, বৎস ! গণনার স্থল” ।

৫৪

সজ্জিত তরণী ছিল তীরে দাঁড়াইয়া,
লক্ষ দিয়া যেই বীর তরী আরোহিল ;
স্থির ভাগীরথী জল করি উচ্ছ্বসিত,
অগনি ব্রিটিস বাদ্য বাজিয়া উঠিল ;
ছুটিল তরণী বেগে বারি বিদারিয়া,
তালে তালে দাঁড়ী দাঁড়ে পড়িতে লাগিল ;
আঘাতে আঘাতে গঙ্গা উঠিল কাঁপিয়া,
সুনীল আরশি খানি ভাঙিল গড়িল ;
একতানে বীরকণ্ঠ ব্রিটিস-তনয়
গায় “জয় জয় জয় ব্রিটিসের জয়—”

গীত :

১

চির-স্বাধীনতা অনন্ত সাগরে,
নিস্তারা আকাশে যেন নিশামণি,
স্বখে ‘ব্রিটনিয়া’ আনন্দে বিহরে,
বীরপ্রসবিনী ব্রিটিসজননী ;
যেই নীল সিন্ধু অসীম হুঙ্কর,
বিক্রমে যাহার কাঁপে ত্রিভুবন,
ব্রিটনের কাছে মানি পরাজয়,
সেই সিন্ধু চুষে ব্রিটনচরণ ;
যোবে সেই সিন্ধু করি দিগ্বিজয়,
“জয় জয় জয় ব্রিটিসের জয় !”

২

সমুদ্রের বুকে পদাঘাত করি,
অভয়ে আমরা ব্রিটননন্দন ;
আজ্ঞাবহ করি তরঙ্গলহরী,
দেশ দেশান্তরে করি বিচরণ !
নব আবিষ্কৃত আমেরিকা দেশে,
কিষা আফ্রিকার মৃগতৃষ্ণিকায়,
ঐশ্বর্যশালিনী পূর্ব প্রদেশে,
ইংলণ্ডের কীর্তি না আছে কোথায় ?
পূর্ব পশ্চিম গায় সমুদয়,
“জয় জয় জয় ব্রিটিসের জয়।”

৩

সম্পদ সাহস ; সঙ্গী তরবার ;
সমুদ্র বাহন ; নক্ষত্র কাণ্ডারী ;
ভরসা কেবল শক্তি আপনার ;
শয্যা রণক্ষেত্র ; ঈষা ত্রাণকারী ।
বজ্রাঘ্নি জিনিয়া আমাদের গতি,
দাবানলসম বিক্রম বিস্তার ;
আছে কোন্ হুর্গ ? কোন্ অত্রিপতি ?
কোন্ নদ নদী, ভীম পারাবার ?
শুনিয়া সত্যে কম্পিত না হয়,
“জয় জয় জয় ব্রিটিসের জয়” ?

৪

আকাশের তলে এমন কি আছে,
ডরে যারে বীর ব্রিটিশতনয় ?
কেবল ব্রিটিশললনার কাছে,
সে বীরহৃদয় মানে পরাজয় ;
বীরবিনোদিনী সেই বামাগণে,
স্মরিতা অন্তরে ; চল রণে তবে ;
হায় ! কিবা স্মৃথ উপজিবে মনে,
শুনে রণবার্তা বামাগণে যবে,
গাবে বামাকণ্ঠ-স্মর করি লয়,
“ জয় জয় জয় ব্রিটিসের জয় ! ”

৫

অতএব সবে অভয় অন্তরে,
বারি বিদারিয়া দাঁও দাঁড়ে টান,
ব্রিটনিয়া পুত্র রণে নাই ডরে,
খেলার সামগ্রী বন্দুক কামান ;
ব্রিটিসের নামে ফিরে সিন্ধুগতি,
বিক্ষিপ্ত অশনি অর্ধপথে রয় ।
কিছার দুর্বল যবনভূপতি,
অবশ্য সমরে হবে পরাজয় ;
গাবে বঙ্গসিন্ধু, গাবে হিমালয়,
“ জয় জয় জয় ব্রিটিসের জয় ! ”

তৃতীয় সর্গ ।

পলাশি ক্ষেত্র ।

১

এই কি পলাশি ক্ষেত্র ? এই সে প্রাসঙ্গ ?
যেই খানে কি বলিব ?—বলিব কেমনে ?
স্মরিলে সে সব কথা বাঙ্গালীর মন
ডুবে শোকজলে, অশ্রু ঝরে ছনয়নে ;
যেই খানে মোগলের মুকুটরতন
খসিয়া পড়িল আছা ! পলাশির রণে ;
যেই খানে চিরকচি স্বাধীনতা-ধনে ;
হারাইল অবহেলে পাণ্ডায়া যবনে ;
দুর্বল বাঙ্গালী আজি সজল নয়নে
গাবে সে দুঃখের কথা ; তবে হে কল্পনে !

২

অতিক্রমি সাত্ত্রীদল,—যত্নীদল মাঝে
গাইছে যথায় যত কোকিলগঞ্জিনী
বিদ্রুতবরণী বামা ; মনোহর সাজে
নাচিছে নর্তকীরন্দ মানসমোহিনী,
ডুবিয়া ডুবিয়া যেন সঙ্গীতসাগরে ;—
পাশি সশঙ্কিতে, সেই সিরাজশিবিরে,
সাবধানে, সশঙ্কিতে, কল্পিত অন্তরে,
না বহে নিশ্বাস যেন অতি ধীরে ধীরে,
কহ সখি ! কহ দুঃখ-বিকল্পিত স্বরে,
শত বৎসরের কথা বিষয় অন্তরে ।

৩

বিরাজে সিরাজদৌলা স্বর্ণসিংহাসনে,
বেষ্টিত রূপসীদলে,—বদ অলঙ্কার,
কাশ্মীর-কুমররাশি,—উজ্জ্বল বরণে
বিমলিন, আভাছীন, স্ফটিকের ঝাড় ;
যার মুখ পানে চাহি হেন মনে লয়,
এই রূপবতী নারী রমণীর মণি,
ফিরে কি নয়ন আছা ! ফিরে কি হৃদয় ;
বারেক নিরখি এই হীরকের খনি ?
নিরখিয়া এই সব সুন্দরী ললনা,
কে বলিবে তিলোত্তমা কবির কল্পনা ?

৪

জ্বলিছে স্নগন্ধ দীপ, শীতল উজ্জ্বল,
বিকাশি লোহিত নীল স্নস্বিক্ত কিরণ ;
আতর গোলাপ গন্ধে হইয়া অচল,
বহিতেছে ধীর গ্রীষ্ম নৈশ সমীরণ ;
শোভে পুষ্পাধারে, শুভে, কামিনীকুন্তলে,
কোমল কামিনীকণ্ঠে কুমুমের হার ;
দেখেছ কেমন ওই সুন্দরীর গলে
শোভিয়াছে মালা আছা ! দেখ একবার ;
দীপমালা, পুষ্পমালা, রূপের কিরণ,
করিয়াছে যামিনীর উজ্জ্বল বরণ ।

৫

মিলাইয়া সপ্তস্বর স্নমধুর বীণা
বাজিতেছে, বিমোহিত করিয়া শ্রবণ ;
মিলাইয়া সেই স্বরে শতেক নবীনা,
গাইতেছে সপ্তস্বর, ব্যাপিছে গগন ;
পুরাইতে পাপাসক্ত নবাবের মন,
নাচে অর্দ্ধবিবসনা শতেক সুন্দরী ;
স্নকোমল মকমল চুঁষিছে চরণ
তালে তালে ; কামে পুনঃ জীবন বিতরি
খেলিছে বিজলী প্রায় কটাক্ষ চঞ্চল,
থেকে থেকে দীপাবলী হতেছে উজ্জ্বল ।

পলাশি প্রান্তরে নৈশ গগন ব্যাপিয়া,
উখলিছে শত স্রোতে আমোদলহরী ;
দূরে গঙ্গা বহিতেছে রহিয়া রহিয়া,
নিবিড় তিমিরে ঢাকা বন্দুখা স্তম্ভরী।
এমন ইন্দ্রিয়স্বপ্ন-সাগরে ডুবিয়া,
কেন চিন্তাকুল আজি নবাবের মন ?
কি ভাবনা শুষ্ক মুখে শূন্য নিরখিয়া,
কেন বা সঙ্গীতে আজি বিরাগ এমন ?
ইন্দ্রিয়-সন্তোষে সদা মুগ্ধ যার মন,
অকস্মাৎ কেন তার বৈরাগ্য এমন ?

৭

অদূরে শিবিরে বসি নিশি দ্বিপ্রহরে,
কুমন্ত্রণা করিতেছে রাজস্রোতস্রিগণ ;
ডুবায়ে নবাবে কালি সমরসাগরে,
নব অধীনতা বন্ধে করিতে স্থাপন।
ধিক্ রাজ্যে কৃষ্ণচন্দ্র ! ধিক্ উমিচাঁদ !
যবন-দৌরাত্ম্য যদি অসহ্য এমন,
না পাতিয়া এই হীন ঘণাপ্পদ ফাঁদ,
সম্মুখে সমরে করি নবাবে নিধন,
ছিড়িলে দামত্বপাশ ; তবে কি কখন,
হতো তোমাদের নামে কলঙ্ক এমন ?

৮
রে পাপিষ্ঠ রাজা রায় হুস্‌সৈন্য,
বান্দালি কুলের গ্লানি, বিশ্বাসঘাতক,
ডুবিলি ডুবালি পাপি ! কি করিলি বল
তোর পাপে বান্দালির ঘটিবে নরক ;
যে পাপে ডুবিলি আজি ওরে দুঃখচার !
নন্দকুমারের রক্তে হইবে বিধান
উপযুক্ত প্রায়শ্চিত্ত, কি বলিব আর
প্রতিদিন বদ্ধবাসী পাবে প্রতিদান ;
প্রতিদিন বান্দালির শত মনস্তাপ
প্রতি মনস্তাপ তোরে দিবে শত শাপ।

৯

সঙ্গীততরঙ্গ ভেদি এ পাপ মন্ত্রণা
পশিল কি ভয়াকুল নবাবের মনে ?
সে চিন্তায় নবাব কি এত অন্যমন্য ?
কে বলিবে, অন্তর্যোগী বিনে কেবা জানে ?
কিষ্ণা রণে কি হইবে ভাবি মনে মনে
কাঁপে কি সিরাজদৌলা থাকিয়া থাকিয়া ?
অথবা অঙ্গনা-অঙ্গ-স্বিগ্ন-পরশনে
কাঁপিছে অনঙ্গ-বাণে অবশ হইয়া ;
আকর্ণ টানিয়া তবে কটাফের বাণ
এক সঙ্গে যত ধনী করহ সন্ধান।

১০

ঢাল সুরা স্বর্ণ পাত্রে, ঢাল পুনর্বার,
কামানলে কর সবে আঁহুতি প্রদান ;
খাও ঢাল, ঢাল খাও, প্রেম পাঁরাবার
উথলিবে, লজ্জাদীপ হইবে নিৰ্ব্বাণ ;
বিবসনা লো সুরদি ! সুরাপাত্র করে
কোথা যাও নেচে নেচে ? নবাবের কাছে ?
যাও তবে সুরাহাসি মাখি বিশ্বাধরে,
ভুজঙ্গিনীসম বেণী হুলিতেছে পাছে ;
চলুক চলুক নাচ, টলুক চরণ,
উড়ুক কামের ধজা,—কালি হবে রণ ।

১১

কে তুমি গো, একাকিনী আনন্দশিবিরে
কাদিতেছ এক পাশ্বে বসিয়া ভূতলে ?
চিনেছি,—হানিয়া ঋজা প্রাণপতি-শিরে,
তোমাকে এ হুরাচার আনিয়াছে বলে ;
কাদ তবে, কাদ তুমি, রাত্রি যতক্ষণ,
গাও উচ্চৈশ্বরে আর যতেক রমণী ;
উঠিল রমণী-কণ্ঠ ছুঁইল গগন,
“ক্রম্” করে দূরে তোপ গজ্জিল অমনি ;
“একি গো” ? কিছূ না, স্রধু মেঘের গজ্জন,
নাচ, গাও, পান কর, প্রফুল্লিত মন ।

১২

পুন-ঝনৎকার শব্দে বাজিয়া উঠিল
মুরজ, মন্দিরা, বীণা, সারঙ্গী, সেতার,
বেহালার, পিককণ্ঠে, হইতে লাগিল
তানে তানে মুকুটিতে উদাস সঞ্চার ;
যন্ত্রের নিনাদে আই গলা মিশাইয়া
বসন্ত কোকিল কি হে দিতেছে ঝঙ্কার ?
তা নয়, গায়িকা আই কণ্ঠ কাঁপাইয়া
গাইতেছে, ক্ষীণকণ্ঠ কোকিলা কি ছার !
এক কুলশ্বরে করে সতত চিৎকার,
শত কলকলে বামা দিতেছে ঝঙ্কার ।

১৩

স্রধু কলকণ্ঠ নহে দেখ একবার
মরি, কি প্রতিমাখানি !—অনঙ্গরপিণী—
নবাবের সম্মুখেতে করিছে বিহার,
অবতীর্ণা মূর্তিমতী বসন্তরাগিণী ;
বাণী-বীণা-বিনিন্দিত স্বর মধুময়
বহিছে কাঁপায় রক্ত অধরযুগল ;
বহিতেছে স্রশীতল বসন্তমলয়,
চুষ্টি পারিজাত যেন, মাখি পরিমল ;
বিলাসবিলোল যুগ্ম নেত্রনীলোৎপল
বাসনা-সলিলে, মরি, ভাসিছে কেবল !

১৪

অর্থহীন ভাবহীন শ্যামের বাঁশরী,
 হরিতে পারিত যদি অবলার প্রাণ ;
 হেন রূপসীর স্বর স্বধার লহরী
 প্রেমপূর্ণ,—অ'ছে কোন নিরেট পাষণ
 শুনিয়া হৃদয় যার হবে না দ্রবিত ?
 যদি থাকে তবে চিত্ত নরকসমান,
 হতভাগ্য সেই জন, যে জন বঞ্চিত
 সরস সঙ্গীতরসে ;—রসের প্রধান !
 পাঠক ! বারেক শুন অনন্য শ্রবণে
 প্রণয়বিষাদগীত বামার বদনে ।

গীত ।

কেন দুঃখ দিতে বিধি প্রেমনিধি গড়িল ?
 বিকচ কমল কেন কণ্টকিত করিল ?
 ডুবিলে অতলজলে, তবে প্রেম রত্ন মিলে,
 কার ভাগ্যেশ্বত্ব ফলে,
 কারো কলঙ্ক কেবল ।
 বিদ্যাত-প্রতিম প্রেম, দূর হতে মনোরম,
 দরশন অসুপম,
 পরশনে মৃত্যুফল ।
 জীবন-কাননে হার, প্রেম-মৃগতৃষ্ণিকার,
 যে জন পাইতে চায়,
 পাষণে সে চাহে জল ।

আজি যে করিবে প্রেম, মনেতে ভাবিয়া হেম,
 বিচ্ছেদ-অনলে ক্রমে,
 কালি হবে অশ্রুজল ।

১৬

ওই শূন্য কলকণ্ঠ, গগনে উঠিয়া,
 প্রভাত-কোকিল যেন পঞ্চমে কুহরে ।
 ওই পুনঃ সুরমধুর কোমল নিকণে,
 কমলদলের মধ্যে ভ্রমরী গুঞ্জরে ;
 এই বোধ হয় নব-প্রণয় সঞ্চারে
 হইল বামার আহা ! সলজ্জ বদন ;
 এই হাসিরাশি দেখ অধর-ভাঙারে,—
 প্রণয়-কুসুম হলো বিকচ এখন ;
 আবার এখন দেখ নরনের জলে
 দেখায় পশিল কীট প্রণয়-কমলে ।

১৭

এই অশ্রু নবাবের স্রবিল হৃদয়,
 নির্ঝাপিত কামানল হলো উদ্দীপন,
 গগনেতে কাল মেঘ হইল উদয় ;
 উছলিল সিন্ধু ; মত্ত হইল যবন ।
 সুরপ্ত বাসনার স্রোত হইয়া প্রবল
 ছুটিল ভীষণ বেগে, চিন্তার বন্ধন
 কোথায় ভাসিয়া গেল ; হৃদয় কেবল
 রমণীর রূপে স্বরে হইল মগন ;

১০

মুছাইতে অশ্রু কর করিলা বিস্তার,
“ হুম্ ” কোরে দূরে তোপ গর্জিল আবার ।

১৮

আবার সে শব্দ, ভেদি সঙ্ঘীতরঙ্গ,
গেল নবাবের কাণে বজ্রনাদ করি ;
ঘুরিল মস্তক, ভয়ে লুকাল অনঙ্গ,
শিরস্ত্রাণ পড়ে ভূমে দিল গড়াগড়ি ;
ইহরাজের রণবাদ্য দূর আত্রবনে
হুঙ্কারিল ভীম রোলে, কাঁপিল অবনী ;
যত যন্ত্র ধরাতেলে হইল পতন,
নর্তকী অর্ধেক নাচে খামিল অমনি ;
মুহূর্ত্তেক পূর্বে যেই বিকচ বদন
হাসিতে ভাসিতে ছিল, মলিন এখন ।

১৯

বেগে ফরসির নল ফেলিয়া ভূতলে,
আসন হইতে যুবা চকিতে উঠিল ;
ভেসেছিল যেই চিন্তা নারীঅশ্রুজলে,
আবার হৃদয়ে বিষদন্ত বসাইল ;
গভীর চরণক্ষেপে, অবনত মুখে,
ত্রমিতে লাগিল ধীরে চিন্তাকুল মনে ;
যতেক রমণীগণ বসে মনোহুখে,
মাথে হাত দিয়া কাঁদে ভূতল-আসনে ;

ক্ষণেক নীরবে ভ্রমি যবন রাজন,
দাঁড়াল গবাক্ষে বাহু করিয়া স্থাপন ।

২০

দেখিল অনতিদূরে অঙ্ককার ছরি
জ্বলিছে শত্রুর আলো আলোয়ার প্রায়,
বহুক্ষণ একদৃষ্টিে নিরীক্ষণ করি,
চমকিল অকস্মাৎ, ঝরিল ধরায়
একটি অশ্রু বিন্দু ; একটি নিশ্বাস
বহিল ; চলিল নৈশ সমীরণ ভরে
শত্রু-আলোরাশি যেন করিতে বিনাশ ;
কিষ্কা রাজহিংসা বিষ মাখি কলেবরে,
চলিল সত্বরে যেন শত্রুর শিবিরে,
বিনা রণে অরিবন্দ বধিতে অচিরে ।

২১

প্রবল-ঝটিকা-শেষে জলধি যেমন
ধরে সুরপ্রশান্ত ভাব, উন্নত তরঙ্গে
কিছুক্ষণ করি বেগে সিন্ধু বিলোড়ন,
ক্রমশঃ বিলীন হয় মলিলের সঙ্গে ;
তেমতি নিঃশ্বাস শেষে নবাবের মন
হইল অপেক্ষাকৃত স্থির সুশীতল ;
মুহূর্ত্তেক মনোভাব করি নিরীক্ষণ
বলিতে লাগিল ধীরে চাহি ধরাতল ।

“ কেন আজি ? ”— এই কথা বলিতে বলিতে
অবকল হলে কঠ শোক-সলিলেতে ।

২২

“ কেন আজি মন মম এক উচাটন ?
বোধ হয় বিধে মাখা সকল সংসার !
কেন আজি চিত্তাকুল হৃদয় এমন ?
কেমনে হইল এই চিত্তার সঞ্চার ?
বিধবার অশ্রুধারা, অনাথ-রোদন,
সতীরতন-হারা রমণীর মুখ,
নিদাকণ যাতনার যাদের জীবন
বধিয়াছি, নিরখিয়া তাহাদের মুখ,
হর্ষ-বিকসিত হতো যাহার বদন,
তার কেন আজি হলো সজল লোচন ?

২৩

“ শত্রুর শিবির পানে ফিরালে নয়ন,
প্রত্যেক আলোক কাছে, নাজানি কেমন
নিরখি চিত্রিত মম যত নিদাকণ
অত্যাচার অনুতাপে জ্বলে উঠে মন ;
মনে করি হলো মম দৃষ্টির বিভ্রম,
অমনি কমালে আমি মুছি দুঃনয়ন ;
কিন্তু হৃদয়েতে যেই কলঙ্ক বিষম,
যুটিবে সে দোষ কেন মুছিলে নয়ন ?

পরিষ্কারি নেত্রদয় দেখিলে আবার,
সেই চিত্র স্পর্শতর দেখি পুনর্বীর ।

২৪

“ দেখি বিভীষিকা! মূর্তি ভয়াকুল মনে,
নিরখি নিবিড় নৈশ আকাশের পানে,
প্রত্যেকে একটি পাপ চিত্রিয়া গগনে,
দেখায় প্রত্যেক তারা বিবিধ বিধানে ।
যেই সব পাপ-কার্য করিতে সাধন,
কেশাণ্ডে কোন দিন কাঁপেনি আমার
আজি কেন তারি চিত্র করি দরশন,
সিহরিয়া উঠে অঙ্গ কাঁপে বারম্বার ?
পাপ পুণ্য কার্যকালে সমান সরল,
অনুশোচনাই মাত্র পরিচয় স্থল !

২৫

“ এই বঙ্গরাজ্যে অতি দীন নিরাশ্রয়
যেই সব প্রজাগণ, সারা দিন হার !
ভিক্ষা করি দ্বারে দ্বারে ক্লান্ত অতিশয় ;
অনশনে তরুতলে ভুতল-শয্যায়
করিয়া শয়ন, এই নিশীথে নির্ভয়ে,
লভিছে আরাম স্মখে তারাও এখন ।
আমি তাহাদের রাজা, আমি এ সময়ে
স্ববাসিত কক্ষে কেন বসিয়া এখন ?

আকাশ পাতাল ভাবি বিষম অন্তরে,
রে বিধাতঃ! রাজদণ্ডে নিস্রাও কি ডরে ?

২৬

“ কি হয় কি হয় রণে জয় পরাজয় ;
এই ভাবনায় কিণো চিন্তাকুল মন ?
নিতান্ত যদ্যপি রণে হয় পরাজয়,
না পারিব কোন মতে বাঁচাতে জীবন,
আমি ত সমরক্ষেত্রে প্রাণান্তে আমার
যাইব না, পশিব না বিষম সংগ্রামে,
অরিবৃন্দ নখাশ্রুও দেখিবে না যার,
কেমনে অলক্ষ্য তারে, বধিবে পরাণে ?
তবে যদি শুনি রণে হারিব নিশ্চয়,
রাজদুর্গে একেবারে লইব আশ্রয় ।

২৭

“ কে বল আমার মত ভবিষ্যত কথা
ভাবিতেছে. এ প্রান্তরে বসিয়া বিরলে ?
কে বল হৃদয়ে এত পাইতেছে ব্যথা,
ভাবি ভূতপূর্ব্ব কথা, ভাবি কর্ম্মফলে ?
বাজাইয়া করতালি, বাজায়ে খঞ্জনী,
ভুই হাতে তালি দিয়া প্রহরী সকল,
নাচিতেছে, গাইতেছে, চিন্তা-কালফণী
নাহি দংশে হৃদয়েতে, দহি অন্তস্তল ;

সকলি আমোদে মত্ত নাহি কোন ভয়,
কি হয় কি হয় রণে জয় পরাজয় !

২৮

“ অথবা কি ভয়মেঘে হৃদয়-গগন,
আবরিবে তাহাদের ? নাহি রাজ্য পন,
নাহি সিংহাসন, তবে কিসের কারণ
হবে তারা চিন্তাকুল বিবাদিত মন ?
মৃত্যু ? মৃত্যু দরিত্রের তুচ্ছ অতিশয় ;
করিতে আমার চিন্তে সন্তোষ বিধান
মরিয়াছে শত শত, তবে কোন ভয় ?
ভ্রুঃখীনির জীবন মৃত্যু একই সমান ।
আমাদের ইচ্ছামত মরিতে, বাঁচিতে,
হয়েছে তাদের স্বষ্টি— এই পৃথিবীতে ।

২৯

“ যা হবে আমার হবে তাদের কি ভয় ?
ভাঙ্গে যেই ঝটিকায় দেউল প্রাচীর,
উপাড়িরা ফেলে উচ্চ মহৌকহচয়,
পরশে কি কভু পূর্ণ দরিত্রকুটির ?
করে কি উচ্ছেদ নীচ ক্ষুদ্র তরু যত ?
হায় রে তেমতি এই আসন্ন সমরে,
যায় যাবে মম রাজ্য, আমি হব হত ;
কি দুঃখ হইবে তাহে প্রজার অন্তরে ?

এক রাজা যাবে, পুনঃ অন্য রাজা হবে,
বান্দ্যলার সিংহাসন শূন্য নাহি হবে ।

৩০

“ কিয়া মিরজাফরের মস্তে সৈন্যদল
হইয়াছে উপবিষ্ট, কে বলিতে পারে ?
তবে এই রণসজ্জা চক্রান্ত কেবল,
প্রবঞ্চনা-ইন্দ্রজালে তুলিতে আমারে ?
হয় ত আমারে কালি যত ছুরাচার
অর্পিবে ক্লাইবে, কিয়া বধিবে পরাণে,
তাই বুঝি তাহাদের আনন্দ অপার,
নাচিতেছে, গাইতেছে ; অথবা কে জানে
আততায়ী সেনাপতি পাপী কুলান্দার,
শিবির করিবে আজি সমাধি আমার ।

৩১

“ নিশ্চয় বিদ্রোহী তারা নাহিক সংশয় ;
নতুবা ক্লাইব কোন্ সাহসের ভরে,
ওই ক্ষুদ্র সৈন্য লয়ে,—নাহি মনে ভয়—
এ বিপুল সেনা মম সম্মুখে সমরে ?
সরসীনিঃসৃত স্রোতে কোন্ মৃত জনে
সাহসে সিকুর স্রোত চাহে ফিরাইতে ?
কিয়া কোন্ মুখ বল ভীম প্রভঞ্নে
পাখার বাতাস বলে চাহে বিমুখিতে ?

না জানি কি ষড়যন্ত্র হইয়াছে স্থির ;
অবশ্য হয়েছে কোন মন্ত্রণা গভীর ।

৩২

“ আমি মুখ্য সর্কনাশ করেছি আমার ;
মিরজাফরের এই চক্রান্ত জানিয়া,
রেখেছি জীবিত, তুলে শপথে তাহার ;
ক্লাইবের পদে ছিনু নিশ্চিত হইয়া ;
কে জানে ইংরাজজাতি এত মিথ্যাবাদী ?
এত আত্মসন্ত্রস্তী ? এত কাপটাআদার ?
কথায় স্বপক্ষ হয়, কার্যে প্রতিবাদী ?
তাদের ভরসা আশা মরীচিকা সার ?
এখন কোথায় যাই, কি করি উপায়,
বিশ্বাসঘাতকী হায় ডুবালে আমায় !

৩৩

“ যদি কোনমতে কালি পাই পরিদ্রাণ,
মিরজাফরের সহ যত বিদ্রোহীর,
মনোমত সমুচিত দিব প্রতিদান ;
বধিব সবংশে ; আগে যত রমণীর
বিতরি সতীত্বরত্ন আপন কিঙ্করে,
তাদের সম্মুখে ; পরে মস্ত্রীক সন্তান
কাটব, শোণিত পিতা পতির উদরে
প্রবেশি বিদ্রোহতৃষা করিবে নিৰ্বাণ ;

পরে তাহাদের পালা,—প্রথম নয়ন—
ও কি !”—কক্ষে পদশব্দ করিয়া অবগণ,

৩৪

ভাবিল—আসিছে মিরজাফরের চর,
যমদূত ; লুকাইল শিবিরকোণায়,
যখন জানিল নহে শমনের চর,
নিজ অনুচর মাত্র ; বটপত্রপ্রায়
কাঁপিতে কাঁপিতে ভয়ে ছইয়া অস্থির,
বসিল ফরাসে ধীরে মাথে হাত দিয়া ;
চিস্তিল অনেকক্ষণ ;—“ করিলাম স্থির,
যা থাকে কপালে আর, অদৃষ্ট ভাবিয়া,
ক্রাইবে লিখিব পত্র, দিব রাজ্য ধন
বিনা যুদ্ধে, যদি রক্ষে আমার জীবন । ”

৩৫

অমনি লেখনী লয়ে লিখিতে বসিল,
লিখিতে লাগিল পত্র,— চলিল লেখনী ;
আবার কি চিন্তা মনে উদয় হইল,
অর্ধপত্রে, শুদ্ধ কর খামিল অমনি ;
“ কি বিশ্বাস ক্রাইবেরে ! নিয়ে সিংহাসন,
নিয়ে রাজ্যভার ”—এমন সময়ে
কানাতে মানবছায়া হইল পতন ;
লেখনী ফেলিয়া দূরে পুনঃ প্রাণভয়ে

লুকাইল, শক্রচর ভাবিয়া আবার ;
কিন্তু বেগমের পরিচারিকা এবার !

৩৬

এইবার হতভাগা বুকে হাত দিয়া
বসিয়া পড়িল আর চরণ না চলে,
যায় যথা কাষ্ঠমঞ্চ ক্রমশঃ সরিয়া,
উদ্বন্ধনে দণ্ডিতের বন্ধ পদতলে ;
তেমতি এ অভাগার বোধ হলো মনে,
পৃথিবী চরণতলে, যেতেছে সরিয়া,
কাঁপিতে লাগিল প্রাণ জ্বত প্রকম্পনে,
নির্গত হইবে যেন হৃদয় ফাটিয়া ;
বাহিতে লাগিল নেত্রে অশ্রু দর দরে,
বহুক্ষণ এইভাবে চিস্তিল অন্তরে ।

৩৭

“ না,—এই যন্ত্রণা আর সহিতে না পারি,
এখনি পড়িব মিরজাফরের পায়ে,
রাখিয়া মুকুট, রাজদণ্ড তরবারি,
তাহার চরণতলে, পড়িয়া ধরায়
মাগিব জীবন ভিক্ষা ; অন্তরে তাহার
অবশ্য হইবে দয়া ” ভাবিয়া অন্তরে
মন্ত্রীর শিবির পানে উন্মাদ আকার
—বিস্তৃত নয়নদ্বয় কম্প কলেবরে—

ছুটিল ; আসিল যেই শিবিরের ঘারে,
শত ভীম নরহস্তা স্বজিল আঁধারে ।

৩৫

“ অ বিশ্বাসী—আততায়ী—বধিল জীবন ! ”
বলিয়া মূচ্ছিত হয়ে বলিল ভূতলে ;
অমনি বিদ্রোহ-বেগে করিয়া বেফন্দন,
ধরিল রমণী-ভূজ-মৃগাল-যুগলে ;
শিবিরের এক পার্শ্বে পর্য্যঙ্ক উপরে,
বসিয়া রমণী এক প্রথম হইতে,
নবাবের ভাব দেখি বিষন্ন অন্তরে,
শয়্য তিজাইতেছিল নয়নবারিতে ;
নবাবে ছুটিতে দেখি উন্মাদ আকার,
গিয়াছিল বিষাদিনী পশ্চাতে তাহার ।

৩৬

কামিনী-কোমল-স্নিগ্ধ-অঙ্গ পরশিতে,
কিছু পরে বঙ্গেশ্বর চেতন পাইয়া,
অবোধ শিশুর মত লাগিল কাঁদিতে ;
বিষাদিনী প্রেমসীর গলায় ধরিয়া ।
রোদনের শব্দে পরিচারিকামণ্ডল
আসিয়া, নবাবে নিল পর্য্যঙ্কে তখন,—
নক্ষত্রবেষ্টিত চন্দ্র গেলা অন্তাচল ;
“ একি নাথ ! ” জিজ্ঞাসিল বিষাদিনী ধনী,

অভাগা অক্ষুট্বরে বলিল তখন—
“ অ বিশ্বাসী—আততায়ী—বধিল জীবন ! ”

৪০

নিদাঘনিশীর শেষে নীরব অবনী ;
নিবিড় তিমিরে ঢাকা ভূতল গগন ;
হুই এক তারা হয়ে মলিন অমনি,
জ্বলিতেছে শিবিরের আলোর মতন ;
ভবিষ্যত ভাবি যেন বঙ্গ বিষাদিনী,
কাঁদিতেছে ঝিল্লিরবে ; পলাশি প্রাঙ্গণ
ভেদিয়া উঠিছে ধনি, চিত্তবিদারিণী ;
মুহূর্ত্ত নবাব ধনি করিল জ্রবণ,—
অন্ধকারে ধনি যেন নিয়তি বচন
কি বলিল, সিংহরিল সতয়ে যখন ।

৪১

“ অ বিশ্বাসী—আততায়ী—বধিল জীবন ! ”
বলিতে বলিতে ক্লান্ত হলো কলেবর ;
নিদাঘশব্দরী-শেষে নৈশ সমীরণ,
বহিছে স্ননিয়া আত্মকানন ভিতর ।
অতিক্রমি বাতায়ন শীতল সমীর,
ব্যজন করিতেছিল নবাবে তখন,
ভাবনায়, অনিদ্রায় হইয়া অধীর,
অমনি অজ্ঞাতে ধীরে মুদিল নয়ন ;

বিকট স্বপন যত দেখিল নিদ্রায়,
বলিতে শোণিত, কণ্ঠ শুকাইয়া যায় ।

৪২

প্রথম স্বপ্ন ।

“ রাজ্যলোভে মুগ্ধ হয়ে অরে হুরাচার
অকালে আমারে, হুচ্চ, করিলি নিধন !
কালি রণে প্রতিফল পাইবি তাহার,
সহিবি রে অনুতাপ আমার মতন ! ”

দ্বিতীয় স্বপ্ন

“ সিরাজ, তোমার আমি পিতৃব্যকামিনী ;
হরি মম রাজ্য ধন, করি দেশান্তর,
অনাহারে বধিলি এ বিধবা দুঃখিনী
কেমনে রাখিবি ধন, এবে চিন্তা কর ! ”

তৃতীয় স্বপ্ন ।

“ আমারে ডুবায় জলে বধিলি জীবনে,
ডুববে জীবনতরি কালি তোর রণে ! ”

৪৩

চতুর্থ স্বপ্ন ।

“ আমি পূর্ণগর্ভবতী নবীনা যুবতী,
এই দেখ গর্ভ মম করিয়া বিদার,
দেখেছিলি স্রুত মম, ওরে হুচ্চমতি !
কালি রণে পাবি তুই প্রতিফল তার ! ”

পঞ্চম স্বপ্ন ।

“ আমি সে হোসন্ কুলি, ওরে রে দুর্জন !
যারে তুই নিজহস্তে করিলি নিপাত ;
মম শাপে তোর রক্ত হইবে পতন,
যেইখানে করেছিলি মম রক্তপাত ;
নিদ্রা যাও আজি পাপী জন্মের মতন,
অনন্ত নিদ্রায় শীত্র মুদিবে নয়ন ! ”

৪৪

ষষ্ঠ স্বপ্ন ।

“ পুরাইতে পাপ আশা, বালিকা বয়সে
বলেতে আমারে পাপি ! করি আলিঙ্গন,
বধিলি জীবন মম বিবাহ-দিবসে ;
হারাইবি সেই পাপে প্রাণ, রাজ্য, ধন ! ”

সপ্তম স্বপ্ন ।

“ রে পাপিষ্ঠ ! অন্ধরূপে যম-যাতনার,
জান না কি আমাদের করেছ নিধন ?
কালি রণে স্বদেশীর হইয়া সহায়,
অধীনতারক্তে বঙ্গ দিব বিসর্জন ;
দেখিবি, দেখিবি, পাপি ! জীয়েতে যেমন,
ইংরাজের প্রতিহিংসা মলেও তেমন ! ”

৪৫

তামসী-রজনী-শেষে সুনীল অঘরে
বক্ষিম রক্তরেখা ভাসিল এখনি,

বঙ্গ-ভবিষ্যৎ আহা ! ভাবিয়া অন্তরে
হয়েছে কঙ্কাল-শেষ যেন নিশামনি ;
সশস্ত্র সমর-যুক্তি করি দরশন,
ভয়ে নিশীথিনীনাথ ছিল লুকাইয়া,
এবে ধীরে দেখা দিল, পলাশিপ্রাঙ্গণ,
রক্ষ-অন্তরাল হতে, নীরব দেখিয়া ।
কালি যাহা অস্ত্রে অস্ত্রে হবে বিদারিত,
আজি সেই রক্তভূমি নীরব নিদ্রিত ।

৪৬

নীরবে উঠিল শশী ; নীরবে চলিলা
নিরখিল, আলিঙ্গিতে ধরি বঙ্গগলে,
কাঁদিয়াছে বঙ্গ-চির-পিঞ্জর-সারিকা,
কত শত মুক্তাবলী শ্যাম দুর্বাদলে,
নিরখিল কত পত্র, কত ফুল ফল,
তিতিয়াছে হুঃখিনীর নয়নের নীরে ;
নীরবে শিবিরশ্রেণী শোভিছে কেবল,
ধবল-বালুকা-সুপ যথা সিন্ধুতীরে ;
অথবা গোপুংহক্ষেত্রে যেমতি কোঁরব,
সম্মোহন-অস্ত্রে যবে মোহিল পাণ্ডব ।

৪৭

জগত ঈশ্বরী নিদ্রা, শান্তির আধার,
সিংহাসনচ্যুত আজি পলাশিপ্রাঙ্গণে ;

মানব-নয়ন-রাজ্য নাহি অধিকার,
বিষাদে ভ্রমিছে আজি এই রণাঙ্গণে ;
অজ্ঞাতে, অদৃশ্য করে, প্রেম-পরশনে,
করে যদি নিমিলিত কাহারো নয়ন ;
প্রহরীর পদশব্দে, পবন-স্বনে,
চকিতে অতুল তন্দ্রা ভাঙে সেইক্ষণ ;
ভয়, — মানবের মুখ-সন্তোষ বিনাশি—
ভীষণরশম্যা আজি করেছে পলাশি ।

৪৮

গভীর নীরব এবে নবাবশিবির,
দাস দাসী কক্ষে কক্ষে জাগিছে নীরবে ;
কেবল জ্বলিছে দীপ ; বহিছে সমীর,
সশঙ্কিত চিত্তে যেন সর সর রবে ।
ঘন ঘন নবাবের মলিন বদনে
বিকাশিছে শ্বেদবিন্দু উৎকট স্বপন ;
পর্যঙ্ক-উপরে বসে বিষাদিত মনে,
পূর্বপরিচিত সেই রমণীরতন ;
কমলে কোমল করে সেই শ্বেদজল,
নীরবে বসিয়া বামা মুছিছে কেবল ।

৪৯

প্রেমপূর্ণ স্থিরনেত্রে আনতবদনে,
চেয়ে আছে বিষাদিনী পতিমুখ পানে ;

বঙ্গ-ভবিষ্যৎ আহা ! ভাবিয়া অন্তরে
হয়েছে কঙ্কাল-শেষ যেন নিশামণি ;
সশস্ত্র সমর-মূর্তি করি দরশন,
ভয়ে নিশীথিনীনাথ ছিল লুকাইয়া,
এবে ধীরে দেখা দিল, পলাশিপ্রাঙ্গণ,
রক্ষ-অন্তরাল হতে, নীরব দেখিয়া ।
কালি যাহা অস্ত্রে অস্ত্রে হবে বিদারিত,
আজি সেই রক্তভূমি নীরব নিদ্রিত ।

৪৬

নীরবে উঠিল শশী ; নীরবে চন্দ্রিকা
নিরখিল, আলিঙ্গিতে ধরি বঙ্গগলে,
কাঁদিয়াছে বঙ্গ-চির-পিঞ্জর-সারিকা,
কত শত মুক্তাবলী শ্যাম হৃৎকাদলে,
নিরখিল কত পত্র, কত ফুল ফল,
তিতিয়াছে হুঃখিনীর নগনের নীরে ;
নীরবে শিবিরশ্রেণী শোভিছে কেবল,
ধবল-বালুকা-স্তূপ যথা সিকুতীরে ;
অথবা গোঁঘৃহক্ষেত্রে যেমতি কোঁরব,
সম্মেহন-অস্ত্রে হবে মোহিল পাণ্ডব ।

৪৭

জগত ঈশ্বরী নিদ্রা, শান্তির আধার,
সিংহাসনচ্যুত আজি পলাশিপ্রাঙ্গণে ;

মানব-নয়ন-রাজ্য নাহি অধিকার,
বিবাদে জমিছে আজি এই রণাঙ্গণে ;
অজ্ঞাতে, অদৃশ্য করে, প্রেম-পরশনে,
করে যদি নিমিলিত কাহারো নয়ন ;
প্রহরীর পদশব্দে, পবন-স্বমনে,
চকিতে অতুল তন্দ্রা ভাঙে সেইক্ষণ ;
ভয়, --মানবের মূখ-সন্তোষ বিনাশি—
ভীষণরশমা আজি করেছে পলাশি ।

৪৮

গভীর নীরব এবে নবাবশিবির,
দাস দাসী কক্ষে কক্ষে জাগিছে নীরবে ;
কেবল জ্বলিছে দীপ ; বহিছে সমীর,
সশঙ্কিত চিত্তে যেন সর সর রবে ।
ঘন ঘন নবাবের মলিন বদনে
বিকাশিছে শ্বেদবিন্দু উৎকট স্বপন ;
পার্বাক্ষ-উপরে বসে বিষাদিত মনে,
পূর্বপরিচিত সেই রমণীরতন ;
কমলে কোমল করে সেই শ্বেদজল,
নীরবে বসিয়া বামা মুছিছে কেবল ।

৪৯

প্রেমপূর্ণ স্থিরনেত্রে আনতবদনে,
চেয়ে আছে বিষাদিনী পতিমুখ পানে ;

বিলম্বিত কেশরাশি, আবারি আননে
পড়িয়াছে পতিবক্ষে, শয্যা-উপাধানে ;
এক ভূজবলী শোভে পতি-কণ্ঠতলে,
অন্য করে মুছে নাথ-বদন-মণ্ডল ;
থেকে থেকে তিতি বামা নয়নের জলে,
প্রেমভরে পতিমুখ চুসিছে কেবল ;
মুছাইতে স্বেদবিন্দু, বামার নয়ন
অমর হৃদয় অশ্রু করিছে বর্ষণ ।

৫০

নির্জন কাননে বসি জনকনন্দিনী,
— নিদ্রিত রাঘবশ্রেষ্ঠ উক-উপাধানে—
ফেলেছিল যেই অশ্রু সীতা অভাগিনী,
চাহি পথশ্রান্তে পতি নরপতি পানে ;
অথবা বিজন বনে, তমসা নিশীথে,
মৃতপতি লয়ে কোলে সাবিত্রী হুঃখিনী,
ফেলেছিল যেই অশ্রু ; এই রজনীতে
ফেলিতেছে সেই অশ্রু এই বিবাদিনী ;
তুচ্ছ বঙ্গ-সিংহাসন—এই অশ্রু তরে
তুচ্ছ করি ইন্দ্রপদ অঙ্গান অন্তরে ।

৫১

এ দিকে ক্লাইব নিজ শিবিরে বসিয়া,
জাগরণে, ব্যস্ত মনে, কাটিছে রজনী ;

অনিশ্চিত ভবিষ্যত মনেতে ভাবিয়া,
থেকে থেকে ভয়ে বীর কাঁপিছে অমনি ।
“এত অল্প সেনা লয়ে” ভাবিছে “কেমনে
পরাজিব অগণিত নবাবের দল ?
কে জানে বদ্যাপি হয় পরাজয় রণে,
ইংলণ্ডের সব আশা ছইবে বিফল ;
ভুলজ্ঞা সাগর লজ্জি এক জন আর,
শ্বেতদ্বীপে কতু নাহি ফিরিবে আবার ।

৫২

“একেত সংখ্যায় অল্প সৈনিকের দল ;
তাহাদের মধ্যে তাহে নাহি এক জন,
শিক্ষিত যুদ্ধশাস্ত্রে ; প্রায় ত সকল
সমরে অদূরদর্শী শিশুর মতন ;
অধিকাংশ এইমাত্র লেখনী ছাড়িয়া,
অনিচ্ছায় তরবারী লইয়াছে করে,
কেমনে এমন ক্ষীণ তৃণদল দিয়া
অসংখ্য অশনীরন্দ কাটিব সমরে ?
ফিরে যাই, কায নাই বিষম সাহসে,
স্বইচ্ছায় কে কোথায় ব্যাত্তমুখে পশে ?

৫৩

“ফিরে যাব ? কোথা যাব ? স্বদেশে আমার ?
বৎসরের পথে বল যাইব কেমনে ?

ওই ভাগীরথী নদী না হইতে পার,
আক্রমিবে কালসময় হ্রস্বত ববনে ;
জনে জনে নিজ হস্তে বধিবে জীবনে,
অথবা করিবে বন্দী রাজ-কারাগারে ;
কাদি যদি দীনভাবে পড়িয়া চরণে
জীয়ন্ত নির্দয় নাহি ছাড়িবে কাহারে ;
কি কাজ পলায়ে তবে শৃগালের প্রায়,
যুঝিব, শুইব রণে অনন্ত শয্যায়।

৫৪

“আমারা বীরের পুত্র, যুদ্ধব্যবসায়ী ;
আমাদের স্বাধীনত্ব বীরত্ব জীবন ;
রণক্ষেত্রে এই দেহ হলে ধরাশায়ী,
তথাপি তাজির প্রাণ বীরের মতন ;
করিব না, করে অসি থাকিতে আমার,
জননীর শ্বেত অঙ্গে কলঙ্ক অর্পণ ;
মরিব, মারিব শত্রু, করিব সংহার,
বলিলাম এই অসি করি আশ্ফালন ;
শ্বেতদ্বীপ ! যিনি রণ ফিরিব আবার,
তা না হয়, এইখানে বিদায় সবার !”

৫৫

স্বগত চিন্তার স্রোত না হইতে স্থির,
অজ্ঞাতে অন্যত্র চিত্ত হলো আকর্ষিত ;

ব্রিটিস যুবক কেহ হইয়া অধীর,
বর্ধিতেছে প্রেমময়, মধুর সঙ্গীত ;—

সঙ্গীত।

১

“প্রিয়ে, কেরোলাইনা আমার !
কি বলিয়া প্রিয়তমে ! হইব বিদায় ;
বচন না সরে মুখে,
হৃদয় বিদরে দুঃখে,
উল্লুসিত আজি প্রিয়ে! প্রেম-পারাবার ;
অনন্তলহরী তাহে নাচিয়া বেড়ায় ;
প্রত্যেক কম্বোলে প্রাণ,
গায় ভব প্রেমগান,
প্রত্যেক হিলোলে আজি চুবে বারম্বার,
প্রিয়ে, কেরোলাইনা আমার !

২

“প্রিয়ে, কেরোলাইনা আমার !
সমুদ্রের এক প্রান্তে ভাসিলে চন্দ্রমা,
সীমা হতে সীমান্তরে,
হাসে সিন্ধু সেই করে ;
রজত-চন্দ্রিকাময় হয় পারাবার ;
তেমতি যদিও তুমি ইংলণ্ডে উদিত,

প্রিয়ে তব রূপরাজি,
ভারতে ভাসিছে আজি,
ভাসিতেছে প্রিয়তমে! চিতে অভাগার;
প্রিয়ে, কেরোলাইনা আমার!

৩

“ প্রিয়ে, কেরোলাইনা আমার!
যেই দিন হুরাকাঙ্ক্ষা তরী আরোহিয়া,
লজিয়া প্রবল সিদ্ধি,
ছাড়িয়া প্রণয়-ইন্দু,
আসিয়াছে দেশান্তরে প্রণয়ী তোমার;
সেই দিন প্রিয়তমে! আবার, আবার,
আজি এই রণস্থলে,
হুর্ণিবীর স্মৃতিবলে,
পড়ি মনে উছলিছে প্রেম-পারাবার,
প্রিয়ে, কেরোলাইনা আমার!

৪

“ প্রিয়ে, কেরোলাইনা আমার!
সরল তরল হাসি মাখিয়া অধরে,
বলেছিলে—‘ প্রিয়তম!
পরাতে গলায় মম,
আনিবেনা গোলকণ্ডা হীরকের হার?’
আবার সজল নেত্রে, বন্ধিম শ্রীবার

রেখে মম বামকর,
বলেছিলে,—‘ প্রাণেশ্বর!
এই হার বিনে কিছু নাহি চায় আর,’
প্রিয়ে, কেরোলাইনা আমার!

৫

“ প্রিয়ে, কেরোলাইনা আমার!
যেই প্রেম-অশ্রুরাশি আজি অভাগার,
ঝরিতেছে নিরবধি,
তরল না! হত যদি,
গাঁথিতাম যেই হার তব উপহার;
কিছার ইহার কাছে গোলকণ্ডাহার!
প্রতি অশ্রু আলোকিয়ে,
বিরাজিতে তুমি প্রিয়ে!
তব প্রেম বিনে মূল্য হতো না তাহার,
প্রিয়ে, কেরোলাইনা আমার!

৬

“ প্রিয়ে, কেরোলাইনা আমার!
এই ছিল সারা নিশি তমসা রজনী;
এই মাত্র সুধাকর,
বরষি বিমল কর,
রঞ্জিল কিরণজালে সকল সংসার;
হার! এ বিষাদদীর্ঘ বিচ্ছেদের পরে,

তব রূপ নিকপম,
আঁধার হৃদয় মম,
আলোকিবে পুনঃ কি এ জনমে আবার ?
প্রিয়ে, কেরোলাইনা আমার !

৭

“ প্রিয়ে, কেরোলাইনা আমার !
কিষ্কা কালি,—ভেবে বুক বিদরিয়া যায় !—
কালি ওই রণাঙ্গনে,
অভাগীর হৃদয়নে,
সেইরূপ—এই আশা—হইবে আঁধার ;
তবে অশ্রুসিক্ত তব ক্ষুদ্র চিত্রখানি,
রাখিয়া হৃদয়োপরে,
মরিব প্রণয়ভরে,
জন্মের মতন আশা ! ডাকি একবার,—
প্রিয়ে, কেরোলাইনা আমার !!

৮

“ প্রিয়ে, কেরোলাইনা, আমার !
যায় নিশি,—এই নিশি—প্রেরসি ! আবার ;
পুনঃ এই স্মৃধাকর,
তারাময় নীলাস্বর,
হইবে কি সমুদিত নয়নে আমার ?
জীবনের শেষ দিবা হয় ত প্রভাত

হইতেছে পূর্বাচলে,
কালি নিশি নেত্রজলে,
হতভাগা স্মরিবে না,—ডাকিবে-না আর,—
প্রিয়ে, কেরোলাইনা আমার !”

নীরবিল যুবা,—যেন নৈশ সমীরণে
হইল জীবন মন শেষ তানে লয় ;
সেই তান ক্লাইবের পশিল শ্রবণে ;
ঝরিল একটি অশ্রু, ত্রবিল হৃদয় ;
সুদীর্ঘ নিশ্বাস সহ হইল নির্গত—
“ প্রিয়তমে মেক্সিলিন্ !—জনমের মত !”
তৃতীয় সর্গ সমাপ্ত ।

চতুর্থ সর্গ।

যুদ্ধ।

১

পোহাইল বিভাবরী পলাশি-প্রাজ্ঞে,
পোহাইল ভারতের স্বধের রজনী ;
চিত্রিয়া ভারত-ভাগ্য আরক্ত গগণে,
উঠিলেন দুঃখভরে দীর্ঘ দিনমণি ;
শান্তোজ্জ্বল কররাশি চুম্বিয়া অবনী,
প্রবেশিল আশ্রবনে ; প্রতিবিশ্ব তার
শ্বেতমুখ শতদলে ভাসিল অমনি ;
ক্রাইবের মনে হল স্মৃতির সঞ্চারণ ;
সিরাজ স্বপ্নান্তে রবি করি দরশন,
ভাবিল এ বিধাতার রক্তিম নয়ন।

২

নীরবে পোহাল নিশি ; নীরব সকল ;
রণক্ষেত্রে একেবারে না বহে বাতাস ;
একটি পল্লব নাহি করে উলমল ;
একটি যোদ্ধার আর নাহি বহে শ্বাস ;
শকুনী, গৃধিনী, কাক, শালিকের দল,
নীরবে বসিয়া স্থির শাশ্বার উপরে ;
দূরে নীল গঙ্গা এবে শান্ত অচঞ্চল ;
একটি হিম্মোল নাহি কাঁপে সরোবরে ;
রণপ্রতীক্ষার স্থির পলাশি-প্রাজ্ঞণ,
প্রলয়ে ঝড়ের পূর্বে প্রকৃতি যেমন।

১

ত্রিটিসের রণবাদ্য বাজিল অমনি,
কাঁপাইয়া রণস্থল,
কাঁপাইয়া গঙ্গাজল,
কাঁপাইয়া আশ্রবন উঠিল সে ধনি।

২

নাচিল সৈনিক-রক্ত ধমনী ভিতরে,
মাতৃকোলে শিশুগণ,
করিলেক আশ্ফালন,
উৎসাহে বসিল রোগী শয্যার উপরে।

৩

নির্নাদে সমররঙ্গে নবাবের ঢোল,

ভীমরবে দিগঙ্গনে,
কাঁপাইয়া ঘনে ঘনে,
উঠিল অশ্বর-পথে করি ষোর রৌল ।

৪

ভীষণ মিশ্রিত ধ্বনি করিয়া প্রবণ,
রুধক লাঙ্গল করে,
হিজ কোষাকুবি ধরে,
দাঁড়াইল বজ্রাহত পথিক যেমন ।

৫

অর্ধ-নিষ্কোষিত অসি ধরি যোদ্ধৃগণ,
বারেক গগণ প্রতি,
বারেক মা বসুমতী,
নিরখিল যেন এই জন্মের মতন ।

৬

ভাগীরথী-উপাসক আর্ধ্যশ্রুতগণ,
ভক্তিভাবে কিছুক্ষণ,
করি গঙ্গা দরশন,
'গঙ্গামাই' বলে সবে ডাকিল তখন ;

৭

ইঙ্গিতে পলকে মাত্র মৈনিক সকল,
বন্দুক সদর্পভরে,
তুলি নিল অংশোপরে ;
সঙ্গিনে কণ্টকাকীর্ণ হলো রণস্থল ।

বেগবতী স্রোতস্বতী ঠৈরবী গর্জনে,
সলিল সঞ্চার করি,
যায় ভীম বেগ ধরি,
প্রতিকূল শৈলপ্রতি তাড়িত গমনে ।

৯

অথবা ক্ষুধার্ত ব্যাঘ্র, কুরঙ্গ কাননে
করে যদি দরশন,
দলি গুল্ম লতাবন,
তীরবৎ ছুটে বেগে মৃগ আক্রমণে ।

১০

তেমতি নবাব-সৈন্য বীর অনুপম,
আশ্রবন লক্ষ্য করি,
এক স্রোতে অস্ত্র ধরি,
ছুটিল সকলে যেন কালান্তক যম !

১১

অকস্মাৎ একেবারে শতক কামান,
করিল অনলরুষ্টি,
যেন বিনাশিতে সৃষ্টি,
কত খেত যোদ্ধা তাহে হলো তিরোধান !

১২

অস্ত্রাঘাতে স্রুশোখিত শাদ্দুলের প্রায়,

ক্রাইব নির্ভয় মন,
করি রশ্মি আকর্ষণ,
আসিল তুরঙ্গোপরে রাখিতে সেনায় ।

১৩

‘সম্মুখে’ ‘সম্মুখে’ বলি সরোষে গর্জিয়া,
করে অসি তীক্ষ্ণ ধার,
ব্রিটিসের পুনর্বীর,
নির্বাপিত-প্রায় বীর্য উঠিল জ্বলিয়া ।

১২

ইংরাজের বজ্রনাদী কামান সকল,
গভীর গর্জন করি,
নাশিতে সম্মুখ অরি,
মুহূর্ত্তেকে উগরিল কালান্ত অনল ।

১৫

বিনা মেঘে বজ্রাঘাত চাষা মনে গনি,
ভয়ে সশঙ্কিত প্রাণে,
চাহিল আকাশ পানে.
ঝরিল কামিনী-কক্ষ-কলসী অমনি ।

১৬

পাখীগণ কলরব করি বাস্তমনে,
পশিল কুলায়ে ডরে ;
গাভীগণ ছুটে রড়ে,
বেগে গৃহদ্বারে গিয়ে হাঁফাল সঘনে ।

১৭

আবার আবার সেই কামান গর্জন ;
উগরিল ধুমরাশি,
আধারিল দশ দিশি,
গরজিল সেই সঙ্গে ব্রিটিস বাজন ।

১৮

আবার আবার সেই কামান গর্জন ;
কাঁপাইয়া ধরাতল,
বিদারিয়া রণস্থল,
উঠিল যে ভীমরব ফাটিল গগণ ।

১৯

সেই ভীমরবে মাতি ক্রাইবের সেনা,
ধূমে আবরিত দেহ,
কেহ অশ্ব, পদে কেহ,
গেল শত্রু মাঝে, অস্ত্রে বাজিল ঝঞ্জন ।

২০

খেলিছে বিদ্রোহ একি ধাঁধিয়া নয়ন !
লাখে লাখে তরবার,
যুরিতেছে অনিবার,
রবিকরে প্রতিবিষ করি প্রদর্শন ।

২১

ছুটিল একটি গোলা রক্তিম-বরণ,

বিষম বাজিল পায়ে,
সেই সাংঘাতিক ঘায়ে,
ভূতলে হইল যিরমদন পতন!

২২

“ভররো, ভররো” করি গজ্জিল ইংরাজ;
নবাবের সৈন্যগণ,
ভয়ে ভঙ্গ দিল রণ,
পালাতে লাগিল সবে নাহি সছে ব্যাজ।

১৩

“দাঁড়ারে দাঁড়ারে ফিরে, দাঁড়ারে যবন,
দাঁড়াও ক্ষত্রিয়গণ,
যদি ভঙ্গ দেও রণ,”

গজ্জিল মোহনলাল “নিকট শমন!

২৪

“আজি এই রণে যদি কর পলায়ন,
মনেতে জানিও স্থির,
কারোনা থাকিবে শির,
সবাক্রমে যাবে সবে শমন-ভবন!

২৫

“ভারতে পাবিবা স্থান করিতে বিশ্রাম,
নবাবের মাথা খেয়ে,
কেমনে আসিলি ধরে,
মরিবি মরিবি ওরে যবন-সন্তান!

২৬

“সেনাপতি! ছিছি একি! হা পিক্ তোমারে!
কেমনে বচনা হয়!
কাঠের পুতুল প্রায়,
সমজিত দাঁড়াইয়া আছ এক ধারে!

২৭

“ওই দেখ, ওই যেন চিত্রিত প্রাচীর,
ওই তব সৈন্যগণ,
দাঁড়াইয়া অকারণ,
যাণিতেছে লহরী কি রণ পয়োধির?”

২৮

“দেখিছ না সর্বনাশ সম্মুখে তোমার,
যায় বঙ্গ-সিংহাসন,
যায় স্বাধীনতা-ধন,
যেতেছে ভাসিয়া সব কি দেখিছ আর?”

২৯

“ভেবেছ কি গুরু রণে করি পরাজয়,
রণমত্ত শত্রুগণ,
ফিরে যাবে তাজি রণ;
আবার যবন বঙ্গে হইবে উদয়?”

৩০

“মূর্খ তুমি! —মাটি কাটি লভি কহিবু,

ফেলিয়া সে রক্ত হায় !
কে ঘরে ফিরিয়া যায়,
বিনিময়ে অঙ্গে মাটি মাখিয়া প্রচুর ?

৩১

“ কিয়া যেই পাপে বঙ্গ করেছ পীড়িত ;
হতভাগ্য হিন্দুজাতি,
দহিয়াছ দিবারীতি,
প্রায়শ্চিত্ত কাল বুঝি এই উপস্থিত।

৩২

“ সামান্য বণিক্ এই শত্রুগণ নয়,
দেখিবে তাদের হায় !
রাজা, রাজ্য ব্যবসায়,
বিপণি সমর-ক্ষেত্র, অস্ত্র বিনিময়।

৩৩

“ নিশ্চয় জানিও রণে হলে পরাজয়,
দাসত্ব-শৃঙ্খল-ভার,
যুচিবেনা জন্মে আর,
অধীনতা বিষে হবে জীবন সংশয়।

৩৪

“ যেই হিন্দু জাতি এবে চরণে দলিত,
সেই হিন্দুজাতি মনে,
নিশ্চয় জানিবে মনে,
একই শৃঙ্খলে সবে হবে শৃঙ্খলিত।

৩৫

“ অধীনতা, অপমান, সহি অনিবার,
কেমনে রাখিবে প্রাণ,
নাহি পাবে পরিত্রাণ,
জ্বলিবে জ্বলিবে বুক হইবে অস্থার।

৩৬

“ সহস্র গৃহিনী যদি শতেক বৎসর,
হুৎপিণ্ড বিদারিত
করে অনিবার, প্রীত
বরঞ্চ হইব তাহে, তবু হা ঈশ্বর !

৩৭

“ একদিন—একদিন—জন্ম জন্মান্তরে
নাহি হই পরাধীন ;
যত্নে অপরিসীম,
নাহি সহি যেন নর-গৃহিনীর করে।

৩৮

“ হারাস্ নে, হারাস্ নে, রে মূর্খ যবন !
হারাস্ নে এ রতন,
এই অপার্থিব ধন,
হারাইলে আর নাহি পাইবি কখন।

৩৯

“ বীরপ্রসবিনী যত মোগল-রমণী,

না বুঝি কি প্রকারে,
প্রসবিল কুলাজারে,
চঞ্চলা যবন-লক্ষ্মী বুঝি এখন ।

৪০

“প্রণয়-কুসম-হার রে ভীক দুর্বল !
পরাইলি যে গলায়,
বলনা রে কি লজ্জার,
পরাইবে সে গলায় দামত্বশুভল ?

৪১

“চির উপার্জিত যেই কুলের গৌরব ;
কেমনে সে পূর্ণশশী,
কলঙ্কে করিলি মসি,
ততোধিক যবনের কি আছে বিভব ?

৪২

“ভুবন-বিখ্যাত সেই যশের কারণ,
বণিতা হুহিতা তরে,
লও অসি লও কড়ে,
ভারতের লাগি সবে কর তবে রণ ।

৪৩

“কোথায় ক্ষত্রিয়গণ সমরে শমন ;
ছিছি ছিছি একি কায়,
ক্ষত্রকুলে দিলে লাজ,
কেমনে শত্রুরে পৃষ্ঠ করালি দর্শন ?

৪৪

“বীরের সন্তান তোরা বীর-অবতার ;
স্বকুলে দিলিরে ঢালি,
এমন কলঙ্ককালি,
শৃগালের কায, হয়ে সিংহের কুমার !

৪৫

“কেমনে যাবিরে ফিরে ক্ষত্রিয়সমাজে,
কেমনে দেখাবি মুখ,
জীবনে কি আছে স্মৃথ,
স্রীপুত্র তোদের যত হাসিবেক লাজে ।

৪৬

“ক্ষত্রিয়ের একমাত্র সাহস সহায় ;
সে বীরত্ব প্রভাকরে,
অর্পি ভীক ! রাহুকরে,
কেমনে ফিরিবি ঘরে কি ছার আশায় ?

৪৭

“কি ছার জীবন যদি নাহি থাকে মান ;
রাখিব রাখিব মান,
যায় যাবে যাক্ প্রাণ,
সাধিব সাধিব সবে প্রভুর কল্যাণ !

৪৮

“চল তবে ভ্রাতাগণ চল পুনর্বীর,

দেখিব ইংরাজ দল,
শ্বেত-অঙ্গে কত বল,
আর্য্যমতে জিনে রণে হেন সাধ্য কার ?

৪৯

“বীর-প্রসূতীর পুত্র আমরা সকল ;
না ছাড়িব একজন,
কতু না ছাড়িব রণ,
শ্বেত-অঙ্গে রক্তশ্রোত না হলে অচল।

৫০

“দেখাব ভারতবীর্ষ্য দেখাব কেমন ;
বলে যদি হীমাচল,
করে তারা রসাতল,
না পারিবে টলাইতে একটি চরণ।

৫১

“যদি তারা প্রভাকর উপাড়িয়া বলে
ডুবায় সিঙ্কুর জলে
তথাপি ক্ষত্রিয় দলে,
টলাইতে না পারিবে, বল কি কৌশলে।

৫২

“সহে না বিলম্ব আর চল ভ্রাতাগণ,
চল সবে রণস্থলে,
দেখিব কে জিনে বলে,
ইংরাজের রক্তে আজি করিব তর্পণ ?”

৫৩

ছুটিল ক্ষত্রিয় দল, ফিরিল যবন,
যেমতি জলধি জলে,
প্রকাণ্ড তরঙ্গ দলে,
ছুটে যায়, বহে যবে ভীম প্রভঞ্জন !

৫৪

বাজিল তুমুল যুদ্ধ অস্ত্রের নির্ধাত,
তোপের গর্জন ঘন,
ধূম অগ্নি উদ্দীরণ,
জলধরমধ্যে যেন অশনিসম্পাত।

৫৫

নাচিছে অদৃষ্ট দেবী, নির্দয় হৃদয়,
এই ব্রিটিশের পক্ষে,
এই বিপক্ষের বক্ষে,
এইবার ইংরাজের হলো পরাজয়।

৫৬

অকস্মাৎ তুর্য্যধনি হইল তখন,
“ক্ষান্ত হও যোদ্ধাগণ,
কর অস্ত্র স্ফুরণ,
নবাবের অনুমতি কালি হবে রণ।”

৫৭

উশিত-রূপাণ কর হইল অচল,

সম্মুখ চরণবয়,
পবনে উস্থিত হয়,
দাঁড়াল নবাবসৈন্য হইল চঞ্চল।

৫৮

যেমতি শিখরত্যাগি পার্বতীর নদী,
করি তরু উন্মূলন,
ছিড়ি গুল্ম লতা বন,
অবকদ্ধ হয় শৈলে অর্ধ পথে যদি,

৫৯

অচল শিলার সহ সুবি বহুক্ষণ,
যদি কোনমতে ভারে,
বারেক টলাতে পারে,
উড়াইয়া শিলা হয় ভূতলে পতন।

৬০

তেমতি বাপেক যদি টলিল যবন,
ইংরাজ সঙ্গিন করে,
ইন্দ্র যেন বজ্র ধরে,
ছুটিল পশ্চাতে, যেন কৃতান্ত সমন।

৬১

কারো বৃকে, কারো পৃষ্ঠে, কাহারো গলায়,
লাগিল ; সঙ্গিন যায়,
বরিষার ফোটা প্রায়,
আঘাতে আঘাতে পড়ে যবন ধরায়।

৬২

আম্‌ আম্‌ আম্‌ করি ব্রিটিস বাজন',
কাঁপাইয়া রণস্থল,
কাঁপাইয়া গঙ্গাজল,
আনন্দে করিল বঙ্গে বিজয়ঘোষণা।

৬৩

মূচ্ছিত হইয়া পড়ি অচল উপর,
শোণিতে আরক্ত-কায়,
অস্ত গেল রবি, হায় !
অস্ত গেল যবনের গৌরব-ভাস্কর।

১

নিবিয়াছে মহাঝড় ; রণ-প্রভঞ্জন,
ভীম পরাক্রমে নর-মহীকহ-চয়
উপাড়ি ধরায়, শান্ত হয়েছে এখন ;
সবিবাদে সমীরণ ধীরে ধীরে বয়।
মূচ্ছান্তে মোহনলাল মেলিয়া নয়ন,
দেখিলা সমর ক্ষেত্রে মুহূর্ত তুলিয়া
স্নান মুখ ; ক্ষত দেহে রক্ত প্রস্রবণ
ছুটিল, পড়িল শিরে আকাশ ভাঙ্গিয়া ;
চাহি অন্তমিত প্রায় প্রভাকর পানে,
বলিতে লাগিল শোক-উচ্ছ্বাসিত প্রাণে।

২

“ কোথা যাও, ফিরে চাও, সহস্রকিরণ !
 বারেক ফিরিয়া চাও, ওহে দিনমণি !
 তুমি অস্তাচলে, দেব, করিলে গমন,
 আসিবে ভারতে চির-বিষাদ-রজনী !
 এ বিষাদ-অন্ধকারে নির্ধম অন্তরে,
 ভুবায়ে ভারতভূমি যেওনা তপন ;
 উঠিলে কি ভাব বঙ্গে নিরীক্ষণ করে,
 কি দশা দেখিয়া, আহা ! ডুবিছ এখন ?
 পূর্ণ না হইতে তব অর্ধ আবর্তন,
 অর্ধ পৃথিবীর ভাগ্য ফিরিল কেমন !

৩

“ অদৃষ্টচক্রের কিবা বিচক্ষণ গতি,
 দেখিতে দেখিতে কত হয় আবর্তন ;
 কাহার উন্নতি হবে, কার অবনতি,
 মুখুর্ভেক পূর্বে আহা ! বলে কোন জন ?
 কালি যেই স্থানে ছিল বৈজয়ন্ত পাম,
 আজি দেখি সেই স্থানে বিজয় কানন ;
 ভীষণ সময়শ্রোত, হায়, অবিরাম,
 কত রাজ্য, রাজধানী, করেনি গমন ;
 সিরাজ সময়শ্রোতে হইয়া পতন,
 হারাল পলাশিক্ষেত্রে রাজ্য, সিংহাসন ।

৪

“ কোথায় ভারতবর্ষ,—কোথায় ব্রিটন,
 অলঙ্ঘ্য পর্বতশ্রেণী, অনন্ত সাগর,
 অগণিত রাজ্য, উপরাজ্য অগণন,
 অর্ধেক পৃথিবী মধ্যে ব্যাপি কলেবর ;
 ইংলণ্ডের চন্দ্র সূর্য্য দেখে না ভারত ;
 ভারতের চন্দ্র সূর্য্য দেখে না ব্রিটন ;
 পবনের গতি কিম্বা, কপ্পনার রথ,
 কোন কালে এত দূর করেনি গমন ;
 আকাশকুম্বম কিম্বা মন্দার যেমন,
 জানিত ভারত বানী ইংলণ্ড তেমন ।

৫

“ সেই সে ইংলণ্ড আজি হইল উদয়
 ভারত-অদৃষ্টাকাশে স্বপনের মত ;
 এই রবি শীত্রে অস্ত হইবার নয়,
 খরতর, সমুজ্জল, হইবে নিয়ত ।
 এক দিন,—তুই দিন,—বহুদিন আর,
 কাষ্ঠপুতুলের মত অভাঙ্গা যখন,
 বঙ্গ-রঙ্গ-ভূমে নাহি করিবে বিহার ;
 কলঙ্কিত করিবে না বঙ্গসিংহাসন ;
 আজি, নহে কালি, কিম্বা তুই দিন পরে,
 অবশ্য যাইবে বঙ্গ ইংলণ্ডের করে ।

৬

“ কিস্কণে উদয় আজি হইল তপন !
 কিস্কণে প্রভাত হলো বিগত শরীরী ;
 আধারিয়া ভারতের হৃদয়-আসন,
 স্বাধীনতা শেষ আশা গেল পরিহারি ;
 যবনের অবনতি করি দরশন,
 নিরখিয়া মহারাষ্ট্র গৌরববর্জিত,
 কোন্ হিন্দুচিত্র নাহি,— নিরাশাসদন—
 হয়েছিল স্বাধীনতা-আশায় পূরিত ?
 কিন্তু তব অন্ত সনে, কি বলিব আর,
 সেই আশাজ্যোতিঃ আজি হইবে আধার ।

৭

“ নিতান্ত কি দিনমণি ডুবিলে এবার,
 ডুবাইয়া বঙ্গ আজি শোকসিন্ধুজলে ?
 যাও তবে, যাও দেব, কি বলিব আর ?
 ফিরিওনা পুনঃ বঙ্গ-উদয়-অচলে ;
 কি জন্যে বল না আহা ! ফিরিবা আবার ?
 ভারতে আলোকে কিছু নাহি প্রয়োজন ;
 আজীবন কারাগারে বসতি যাহার,
 আলোক তাহার পক্ষে লজ্জার কারণ ;
 কালি পূর্বাসার দ্বার খুলিবে যখন
 ভারতে নবীন দৃশ্য করিবে দর্শন ।

৮

“ আজি গেলে, কালি পুনঃ হইবে উদয়,
 গেল দিন, এই দিন ফিরিবে আবার ;
 ভারত-গৌরব-রবি ফিরিবার নয়,
 ভারতের এই দিন ফিরিবে না আর ;
 ফিরিবে না মৃতদেহে বিগত জীবন,
 বাঁচিবে না রণাহত অভাগা সকল ;
 মৃতদেহে নিপীড়িত শুষ্ক তৃণগণ,
 কিছুদিন পরে পুনঃ পাবে নব বল ;
 এবে মৃতদেহতলে, বৎসর অন্তরে,
 জনমিবে পুনঃ তাদের উপরে ।

৯

“ এস সন্ধ্যা ! ফুটিয়া কি ললাটে তোমার
 নক্ষত্র-রতন-রাজি করে আলমল ?
 কিম্বা শুনে ভারতের দুঃখসমাচার,
 কপালে আঘাত বুঝি করেছে কেবল,
 তাহে এই রক্তবিন্দু হয়েছে নির্গত ?
 এস শীঘ্র, প্রসারিয়া ধূসর অঞ্চল,
 লুকাও ভারতমুখ হুঃখে অবনত ;
 আবরিত কর শীঘ্র এই রণস্থল ;
 রাশি রাশি অন্ধকার করি বরিষণ,
 লুকাও অভাগাদের বিরক্ত বদন ।

১০

“ কালি সন্ধ্যাকালে, এই হতভাগীগণ,
অহঙ্কারে স্ফীতবুক রমণীমণ্ডলে,
কালি নিশিযোগে লয়ে রমণীরতন,
আমোদে ভাসিতেছিল মন-কুতূহলে ;
প্রভাতে সমরসাজে সাজিল সকল,
মধ্যাহ্নে মাতিল দর্পে কালান্তক রণে ;
না ছুঁইতে প্রভাকর ভূধর-কুন্তল,
সায়ান্নে শায়িত হলো অনন্ত শয়নে ;
বিপক্ষ, বান্ধব, অশ্ব, অশ্বারোহিণী,
একই শয্যায় শুয়ে ক্ষত্রিয় যবন ।

১১

“ আসিলে যামিনী দেবী যে বঙ্গ-ভবন,
আমোদে পূর্ণিত হতো ; সজীত-হিলোল
উখলিত ব্যাপি ওই সুনীল গগন ;
আজি সে বঙ্গতে স্রধু রোদনের রোল ;
পতিহীনা, পুত্রহীনা, ভ্রাতৃহীনা নারী,
ভ্রাতার বিরোগে ভ্রাতা, করে হাহাকার ;
বঙ্গসম পুত্রশোক, সহিতে না পারি,
কাদে কত পিতা ভূমে হয়ে দীর্ঘাকার ;
আজি অন্ধকার-পূর্ণ বঙ্গের সংসার,
কোন ঘরে নাই স্কীণ আলোকসঞ্চার !

১২

“ এই নহে ভারতের রোদনের শেষ ;
পলাশিযুদ্ধের নহে এই পরিণাম ;—
যেই শক্তি-শ্রোতস্বতী ভেদি বঙ্গদেশ,
নির্গত হইল আজি, ত্রিমি অবিগ্রাম
হীমাচল হতে বেগে করিবে গমন
কুমারীতে ; লক্ষ্যদ্বীপে লজ্জি পারাবার ;
প্রতিদিন ইহার বাড়িবে আয়তন,
হইবে তাহাতে ভীম ঝটিকা সঞ্চার ;
যবে পূর্ণবলে ক্রমে হবে বলবতী,
কার সাধ্য নিবারিবে এই শ্রোতস্বতী ?

১৩

“ পলাশিতে আজি যেই ধবল জঙ্গল,
ভারত অদৃষ্টাকাশে হইল সঞ্চার ;
তিল তিল বৃদ্ধি হয়ে এ খেত নীরদ,
ধরিবে ভীষণ মহামেষের আকার ;
জুড়িয়া ভারত-ভূমি হবে অন্ধকার,
বহিবে প্রলয়-ঝড়, ভীম প্রতজ্ঞন ;
যত পুরাতন রাজ্য হবে ছারখার ;
উড়িয়া যাইবে রাজা, রাজ্য, সিংহাসন ;
কিন্তু এই ঝড় যবে হইবে অন্তর,
ভাসিবে ভারতাকাশে শান্তি-সুধাকর ।

১৪

“ খেত দ্বীপ, আজি তব কি স্মৃতির দিন !
 যে রত্ন হইল তব মুকুট-ভূষণ,
 একেবারে হয়ে হিংসা আশার অধীন,
 সমুদয় ইউরোপ করিবে দর্শন ;
 যাও তবে সমীরণ, ঝড়বেগ ধরি,
 বহ এই শুভবার্তা ইংলণ্ড-ঈশ্বরে ;
 শুনিয়া সাগরমধ্যে খেতাজ স্তম্ভরী
 নাচিবে, মরাল যেন নীল সরোবরে ;
 হইবে সমস্ত দ্বীপ প্রতিধ্বনিময়,
 গভীরে সাগরে গাবে ইংলণ্ডের জয়।

১৫

“ আর ভারতের ?—সেই চির-অধীনীর ?
 ভারতেরো নয় আজি অস্মৃতির দিন,
 পশিয়া পিঞ্জরান্তরে, বন-বিহগীর,
 কিবা স্মৃতি, কি অস্মৃতি ? সমান অধীন !
 পরাধীন স্বর্গবাস হতে গরীরসী
 স্বাধীন নরকবাস ; অথবা নির্ভীক
 স্বাধীন ভিক্ষুক ওই তরুতলে বসি,
 অধীন ভূপতি হতে স্মৃতি সমধিক ;
 চাহিনা স্বর্গের স্মৃতি, নন্দন কানন,
 মুহূর্তেক যদি পাই স্বাধীন জীবন !

১৬

“ ভারতের নয় আজি অস্মৃতির দিন ;
 আজি হতে যবনেরা হলো হতবল,
 কিবা ধনী মধ্যবিত্ত কিবা দীন হীন,
 আজি হতে নিদ্রা যাবে নির্ভয়ে সকল ।
 ফুরাইল যবনের রাজ্য-অভিনয় ;
 এতদিনে যবনিকা হইল পতন ;
 করাল কালের গর্ভে, বিস্মৃতি-আগ্নয়ে,
 অচিরে যবনরাজ্য হইবে স্বপন ;
 পুনর্বার যবনিকা উঠিবে যখন,
 প্রবেশিবে অভিনব অভিনেতৃগণ ।

১৭

“ আজি উচ্ছ্বসিত মনে হতেছে স্মরণ,—
 অক্কে অক্কে এই দীর্ঘ অভিনয় কালে,
 কত স্মৃতি, কত হৃৎস্বপ্ন, কত উৎসাহ,
 লিখিয়াছিলেন বিধি ভারত-কপালে ;
 দুঃখিনীর কত অশ্রু হায় ! অনিবার,
 ঝরিয়াছে প্রিয়তম তনয়ের তরে ;
 কত অত্যাচার হায় ! কত অবিচার,
 লহিয়াছে অভাগিনী পাবাণ অন্তরে ;
 এখনো শরীর কাঁপে স্মৃতি অত্যাচার,
 করাল-রূপাণ-মুখে ধর্মের বিস্তার ।

১৬

১৮

“ কিন্তু বৃথা,—নাহি কাষ স্মদীর্ঘ কথার ;
জানি আমি যবনের পাপ অগণিত ;
জানি আমি ভায়নক অত্যাচারে হায় !
ইতিবৃত্ত-প্রতিপৃষ্ঠা আছে কলুষিত ;
আছে,—কিন্তু হায় ! এই কলঙ্কমাগরে,
ছিল না কি স্থানে স্থানে রতননিচয়,—
চিরোজ্জ্বল ! ইতিহাসে রক্ষিত আদরে ?
ছিল কি সত্রাট মাত্র সম নৃশংসয় ?
পাপী আরজ্জীব, আল্লাউদ্দিন পামর
ছিল যদি, ছিল না কি বাবর, আকবর ?

১৯

“ বোলে বলে দিবসের অঞ্চলে গোধূলি,
যতই তমসা বলে বোধ হয় মনে,
না থাকিলে রবি— বিশ্ব-নয়নপুতলী,—
দিবা বলে বোধ হতো নিশার তুলনে ;
স্বাধীন অপক্ষপাতী আর্ষ্যরাজ্য পরে,
তেমতি যবনরাজ্য ;—স্বজাতিপ্রবণ—
যতই কলঙ্কে খ্যাত, কিছু স্থানান্তরে
এত কলুষিত বোধ হবে না কখন ;
সন্দেহ, হইত কি না রাবণ মুণিত,
রামের ছায়াতে যদি না হতো চিত্রিত।

২০

“ কি কাষ সে মুখ হুঃখ করিয়া স্মরণ,
ক্ষত হৃদয়ের ব্যথা জাগায়ে আবার ?
ক্রেমে ওই নিশীথিনী-ছায়ার মতন,
যবনের হতভাগ্য হতেছে সঞ্চার ;
আরজ্জীব অন্তমনে, অলক্ষিতে হায় !
প্রবেশিল যে গোধূলি মোগল-সংসারে,
উত্তরিল নিশা আজি ; চাকিবে ত্বরায়—
প্রকাণ্ড যবনরাজ্য নিবিড় আঁধারে ;
দিল্লি, মুরসিদাবাদ, হইবে এখন,
যবনের গৌরবের সমাধিভবন।

২১

“ ছিল না ঐশ্বর্য্যে বীর্য্যে এই ধরাতলে
সমকক্ষ যবনের,—বীর পরাক্রম
অস্তাচল হৈতে খ্যাত উদয়-অচলে ;
সে বীরজাতির এই দূঢ় সিংহাসন,
ছিল পঞ্চশত বর্ষ হীমাত্রি মতন,
অচল অটল রাজনৈতিক মাগরে ;
কে জানিত আজি তাহা হইবে পতন
বাঙ্গালির মন্ত্রণায়, বণিকের করে ?
কিন্মা ভাগ্যদোষে যদি বিধি হয় বাম,
শেলপাতা বাজে বুকে শেলের সমান।

২২

“ শতশত বর্ষ পূর্বে যে জাতি হুর্নার,
বিক্রমে ভারতরাজ্য করিল স্থাপন ;
তাহাদের সন্তান কি যত কুলান্দার,
হারাইল আজি যারা সেই সিংহাসন ?
ছিল যেই জাতি শ্রেষ্ঠ শৌর্য্য বীর্য্যে রত,
সদা তরবারি করে, সদা রণস্থলে ;
সেই জাতি এবে মগ্ন বিলাসে সতত ;
ঝুলিতেছে দিবা নিশি রমণী-অঞ্চলে ;
কিছুদিন পরে আর,—বিধির বিধান,—
ক্রীড়াপটে বিরাজিবে মোগল পাঠান ! ”

২৩

অথবা অভাগাদের দোষ অকারণ,
দোষ বিধি, দোষ মন্দভাগিনী ভারত,
চিরস্থায়ি কোন রাজ্য ভারতে কখন
হইবে না, চিরস্থির নক্ষত্র যেমত ;
না জানি কি গুপ্ত বিষ ভারত-সলিলে
ভাসে সদা, বহে স্নিগ্ধ মলয় পবনে ;
তেজোময় বীরসিংহ ভারতে পশিলে,
কামিনী-কোমল হয় তার পরশনে ;
ইন্দ্রিয়লালসা বহে সবেগে ধমনী,
বীর্য্য হয় ভোগলিপ্সা, পুরুষ রমণী ।

২৪

প্রবেশিল যে বীরত্ব স্রোত হুর্নিবার,
আর্য্যজাতি সনে এই ভারত ভিতরে,
কি রত্ন না ফলিরাছে গভেতে তাহার ?
তুচ্ছ এক কহিনুর, মুকুটে আদরে
পারেন ইংলণ্ডেশ্বরী ;—তৃতীয় নয়ন
উমার ললাটে যেন ; ভারত তোমার
(কতশত কহিনুরে) পূজেছে চরণ
আর্য্য-মন-রত্নাকর দিয়ে উপহার ;
ভারতে যখন বেদ হইল সৃজন,
তাজে নাই রোমাণের গভর্ন স্বপন ।

২৫

যেই জাতি অস্ত্রবলে কাটিয়া ভূধর,
অনন্ত অজেয় সিন্ধু করিল বন্ধন ;
রোধিত যাদের অস্ত্রে শূন্যে প্রভাকর,
পাতালে কাপিত ডরে বসুধাবাহন ;
যাহাদের তীক্ষ্ণ শরে গগণ ভেদিয়া,
কনকচম্পকরাশি করিল হরণ ;
যাহাদের গদাঘাতে বেড়ায় ঘুরিয়া,
অনন্ত আকাশ পথে মহস্ত্র বারণ ;
যাহাদের কীর্তিকথা অমৃতসমান,
এখনো মানবজাতি স্মখে করে পান ।

২৬

হে বিধাতঃ! কোন্ পাপ করিল সে জাতি ?
 কেন তাহাদের হলো এত অবনতি ?
 যেই সিংহাসনে, বীর রাবণ-অরাতি
 বিরাজিত, বিরাজিত কুঙ্কুলপতি ;
 —মধ্যাতীত নরপতি-প্রণামে যাহার
 চরণে হইয়াছিল মুকুট অঙ্কিত,—
 কুরুক্ষেত্রজয়ী বীর দয়ার আধার,
 ধর্মপুত্র যুধিষ্ঠির ছিল বিরাজিত ;
 বসিল,—লজ্জার কথা বলিব কেমনে !—
 যবনের ক্রীত দাস সেই সিংহাসনে !

২৭

“ বিনা যুদ্ধ নাহি দিব সূচ্যগ্র-মেদিনী ”
 এই মহাবাক্য যার ইতিহাস গত ;
 সেই জাতি, করি বদ্ধ চিরপরাধিনী,—
 কি বলিব বোধ হয় স্বপনের মত,—
 সপ্তদশ অশ্বারোহী যবনের ডরে,
 সোণার বাঙ্গালারাজ্য দিল বিসর্জন !
 সূচ্যগ্র-মেদিনী-স্থলে, অন্নান অন্তরে
 সমগ্র ভারত আছা ! করি সমর্পণ
 বিদেশীকে, আছি স্মখে ; জানে ভবিষ্যত
 এই অবনতি কোথা হবে পরিণত।

২৮

সেই দিন যেই রবি গেলা অস্তাচলে,
 ভারতে উদয় নাহি হইল আবার ;
 পঞ্চশত বর্ষ পরে দূর নীলাচলে,
 ঈষদে হাসিতে ছিল কটাফ তাহার ;
 কিন্তু পলাশিতে যেই নিবিড় নীরদ ;
 করিল তিমিরারুড় ভারতগগণ,
 অতিক্রমি পুনঃ এই অনন্ত জলদ,
 হইবে কি সেই রবি উদিত কখন ?
 জগতে উদয় অস্ত প্রকৃতি নিয়ম ;
 কিম্বা জলধরচ্ছায়া থাকে কতক্ষণ।

২৯

যে আশা ভারতবাসী চিরদিন তরে,
 পলাশির রণরক্তে দিয়ে বিসর্জন,
 বলে না, স্মরে না, ভেবে ভাবে না অন্তরে ;
 কম্পনে, সে কথা মিছে কহ কি কারণ ?
 থাকুক পলাশিক্ষেত্র এখন যেমন ;
 থাকুক শোণিতে সিক্ত হত যোদ্ধৃবল ;
 প্রত্যহ ভারত অক্ষয় হইয়া পতন,
 অপনীত হবে এই কলঙ্ক সকল ;
 চল যাই মুহূর্তেক করিগে দর্শন,
 কোথায় সিরাজদৌলা, কি ভাবে এখন।

পঞ্চমসর্গ।

শেষ আশা।

১

মুরশিদাবাদে আজি আমোদ মোহিনী,—
 নাচিয়া বেড়ায় স্রুখে প্রতি ঘরে ঘরে,
 পরিয়াছে দীপমালা যামিনী কামিনী,
 ভাসিতেছে রাজধানী সঙ্গীতসাগরে ;
 অহিকণ টেনে মিরজাফর পামর,
 ঢুলু ঢুলু করিতেছে আরক্ত লোচন,
 “উড়িয়া বেহার বঙ্গ—ত্রিদেশ-ঈশ্বর”
 বলিয়া পলাশিজেতা করিছে বরণ ;
 লভেছে পাতিয়া, সেই উর্গনাভ ফাঁদ,
 তীর্থযাত্রা উপদেশ খুঁড়ি উমিটাদ।

২

নিম্নীলিত নেত্রদয় ; মুখত্রী গস্তীর ;
 পড়েছে জলদচ্ছায়া চৌষটি কলায় ;
 নিরখিতে যেই চন্দ্র নেত্রপদ্মিনীর,
 উন্নীলিত হতো, আজি রাহুগ্রস্ত হার !
 পরিধান পটবস্ত্র ; উত্তরীয় থাকে ;
 অশিবব্যঞ্জক শ্মশ্রু—আরুত বদন—
 (দীর্ঘকারণাবাস হেতু) ; তপস্যার ছলে
 জাহুপরি কর, করে অঙ্গুলি সংযম।
 এ রূপে মন্দির হুর্গে বসিয়া পূজায়,
 রুক্ষনগরের পতি রুক্ষচন্দ্র রায়।

৩

এ নহে সামান্য পূজা, প্রাণদণ্ড তরে
 প্রেরিয়াছে রাজ আজ্ঞা সিরাজদ্দৌলার ;
 হতভাগ্য নরপতি পূজা শেষ করে,
 সহিবেক রাজদণ্ড বন্দনপ্রার্থ ;
 যতক্ষণ পূজা ছায় ! ততক্ষণ প্রাণ ;
 সেই হেতু নরপতি পূজায় মগন,
 সেই ধ্যানে রাজর্ষির নাহি বাহা জ্ঞান,
 ক্ষণে ক্ষণে স্রুধু দীর্ঘ নিশ্বাস পতন !
 পবন স্বননে ত্রস্তে মিলিছে নয়ন,
 মনে ভাবি ক্লাইবের সৈন্য-আগমন !

৪

কপ্পনে, মুর্শিদাবাদে আইস ফিরিয়া,
 ছেন উৎসবের দিনে ছাড়িয়া নগর,
 কে যার কোথায়? মঞ্জু নিকুঞ্জ ছাড়িয়া
 কে প্রবেশে অন্ধকার কানন ভিতর ?
 উঠিছে আকাশপথে, নগর হইতে
 যেই আলোকের জ্যোতিঃ তিমির উজলি,
 বোধহয় দিগ্‌দাহ, অথবা নিশীথে
 জ্বলিতেছে দাবানলে দূরবনশূলী।
 উৎসবের কোলাহলে দূরে হয় জ্ঞান,
 আমোদকাননে যেন ছুটেছে তুফান।

৫

“পলাশির যুদ্ধ” আজি সহস্র জিহ্বায়
 ঘোষিতেছে জনরব প্রভঞ্জন গতি ;
 “পলাশির যুদ্ধ” আজি মর্ম্মরে পাতায়,
 স্নানিতেছে সমীরণে, গায় ভাগীরথী ;
 “পলাশির যুদ্ধ” শত সহস্র নয়ন
 চিত্রিতেছে অক্ষয়লে সহস্রপারায় ;
 “পলাশির যুদ্ধ” কত প্রকল্প বদন
 হাসিতেছে মনস্বণে ; লিখিছে ধাতায়
 “পলাশির যুদ্ধ” ওই বসিয়া অম্বরে,
 ভারত-অদৃষ্ট-গ্রন্থে অমর অক্ষরে !

৬

স্থানে স্থানে সমবেত নাগরিকগণ,
 করিতেছে পলাশির যুদ্ধ আলোচনা ;
 তাহাদের মধ্যে সত্যপ্রিয় কত জন,
 প্রশংসিছে ক্লাইবের বীর্য বীরপণা ;
 যাহাদের সমধিক কপ্পনা প্রবল,
 তাহাদের মতে কোন মহামন্ত্রবলে,
 ক্লাইব বঙ্গীয় সেনা রণে হতবল
 করিয়াছে, যত উপদেবতার বলে।
 মুর্খের কপ্পনাজ্যে হলে উচ্ছৃঙ্খলিত,
 যত অসম্ভব তাহে হয় সম্ভাবিত।

৭

শুক উপনদীতেও বরিষার কালে,
 প্রভূত সলিল যথা হয় প্রবাহিত,
 তেমতি উৎসবে এই পুরী-অন্তরালে,
 বীথিতেও জনশ্রোত আজি সঞ্চাতিত ;
 অভিষেক উপলক্ষে মিরজাফরের,
 সুরসজ্জিত রাজহর্যা, অব্যাহিত দ্বার।
 রাজপ্রাসাদের সজ্জ, নব নবাবের
 নূতন সভার শোভা,—আমোদভাণ্ডার !—
 দেখিতে শুনিতে ওই দর্শক অশেষ
 দীর্ঘশ্রোতে রাজদ্বারে করিছে প্রবেশ।

৮

সম্মুখে বিচিত্র সভা আলোকে খচিত,
অমরাবতীর শোভা সৌরভে পূরিত ;
বিগত বিপ্লবে হায় ! করেনি কিঞ্চিৎ
রূপান্তর,—সেই রূপ আছে স্মৃজিত ;
সেই রঙ্গভূমি, সেই আলোকের হার,
সেই সজ্জা, সেই শোভা, সেই সভাজন ;
সেই বিলাসিনীরন্দ করিছে বিহার ;
সেই রাজচ্ছত্রদণ্ড, সেই সিংহাসন,
সেই নৃত্য, সেই গীত, রয়েছে সকল ;
হায় ! সে সিরাজদৌল্লা নাহিক কেবল !

৯

মিরজাফরের আজি সার্থক জীবন ;
ভূতলে য়ুনানী স্বর্গ আজি অনুভব ;
যেই সিংহাসনচ্ছায়া আঁধারে তখন
ছিল লুকাইয়া, আজি—হায় ! অসম্ভব—
সেই মিরজাফরের, সেই সিংহাসন ।
স্তাবকে বেষ্টিত হয়ে বসে সভাতলে,
অহিফেণে সঙ্কুচিত যুগলনয়ন :
হৃদয় করিছে স্ফীত চাটুকীর-দলে ;
প্রাচীন বয়সে শ্রুতশ্রবণবিবরে,
ঢালিছে কোকিলকণ্ঠা কামিনী কুহরে

১০

বিমল সঙ্কীত স্রুধা ; নাচিছে আবার
সঙ্গীতের তালে তালে ওই বিনোদিনী ;
নাচে যথা শুনি প্রাতে কোকিলঝঙ্কার,
কাননে গোলাপ, কিম্বা সলিলে নলিনী ।
তাম্বুলে রঞ্জিত রক্ত অধরযুগলে
ভাসিছে মোহিনী হাসি, এই হাসি হায় !
(রে মিরজাফর, মত্ত কামিনীকৌশলে !)
ভূষিয়াছে রাজ্যচ্যুত সিরাজদৌল্লায় ;
ভূমি রাজ্যভ্রষ্ট পুনঃ হইবে যখন,
তব শত্রু অভিষেকে হাসিবে তেমন ।

১১

সেই নৃত্যগীতে মিরজাফরের মন
নহে মুগ্ধ ; নহে মুগ্ধ হাসিতে বামার ;
স্তাবকের স্তুতিবাদে হইয়া মগন,
তোষামোদপারাবারে দিতেছে সাতার ;
কথা পলাশির যুদ্ধ—স্তাবক সকলে
বর্ণিছে কেমনে রণে নব বজ্রধ্বর
লভিয়াছে সিংহাসন বলে ও কৌশলে ।
ইহাদের স্তুতি হলে সত্যের আকর,
ইতিহাসে ক্লাইবের হইত নিশ্চর,
মিরজাফরের সনে স্থানবিনিময় ।

১২

স্তাবকের স্ততিবাদে, বিমূৰ্খ যবন !
যত ইচ্ছা স্ফীত কেন করনা হৃদয়,
সঙ্গীতের তালে ওই নৃত্যকী যেমন
নাচিছে, সেইরূপ তুমিও নিশ্চয়
নাচিবে হুদিন পরে ইংরাজ ঈজিতে ;
ভবিষ্যৎ অন্ধ মুৰ্খ ! জ্ঞান নাই আর,
সমুদ্রে ঝটিকাশ্রুত তরনী হইতে
অনিশ্চিত সমধিক—অদৃষ্ট তোমার ;
ইংরাজবণিকু করে জাননি কখন,
পর্ণস্রব্য হবে এই বঙ্গ-সিংহাসন !

১৩

স্বসজ্জিত, স্রবাসিত, রমা হৃদ্যান্তরে,
বিরাজিছে মনস্বখে কুমার-মিরণ ;
একে সুরা, তাহে সুরা রমণীঅধরে,
অনল সহায় যেন প্রবল পবন ।
নিকটে বসিয়া নীচ উপাসক যত,
বর্নিছে স্রবর্ণ রঙ্গে, মিরণ নয়নে
নন্দনকানন-শোভা-পূর্ণ ভবিষ্যত ;
মিরণ বসিবে যবে বঙ্গসিংহাসনে,
পাণ্ডিত্য ভাবিতেছিল স্বহস্তে তখন
কত শত মানবের বধিবে জীবন ।

১৪

এমন সময়ে এক পাপ অনুচর,
—লেখা যেন 'নরহত্যা' কপালে তাহার ;
পাপে লৌহবর্ষারত পাষণ-অস্ত্র,
হুশ্রুতি নিবন্ধন বিকৃত আকার,—
নিবেদিল আভূতল নত করি শির,
যোড় করে,—“সুবরাজ ! এই অনুচর
ভূতপূৰ্ব নবাবের যত্নমহিবীর
শুনেছে রোদন ধ্বনি,—চিত্তব্রবকর,
জাহ্নবী-তিমির-গভ-খনির ভিতরে
রমণী-রতন-রাশি ”—বাক্য নাহি সরে ।

১৫

দাঁড়াইল অনুচর স্তম্ভিত অন্তরে,
যেন কেহ অকস্মাৎ শ্রীব! নিষ্পীড়নে
করিয়াছে কঠরোধ ; মুহূর্তেক পরে,—
“সুবরাজ হায় ! এই উদর কারণে
কত হত্যা কত পাপ করিছি সাধন,—
কিন্তু এই শেষ”—চর দীরব আবার—
“অন্ধকারে বিদারিয়া জাহ্নবী জীবন
মুঘুর্ঘু ব্যঞ্জক যেই নারী-হাহাকার
উঠিল আকাশপথে,—জীবনে, মরণে,
নিরন্তর সেই ধ্বনি বাজিবে শ্রবণে ।

১৬

“ বলিল সে ধনি যেন নিয়তিবচন
 ‘ বিনা দোষে ডুবাইল যত অবলারে,
 বিনামেঘে বজ্রাঘাতে মরিবে মিরণ ;’ ”
 নারীহস্তা পাপিষ্ঠের এই সমাচারে,
 একটি বিদ্রাতজ্যোতিঃ মিরণশরীবে
 আপাদ মস্তক যেন হলো সঞ্চালিত ;
 স্থিরনেত্রে কিছুক্ষণ—সাহিয়া প্রাচীরে ;
 মাদকে অবশ দেহ হইল কল্পিত ;
 ইংরাজের বীরকণ্ঠ উঠিল ভাসিয়া,
 হেন কালে ‘ছিপ্ হিপ্ হুররো’ বলিয়া !

১৭

ইংরাজ-শিবির-শ্রেণী অদূর উদ্যানে,
 দাঁড়াইয়া স্থিরভাবে নৈশ অন্ধকারে ;
 শোভিছে নক্ষত্র যথা নিদাঘ-বিমানে,
 শোভিছে আলোকরাশি উদ্যান-আধারে ;
 শূন্য করি বাঙ্গালার রাজ্যের ভাণ্ডার,
 বহুমূল্য রাশীকৃত সঞ্চিত রতন,
 খুলিয়াছে ইংরাজের আমোদ-বাজার,
 স্রুকের সাগরে চিত্ত হরেছে মগন ;
 বাঙ্গালার রাজকোষ,—মণিপূর্ণ ধনি—
 নিবিড় তমসে মাত্র পূর্ণিত এখনি ।

১৮

হায় ! মাতঃ বঙ্গভূমি ! বিদরে হৃদয়,
 কেন স্বর্ণ-প্রসূ বিধি করিল তোমাতে ?
 কেন মধুচক্র বিধি করে সুধাময়,
 পরাণে বধিতে হায় ! মধুমক্ষিকারে ?
 পাইত না অনাহার-ক্লেশ মক্ষিকায়,
 যদি মকরুন্দ নাহি হতো সুধামার ;
 স্বর্ণ-প্রসবিনী যদি না হইতে হায়,
 উঠিত না ষড়ে আজি এই হাহাকার !
 আক্ষিকার মকভূমি, সুইস্ পাষণ,
 হতে যদি, তবে মাতঃ ! তোমার সন্তান

১৯

হইত না এইরূপ ক্ষীণকলেবর ;
 হইত না এইরূপ নারী-সুকুমার ;
 ধমনীতে প্রবাহিত হতো উগ্রতর
 রক্তস্রোত ; হতো রক্ষঃ বীর্যের আধার,
 আজি এই বঙ্গভূমি হইত পূর্ণিত
 সঙ্গীত পুরুষরক্তে ; দিগ দিগন্তর
 বজ্রের গৌরবস্বৰ্ণ্য হতো বিভাসিত ;
 বাঙ্গালার ভাগ্য আজি হতো অন্যতর ;—
 কল্পনে ! সে দুর্ভাগ্য ক'ষ নাই আর,
 ব্রিটিস শিবির ওই সম্মুখে তোমার !

১৮

২০

একটি শিবির মধ্যে টেবিল বেষ্টিয়া
 বিরাজিছে কাষ্ঠাসনে যুবা কত জন,
 যেই বীর্য আসিয়াছে পলাশি জিনিয়া,
 সুরাহস্তে পরাজিত হয়েছে এখন ;
 ভগ্ন কাঁচপাত্র, শূন্য সুরার বোতল,
 যায় গড়াগড়ি পাশে ; তা সবার মনে
 কত বীরবর হয়ে আনন্দে বিহ্বল,
 বিস্মৃতির ক্রোড়ে ন্যস্ত ভূতল-শরনে ;
 ত্রিতঙ্গ করিয়া অঙ্গ কেহ বা উঠিতে,
 সুরার লহরী পুনঃ ফেলিছে ভূমিতে।

২১

শ্রেণীবদ্ধ কাঁচপাত্র টেবিল উপরে
 বিরাজিছে—শূন্য কিম্বা অর্ধশূন্য সব ;
 এই পূর্ণ করিতেছে বোতল-নির্ভরে ;
 মধুর নিকণে এই—সুমধুর রব !—
 প্রণয়মিলনে সবে চুম্বি পরস্পরে
 উঠিল—হইয়া শূন্য যেন ইন্দ্রজালে—
 উত্তরিল বজ্রনাদে টেবিল উপরে ;
 সুরাসঙ্কেচিত রক্তনেত্রে ছেন কালে,
 মদিরামার্জিত কণ্ঠে যুবক সকল,
 আরস্তিল উচ্চৈঃস্বরে সঙ্গীত সরল।

২২

গীত।

এ সূৰ্যের দিনে প্রফুল্ল অন্তরে,
 গাও মিলি সবে ব্রিটনের জয় ;
 বীরপ্রসবিনী পৃথিবী ভিতরে,
 ভূতলে অজেয় ব্রিটনতনয় ;
 ব্রিটনের কীর্তি করিতে প্রচার,
 পিয়ে এই গ্রাম অমৃত-আনার,
 গাও সবে মিলি গাও তিনবার,—
 হিপ্—হিপ্—হুর রো
 হিপ্—হিপ্—হুর রো
 হিপ্—হিপ্—হুর রো।
 ভূপতির শ্রেষ্ঠ ব্রিটন-ঈশ্বর,
 সমুদ্র—রাজ্যের পরিখা ঘাঁহার ;
 জিনিয়া অনন্ত অসীম সাগর,
 দ্বিতীয় জর্জের মহিমা অপার ;
 দীর্ঘজীবী তাঁরে ককন ঈশ্বরে,
 পান কর সবে এ কামনা করে,
 গাও তিনবার প্রফুল্ল অন্তরে,—
 হিপ্—হিপ্—হুর রো
 হিপ্—হিপ্—হুর রো
 হিপ্—হিপ্—হুর রো।

জিনিয়াছি সবে যেই সিংহবলে,
পলাশির রণ হাসিতে হাসিতে ;
গাও জয়তীর, ধনি কুতূহলে
উঠুক আকাশে ভূতল হইতে ;
ঢাল সুরা ঢাল আর একবার,
সুদীর্ঘ জীবন হউক তাঁহার,
পান কর সুরে গাও তিনবার,—

হিপ্—হিপ্—হুর রো।

হিপ্—হিপ্—হুর রো।

হিপ্—হিপ্—হুর রো।

ডুব ডুব করি ঢাল এইবার,
এবার অহুতা ত্রিটিসললনা ;
স্মরি শ্বেতবক্ষঃ হিমালী-আকার,
রক্তগর্ভাধরা, শ্বেতবরাননা,
স্মরিয়া নয়ন বিলাস-আধার,
শূন্য কর সবে গ্লাস এইবার,
গাও উচ্চৈঃস্বরে গাও তিনবার,—

হিপ্—হিপ্—হুর রো।

হিপ্—হিপ্—হুর রো।

হিপ্—হিপ্—হুর রো।

নীরব নিশীথে এই আনন্দের ধনি
উঠিল গগনপথে ; নৈশ সমীরণে
ভাসিল সে ধনি ; ক্রমে হলো প্রতিধ্বনি
উদ্যান-অদূরস্থিত ইফকভবনে ;
সমীপ পাদপে স্রুগু বিহঙ্গনিচয়,
জাগিল সে ভীমনাদে কলরব করি ;
জাগিল গৃহস্থগণ হইয়া সভয়,
তঙ্করের সিংহনাদ মনে স্থির করি ;
প্রবেশিল এই ধনি মিরণ-শ্রবণে
সভাতলে ; কারাগারে একটি রমণী

চিত্রা-অভিভূত তন্দ্রা ভাঙিলে, অমনি
জাগিল সত্রাসে বামা ; সিরাজদ্দৌলার
শিবির-সজ্জিনী হায়, সেই বিবাদিনী !
বিবাদজ্বলে আরও গাঢ়তা সঞ্চার
হইয়াছে রমণীর ; অশ্রু বরিষণে
লিখেছে যুগলরেখা কপোল-কমলে ;
নাহি সে বিলাসজ্যোতিঃ যুগল নয়নে ;
পশিয়াছে কীট গুচ্ছ বাঁধুলীর দলে ;
সে নয়ন, সে বরণ, অতুল বদন,
ছায়ামাত্রের পরিণত হয়েছে এখন !

২৫

সুকুমার দেহলতা কোমলতাময়,
চিন্তার তরঙ্গোপরি ভাসি বহুক্ষণ,
না নিদ্রিত, না জাগ্রত, অবশ হৃদয়,
পড়েছিল ধরাতলে অবসন্ন মন ;
বিজ্ঞাতীয় গীতধ্বনি করিয়া শ্রবণ,
দাঁড়াইয়া তীরবৎ কাঁপিতে লাগিল ;
আপন সর্বস্ব ধন করিতে হরণ,
আসিতেছে দস্যুরুল্ল মনেতে ভাবিল ;
সঙ্গীতের ধ্বনি মনে সিংহনাদ গণি,
ভূতলে মুচ্ছিত হয়ে পড়িল রমণী !

২৬

কিছুক্ষণ পরে বামা হয়ে সচেতন,
ভাবিতে লাগিল,—“আহা! প্রাণেশে আমার,
নিশ্চয় এসেছে দস্যু করিতে নিধন ;
জন্মের মতন নাথে দেখি একবার,”—
ছুটিল বিদ্রোহবেগে উম্মাদিনীপ্রায়,
অবসন্ন কক্ষ হতে হইতে নির্গত,
অমনি কপালে দৃঢ় কপাটের ঘায়,
পড়িল ভূতলে ছিন্ন কদলীর মত ;
ছুটিল শোণিতশ্রোত তিতিয়া কপাল,
ভাসিল লোহিত জলে সোণার মৃগাল।

২৭

হায় রে অদৃষ্ট ! যেই রমণী-শরীর,
সুকুমার-শব্দোপরে হইয়া শায়িত,
হইত ব্যথিত, একি নিরব্বন্ধ বিধির !
ইফক-উপরে ওই আছে নিপতিত ;
পিপীলিকা-দস্তাঘাতে, বেষ্টিয়া যাহারে
শুশ্রূষা করিত শত পরিচারিকায় ;
আজি সে যে নিদারুণ লোহার প্রহারে,
মুচ্ছাপন্ন একাকিনী ইফক-শযায় ;
রাজরাণা পড়ে হায় ! ভিখারিণী মত,
সোণার কমল আহা ! এইরূপে ক্ষত !

২৮

যায় নাই প্রাণ,—প্রাণ যাইবে বা কেন ?
এত স্বপ্নস্থায়ি নহে দুঃখের জীবন ;
দুঃখীর মরণ হলে স্বপ্নে সিদ্ধ হেন,
ধরার অর্ধেক দুঃখ হইত স্বপন ;
যায় নাই প্রাণ ;—বামা কিছুক্ষণ পরে,
সুদীর্ঘ নিশ্বাস ছাড়ি জাগিল আবার ;
লোহাঘাত, রক্তপাত, ধরার উপরে—
নাহি কিছু জ্ঞান ;—কিসে প্রাণেশে উদ্ধার
করিবে ভাবিছে মনে ; কিসে একবার
নাইবে হৃদয়ে সেই প্রেম-পারাবার।

২৯

“হে বিধাতঃ !” শোকে সতী নিবিড় আঁধারে
বলিতে লাগিল ধীরে করি যোড় কর ;
চাহি উর্দ্ধপানে, ভাসি নয়ন-আসারে,
অশ্রু সহ রক্তবিন্দু ঝরে দরদর ;—

“হে বিধাতঃ ! হুঃখিনীরে এবে দয়া কর,
আর এ যাতনা নাহি সহে নারীপ্রাণ,
জানি আমি পতি মম হৃৎসংস পামর,
হৃদয় পাষণ তাঁর ; কিন্তু সে পাষণ
হুঃখিনীরে বাসে ভাল ; হুঃখিনী তেমন
করিয়াছে সে পাষণে আত্মসমর্পণ ।

৩০

“কহ কোন মন্ত্র, বিধি, হুঃখিনীর কাণে
যার বলে ওই কঙ্ক কপাট-অর্গল
খুলিবে পরশে মম ; যেমতি বিমানে
খোলে, পরশনে উষা-কর স্বকোমল,
ধীরে পূর্বাসার দ্বার নীববে প্রভাতে ;
অথবা যে বিধি হয় ! নিষ্ঠুর এমন,
দিয়া রাজ্য সিংহাসন বিপকের হাতে,
বদ্বেশরে কাঁরাগারে করিল প্রেরণ ;—
নরহত্যা-হস্তে, —মরি বুক ফেটে যায়,
সে বিধির কাছে কীদি কি হইবে হয় !

৩১

“সতী নারী আমি, মম পতিগত প্রাণ,
অবশ্য খুলিবে দ্বার মম পরশনে ;
• প্রকৃত-প্রণ-পথে হয় তিরোধান,
পার্বত, সমুদ্র, বন ; তাহার তুলনে
তুচ্ছ ওই ক্ষুদ্র-দ্বার,”—বলি উষাদিনী
টানিতে লাগিল দ্বারে স্নকুমার করে,
যেমতি পিঞ্জরবন্ধ বনবিহঙ্গিনী,
চঞ্চুতে কাটিতে চাহে লোহার পিঞ্জরে ;
রমণীর কর-রক্তে দ্বার কলঙ্কিল,
রমণীর কত অশ্রু কপাটে ঝরিল ।

৩২

“রে পাপিষ্ঠ নরাদম হৃৎসংস মিরণ !
হরি রাজ্য সিংহাসন ওরে হুঁরাচার !
তোর পাপতুষ্ণা কিরে হলো না পূরণ ?
রমণীর প্রতি শেষে এই অভ্যচার !
বরঞ্চ ত্যজিব প্রাণ এই কাঁরাগারে,
লইব পাতিয়া বুক উলঙ্গ রূপাণ,
তথাপি এ রমণীর প্রেমপারাবার,
বিন্দুমাত্র বারি তোরে করিবেনা দান ;
যে চাহে পশুত্ব-বলে রমণী-প্রণয়,
অনলে সে চাহে জল, পাবাণে হৃদয় ।”

১৯

৩৩

লৌহের কপাট, দৃঢ় লৌহের অর্গল,—
 খুলিল না রমণীর ককণ রোদনে ;
 ত্রিবিল না দুঃখিনীর ঝরি অশ্রুজল ;
 রথাজ্রমে বিবাদিনী অবসন্ন মনে
 বসিল ভূতলে ; আঁহা ! শিথিল শরীর,
 আশ্রয়বিহীন চাকুলতার মতন,
 পড়িল ভূতলে ক্রমে হইয়া অধীর ;
 নেত্রপথে শোকশ্রোত করি উন্মোচন,
 যুদ্ধতে হৃদয় হলো সঙ্গীতে মগন।

৩৪

গীত।

আর এ যন্ত্রণা মম প্রাণে সহেনা,
 বিধাতার মনে ছিল এত বিতর্কনা ;
 হলেম রাজরাণী,
 হলেম্ ভিখারিণী-
 কারাগারে মরে শেষে দুঃখিনী ললনা ;
 গেল সিংহাসন,
 গেল পতি ধন,
 দুঃখের জীবন কেন তবু যায় না ;
 হৃদয়-মৃগালে
 প্রাণেশ-কমল,
 তাহারে হরিলে কিসে বাঁচে পতি-প্রাণা ;

তুচ্ছ সিংহাসন,

তুচ্ছ রাজ্য ধন,

কেবল প্রাণেশ মম হৃদয়-বাসনা।

৩৫

নীরব অবনী ; নিশি দ্বিতীয় প্রহর ;
 নীরব নিদ্রিত পুরী ; আঁমোদ তুফান,
 বিলোড়ন করি পুরী,—এবে স্থিরতর ;
 হয়েছে নগর বেন অবসন্নপ্রাণ ;
 প্রহরীর পদশব্দ ; ঝিল্লির ঝঙ্কার ;
 পবনে শঙ্কিত দূর সারমেয়-রব ;
 কেবল মধুর স্বনে সমীরসঙ্কার
 কারা-বাঁতায়নে ; আর সকলি নীরব ;
 রুখা এ নিশীথে নারী-স্বর মুঞ্চকরী,
 নির্জন কাননে যেন কাকলী-লহরী।

৩৬

কারাগার-কক্ষান্তরে গভীর নিশীথে,
 কে ও দাঁড়াইয়া ওই অবনত মুখে ?
 বাঁতায়ন-কাঁঠে বক্ষ, নেত্র পৃথিবীতে,
 শ্মশ্রু বেয়ে অশ্রুধারা পড়িতেছে বুক ?
 কেবল অভাঙ্গা হায় ! একতান মন,
 শুনিয়াছে রমণীর বিষাদ-সঙ্গীত ;
 করিয়াছে প্রতিপদে অশ্রু বরিষণ ;
 প্রতিতানে চিত্ত তার হয়েছে স্রবিত ;

যেন পদে পদে ক্রমে আস্রু হয় ক্ষয়,
শেষ তানে জীবনের হইয়াছে লয়।

৩৭

প্রসুর-পুতুল যেন গবাক্ষে স্থাপিত,
হতভাগা দাঁড়াইয়া রয়েছে এখন ;
অস্পন্দ শরীর, সর্কর ধমনী স্তম্ভিত,
অনিশ্বাস, অপলক, নাসিকা, নয়ন ;
তুমুল ঝটিকা বেগে কিন্তু স্মৃতিপথে
বহিতেছে জীবনের ঘটনানিচয় ;
স্বপ্নের শৈশবকাল, কৈশোর সুরভে,
বঙ্গসিংহাসন, ঘোর অত্যাচারচয়,
প্রজার বিরাগ, পরে পলাশি-সমর,
পরাজয়, পলায়ন, ধৃত, কারাগর।

৩৮

অবশেষে প্রিয়তম-পত্নী-কারা-বাস ;
একে একে সব মনে হইল উদিত ;
শেষ চিন্তা,—দাবানলে ছুটিল বাতাস ;
চিন্তায় মস্তিষ্ক এবে হইল পূর্ণিত ।
সহিতে না পারি যেন এই গুরু ভার,
ভূতলে পতিত হলো ধ্বংস-কলেবর ;
কমলিনীদলনিভ শয্যাগ যাহার
সতত শয়ন, তার শয্যা কি প্রসুর !

অবিচ্ছিন্ন চিন্তারাশি নয়নে তাহার,
ঘোরতর কুয়াটিকা করিল সঞ্চার।

৩৯

কুয়াটিকা ব্যাপ্ত সেই তমিষ্র ভিতরে,
নিরখিল হতভাগা মানস-নয়নে,
ভীষণ উত্তম নীল বহির সাগরে ;
প্রচণ্ড তরঙ্গরাশি ভীম আবর্তনে
গর্জিতেছে জীমূত-নাদে ; নাহি বেলা সীমা ;
ছুটিছে অনল-উর্ঝ্বি দিগন্ত ব্যাপিয়া ;
অতি ভয়ঙ্কর সেই অনল-নীলিমা ।
সে নীল তরল বহ্নিসাগরে ভাসিয়া,
অসংখ্য মানববৃন্দ, দগ্ধ কলেবর,
অনন্ত কালের তরে দহে নিরন্তর।

৪০

এই দগ্ধ দেহ হতে তরঙ্গ-প্রহারে,
অস্থিহতে মাংসরাশি ফেলিছে খুলিয়া,
উলঙ্গ করসে পুনঃ, প্রচণ্ড হুঙ্কারে,
দিতেছে স্থলিত মাংস সংলগ্ন করিয়া ;
অমৃতব-অতিক্রম দাক্ষণ পীড়ার,
করিতেছে দগ্ধ দেহ ভীষণ চীৎকার ।
এই দৃশ্যে, হাহাকারে, অনল-শিখায়,
কেশরাশিতেও কম্প হলো অভাগার ;

অকস্মাৎ হতভাগী দেখিল তখন,
এ অনল-পারাবারে হয়েছে পতন।

৪১

চিন্তামাত্র অভাগার করঙ্গ ভিতরে,
সংখ্যাতীত কীট যেন হলো সঞ্চালিত ;
ভুঙ্কারিয়া চতুর্দিক নীল বৈশ্বানরে,
অভাগারে একেবারে করিল গ্রাসিত ;
সঁতারিতে চাছে, কিন্তু দগ্ধ হুই করে
শিলাবৎ অবশতা হয়েছে সঞ্চার,—
যন্ত্রণার পরাকাষ্ঠা !—কম্পিত অন্তরে
উঠিল অভাগা মনে করিয়া চীৎকার।
কক্ষে আলো,—অসি করে সম্মুখে শমন—
চীৎকার করিয়া ভূমে হইল পতন।

৪২

এই কি সিরাজদৌল ? এই সে নবাব
যার নামে বঙ্গবাসী কাঁপে থর থর ?
যার এই বঙ্গে ছিল প্রচণ্ড প্রভাব,
সেই কি পতিত আজি ধরার উপর ?
কোথায় সে সিংহাসন ? পারিষদগণ ?
কোথায় সিরাজ তব মহিবীমগুল ?
কোথায় সে রাজদণ্ড ? খচিত ভূষণ ?
কেন আজি অক্ষুণ্ণ নয়নযুগল ?

এ যে মহম্মদি বেগ, তব অনুচর,
তুমি কেন পাড়ে তার চরণ উপর ?

৪৩

হুই দিন আগে এই হুঙ্কান্ত সিরাজ,
চাহিত না মুখ তুলি যেই অনুচরে ;
আজি সে নবাব আছা ! বিধির কি কায !
কাঁদিলে চরণে তার জীবনের তরে ;
শত শত নর পড়ি যাহার চরণে
কাঁদিত, অদৃষ্ট আছা কে দেখে কখন ?
সে মাগিছে ক্ষমা ; যাহা এ পাপ জীবনে
জানে নাই, শিখে নাই, ভ্রমে বিতরণ
করে নাই,—কি আশ্চর্য্য বিধির বিধান,
যাহার যেমত দান, তথা প্রতিদান।

৪৪

রে পাপিষ্ঠ, হুরাচার, নিষ্ঠুর, হুঙ্কর !
পায়ের পড়, ক্ষমা চাহ, সকলি বিফল ;
কক্ষেত্রে যেই বীজ করেছ বপন,
ফলিবে তেমন তর অনুরূপ ফল ;
আজন্ম ইন্দিগ-মুখ-পাপের মায়ায়,
কি পাপে না বঙ্গভূমি করেছ দূষিত ?
নরনারী-রক্তস্রোতে, ভুলেছ কি হার !
কি পাপকামনা নাহি করেছ পূরিত ?

ভাবিতে পরের ভাগ্য-বিধাতা তোমার,
নিজ ভাগ্যে এই ছিল জানিতেনা হায় !

৪৫

রে নির্দয় অনুচর, রুতয়-হৃদয় !
কি কাষে উদ্যত আজি নাহি কিরে জ্ঞান ?
কেমনে রে হুরাচার ! কেমন নির্ভয়ে,
নাশিতে উদ্যত আজি নবাবের প্রাণ ?
ক্ষান্ত হও, ক্ষান্ত হও, আপনার পাপে,
ডুবিতেছে যেই পাপী কি কাজ তাহারে
বধিয়া আবার ? আছা ! নিজ অনুতাপে
জ্বলিতেছে যেই জন, অকারণ তারে
কি ফল বলনা প্রাণে করিয়া সংহার ?
মরার উপরে কেন খাড়ার প্রহার ?

৪৬

ডুবিবে, ডুবিছে, পাপী আপনি আপন ;
শৃঙ্গচ্যুত শিলাখণ্ড, তাজিয়া শিখর,
পড়ে যবে ধরাতলে, কি কাষ তখন
আঘাত করিয়া তার পৃষ্ঠের উপর ?
সৌভাগ্য-আকাশ-চ্যুত অভাগা যবন,
ভূতলে পতিত এবে নক্ষত্রের প্রায় ;
কি হইবে অভাগার বধিলে পরাণে,
থাক হত গৌরবের পতাকার ন্যায় ;

ছায়াইয়া ধন, মান, রাজ্য, সিংহাসন,
কারাগারে হতভাগা কাটুক জীবন !

৪৭

গভীর নিশীথ ; নৈশ প্রকৃতি গভীর
স্থির ভাবে দাঁড়াইয়া বিশ্ব চরাচর ;
রুক্ষপক্ষ রজনীর বরণ তিমির,
ক্রমে ক্রমে হইয়াছে আরো গাঢ়তর ;
মাতঃ বসুন্ধরে ! হেন নিবিড় নিশীথে,
হিংস্র জন্তুরাও বনে বিবরে নিশ্চিত ;
হায় ! এ সময়ে কেন ধরা কলঙ্কিতে,
মানবের পাপলিপ্সা হয় উত্তেজিত ?
বসুমতি ! বঙ্গভূমি ! যাও রসাতল,
লইও না এই পাপ পীতি বক্ষঃস্থল ।

৪৮

কি করিস্ ! কি করিস্ ! ওরে অনুচর !
তুলিস্ না তীক্ষ্ণ অসি, ওরে হৃশংসয় !
ক্ষমা কর, ক্ষমা কর, অনুরোধ ধর,
এই পাপে যবনের ঘটিবে নিরয় ।
উঠিল উজ্জ্বল অসি করি ঝলমল,
হুর্ধ্বল প্রদীপালোকে ; নামিল যখন
সিরাজের ছিন্ন মুণ্ড চুন্নিয়া ভূতল
পড়িল, ছুটিল রক্ত স্রোতের মতন ;

সেই শোণিতের স্রোতে, হইল তখন
বঙ্গ-স্বাধীনতা-শেষ-আশা বিসর্জন।

সম্পূর্ণ।



শ্রীমুন্সি মণ্ডলাবল্ল কৰ্তৃক প্রকাশিত।

পরিশিষ্ট।

ক—১ম সর্গ ২৫ শ্লোক—

১৮৬৯ ইংরাজির কোন এক সঙ্খ্যক অমৃতবাজার পত্রিকাতে
“সিরাজউদ্দৌলার রাজত্ব গেল কেন?” শীর্ষক যে একটি প্রশ্নাব
প্রকটিত হয়, তাহা হইতে এই ঘটনানিচয় গৃহীত হইল।

খ—২য় সর্গ ২৭ শ্লোক—

মালদ্রাজে এক হুরস্ত সৈনিককে ক্লাইব ‘ডুয়েল’ যুদ্ধে হত করেন।
এই ঘটনা মেকলিতে সবিস্তার বর্ণিত আছে।

গ—৫ম সর্গ ৩য় শ্লোক—

আমি কোন একজন বঙ্গ সাহিত্য-সমাজে সুপরিচিত বঙ্গুর মুখে
শুনিয়াছি, পলাশির যুদ্ধের কিছুদিন পূর্বে সিরাজউদ্দৌলা মহারাজ রুম-
চন্দ্রকে মন্দির ভূর্গে কারাবদ্ধ করিয়া রাখিয়াছিল। এ যুদ্ধের প্রাক্কালে
তাঁহার প্রাণদণ্ডের অনুমতিও প্রেরণ করিয়াছিল। কিন্তু মহারাজ ইচ্ছা-
দেবতার পূজা সাজ করিয়া রাজদণ্ড গ্রহণ করিতে অবকাশ লইয়া এত
দীর্ঘ পূজা আরম্ভ করেন যে, এই যুদ্ধ শেষ হইয়া যায় এবং ক্লাইবের দূত
যাইয়া তাঁহার প্রাণ রক্ষা করে। তদবস্থিত মহারাজের একখানি
চিত্রপট অদ্যাপি রুমনগর-রাজভবনে আছে বলিয়া বঙ্গু আমাকে
বলিয়াছিলেন।

ঘ—৫র্গ ১৬ শ্লোক—

যশহর অবস্থিতি কালে কোম একজন বন্ধুর মুখে শুনিয়াছিলাম, মিরজাফর সিংহাসন আরোহণ করিলে তৎপুত্র পাণ্ডিত্য মিরণ ঘোষ-পরবশ হইয়া সিরাজদ্দৌলার উপপত্নীস্বন্দকে একটি তরণীসহ ভাগীরথীগর্ভে মগ্ন করে। হতভাগিনীগণ নিমজ্জিত হইবার সময়ে মিরণকে তিনটি অভিশাপ প্রদান করিয়াছিল;—প্রথমটি মিরণের বজ্রাঘাতে মৃত্যু হইবে; দ্বিতীয়টি, মিরজাফর অচিরে সিংহাসনচ্যুত হইবে; তৃতীয়টি আমার স্মরণ হইতেছে না। এই গল্পটি সত্য কি মিথ্যা তাহা রচয়িতা বলিতে পারেন না, তাহা কাব্যলেখকের জানিবারও আবশ্যক করে না; কারণ তাঁহার পথ নিষ্কণ্টক।